

馥  
齋  
亭  
集



謾

欲

亭

集

憶幼時從先大夫讀書偶命賦春草詩喜曰此子性情尙厚當可學詩十五歲補縣學生員以待漏院詩受知於學使新城陳先生繼任者當塗黃先生觀風歲科兩試俱承獎勵遂授以詩學先生嘗曰詩以言志言爲心聲若徒揣摩格律彫琢詞藻縱成結構終乏性情古人頌詩讀書必先知人論世蓋非學無以擴識非識無以範才至於窮通顯晦境遇各殊敦厚溫柔體要斯在則視乎其人之自得耳騫藻謹識斯語四十餘年學不加進時有吟詠輒多弃置比年養疴閒居始尋檢存稿略加編次自嘉慶十七年至咸豐四年致仕以前釐爲三十二卷詩之工拙不敢計惟藉是稍荅父師之訓紀生平閱歷歲月而已至恭和

餽飢亭集序

一

宸章曾進奏御者謹仿前輩存詩之例別錄成卷不敢闕入私集餽飢亭爲吾鄉古蹟曩讀顏氏家訓喜其奇字擬補築亭於方山爲退老讀書之地荏苒至今斯願未遂取以名集用志嚮往

咸豐六年歲次丙辰孟春之月壽陽祁騫藻自記於宣武城南之勤學齋

饒欲亭集目錄

卷一 古今體詩四十八首

嘉慶十七年歲在壬申至丁丑

卷二 古今體詩四十五首

丁丑至己卯

卷三 古今體詩五十九首

庚辰 道光元年歲在辛巳

卷四 古今體詩五十五首

壬午

卷五 古今體詩六十八首

壬午

饒欲亭集目錄

卷六

古今體詩五十一首 癸未

卷七

古今體詩五十三首 癸未 甲申

卷八

古今體詩五十九首 甲申 乙酉

卷九

古今體詩四十五首 乙酉

卷十

古今體詩四十九首 丙戌

卷十一

古今體詩三十六首

丙戌丁亥

卷十二

古今體詩四十一首

丁亥

卷十三

古今體詩四十三首

丁亥戊子

卷十四

古今體詩六十一首

戊子

卷十五

古今體詩四十七首

己丑

卷十六

古今體詩四十四首

庚寅

饒毓亭集目錄

二

卷十七

古今體詩四十五首

庚寅辛卯

卷十八

古今體詩五十首

壬辰癸巳

卷十九

古今體詩二十九首

癸巳甲午

卷二十

古今體詩五十一首

甲午乙未

卷二十一

古今體詩四十首

乙未

卷二十二

古今體詩四十八首

丙申丁酉

卷二十三

古今體詩四十四首

丁酉

卷二十四

古今體詩五十四首

戊戌

卷二十五

古今體詩四十七首

戊戌己亥

卷二十六

古今體詩六十六首

庚子

卷二十七

古今體詩五十三首

辛丑至甲辰

《猥紕亭集目錄

三

卷二十八

古今體詩八十三首

乙巳丙午

卷二十九

古今體詩六十八首

丙午至己酉

卷三十

古今體詩六十三首

己酉

卷三十一

古今體詩四十四首

己酉庚戌

卷三十二

古今體詩四十三首

庚戌

咸豐元年歲在辛亥至甲寅

復仇亭集目錄

卷一古今體詩五十七首

嘉慶十七年歲在壬申至丁丑

九日蘭州城上望河樓登高 孝女吟 平涼道中  
 閩滑縣事 夜行 初成進士 忝與館選紀  
 述志二首 樂泉詩 用昌黎山石詩韵 階前蜀葵  
 為風雨所折感作 與田季高晚登西阿眺湖山之  
 勝 借君集後 平定山中 秋晚過濬沱河 書吳  
 蓮洋徵君集後 采樵行 送張文山之大名 保陽  
 旅館送家竹軒二兄奉使朔州 夜坐 清遠軒曉  
 起 戰國策書後三首 和余鐵香夜坐 清遠軒曉  
 秋來二首 十月二十一日出都留別彭荷 邨段  
 軒田季高 野店偶聽 策馬入太行山 陘 客秋  
 過獲鹿見店壁題詩頗佳 今無存矣感作 井 容河  
 上懷古 白石嶺 望神山 古槐歌為南村周觀  
 光秀才作 春初獲鹿道上寄懷王明府 定州道  
 中 城頭角

卷二古今體詩五十九首

丁丑至己卯

復仇亭集目錄

題向陽茅屋圖六首 讀貨殖傳 擬儲光義田家  
 雜興四首 種藤歌為釋堂先生作 青槐吟社晚  
 坐 擬五雜組五首 雜詠八首 苦旱 題安息  
 齋圖 生日感懷 苔余鐵香 觀明蒲城令忠烈朱  
 公遺像二首 舍後丁香初開 詠懷六首 眺 北寺  
 題壁上 山村夜雨 種松歌 沈石田韓襄毅園林畫  
 國公上 包安父劉子歌 題沈石田韓襄毅園林畫  
 冊四首 秋夜酌客二首 憶柳四首 寄鐵香 黃  
 寸園以明湖圖屬題懸壁間 月矣客有晉卿欲奪  
 海石之詩題以解嘲 左田夫子壽詞四首 種香  
 園為張師肇先生題

卷三古今體詩五十五首

庚辰

道光元年歲在辛巳

春莫偕同年吳梅梁吳仲雲遊城南諸蘭若次仲雲  
 前二首 去歲端陽借黃了在軒可菴昆季集陶然亭  
 在軒作江亭歸思小 幅未了今年午重來可菴補  
 成持贈題詩紀之 感事 椿蔭軒消夏分韵得北  
 字 宣德銅盤歌 題仲雲所藏陸日為棧道圖  
 驟雨次陳小石的 題黃樹齋游廬五少圖 偕吳  
 梅梁王蘭卿李葆初吳仲雲 泛舟二閘用徐階詩柳  
 陰催繫纜句分韵得陰字 同人泛舟賦詩唯纜韵

頗狹雨中獨坐拈此破寂 庚辰六月晦立秋劉青  
園招借何玉民田季高陪左田師納涼崇效寺重展  
青松紅杏畫卷次左田師韻 送何玉民從左田師  
秋扈木蘭雪丈內兄陳伯芝小石晚香書庭敬夫內姪  
約吳蘭雪丈內兄陳伯芝小石晚香書庭敬夫內姪  
福茲稻孫集陶然亭 得家書許蓮西 有懷三首  
珠隱齋夜坐 簡寸園 寄荅許蓮西 題鄭雲麓  
同年荆庭聚慶圖用東坡馬上寄子由詩韻 天寒  
歲莫積雪在庭寸園扣門過訪園鑪煮茗出矮紙拉  
雜寫之以當餞歲即題卷尾六首 除夕 辛巳三  
月朔日蒙 恩入直 南書房恭紀 初八日廬  
呈程雲芬前輩 秋雨退直簡城南諸同年 九日  
壹齋夫子招同張詩船劉青園何玉民田季高集十  
利海 賜第觀吳文定足潘邠老滿城風雨近重陽  
句詩卷次韵四首 井西水屋消寒 賜哈密瓜恭紀  
蠟梅畫卷 題黃 在軒水部雪後園林畫卷二首  
消寒分詠得金橘 詠時辰表 堂花 題左田夫  
子武昌餞歲圖

卷四古今體詩六十八首 壬午

餞徂亭集目錄

二

大雪退直 仲春感懷二首 春闈分校呈李芝齡  
少宗伯次朱蘭坡前輩韻二首 春闈呈煦齋司農  
夫子二首 再呈芝齡前輩二首 覆檢落卷悵然  
得句 鈴榜日喜雨 五月十二日奉 命典試  
廣東感 恩恭紀 良鄉塔 涿鹿行館爲程玉  
樵同年作時同奉使 張桓侯古井 自新城抵白  
溝河 河上小憩 趙北口 肩輿道覆夷于右臂  
作此自遣 早發河間大霧 生日次韻荅玉樵  
新城令僻午橋阜城令賈淵善皆吾鄉人也乞其致  
書都下以慰高堂之思 德州渡運河冒雨入行館  
去恩縣十里許憩村樹下 曉行田間聞禽言感  
作 旅館不寐懷程雲芬前輩 東阿道中二首  
余宿東阿之夕夢與徐熙荃應童子試視日已夕余  
心頗迫熙荃殊綽綽也覺而用東坡儋州夜夢韻記  
之即寄熙荃 山雨 自東阿舊縣行十餘里近山  
人家林木明秀如畫 夜抵東平 謁滕文公祠  
六月望日銅山行館對月 曉行 徐州渡黃河望  
城上黃樓寄懷王子卿前輩 月夜淮上 鳳陽道中  
一篇 二蟲 過淮二首 月夜淮上 鳳陽道中  
午憩道旁橡樹下 寂寥 行館桂樹 雨後  
山行二首 入桐城界 度嶺 峇燕語 二十七  
發桐城渡挂車河二首 聞絡緯 潛山道中十首

太湖城北大雨渡河 早發楓香驛二首 去黃梅縣二十里小憩兩河口隄樹下

卷五古今體詩六十九首 壬午

望廬山 渡溥陽江 放晴蛤 經廬山下 東林寺 荆花 雨中發建昌縣 灘溪留別蔡氏兩秀才 東軒

月四日灘溪紀事 宿峽江城宋氏祠堂 峽江城南渡江山行 山中 吉水懷楊文節二首 廬陵

年 阻雨 曉發贛州 十五里渡貢水 水輪歌 三首 渡太和江 萬安渡江山行 贛州呈王子

卿前輩 度梅嶺 舟行書所見二首 望田子磯二首 臥聞舟發 舟行書所見二首 望

詔石 詔州換船南下 雜詠 元上人觀音崖 峽山飛來寺 用東坡詩韻 贈曠 元上人 觀音崖 峽山

韻 次約 芸臺制府前輩修拓號舍新成賦詩見示次韻 作 九月十八日同年梁青厓中翰馮默齋陳華林

兩明府招飲越秀山 廣州火 阻風海幢寺 田羅氏山林 病舌 立冬日熱甚 雨中舟宿峽山寺下

晨謁曠公 十月八日晨起始冷 度嶺見

梅花二首 南康舟中 泊舟小麥灘二首 下灘歌 清江舟中書事 兗州道中二首

癸未新正二日 重華宮茶宴退直恭紀二首 春雪 早朝和雲芬前輩 初居澄懷園次壹齋師約三

再疊前韵和雲芬 雲芬索余奉使粵東詩草三疊前韵答之 喜田季高來訪 壹齋師見和環字韵

詩班作班復疊奉酬二首 送程春海前輩視學黔中二首 清明日壹齋師以張文敏公雍正壬子怡

園看花詩卷命題即席奉和 題文敏公雍正壬子怡圖 許真生遺徽墨柿霜賦謝 春雨和真生 食

筍齋海棠盛開次左田師韵 三月二十九日 恩賜軍機大臣 南書房翰林牡丹人各二枝恭紀

題魏春松丈馬 陸菡生將種 題歙縣相國夫子華洲園別圖 五月二日奉 命視學湖南紀 植園畦 五月初二日奉 命視學湖南紀

述懷兼呈壹齋夫子 早發涿鹿二首 邯鄲盧生祠 磁州淇水 雨發汲縣 渡黃河 曉發蔡

澤北 經棗林下 新鄭縣城南渡河 請雨辭二首 小憩古城人家 確山縣西堂古柏歌贈蔣琴

卷六古今體詩五十一首 癸未

梅花二首 南康舟中 泊舟小麥灘二首 下灘歌 清江舟中書事 兗州道中二首

癸未新正二日 重華宮茶宴退直恭紀二首 春雪 早朝和雲芬前輩 初居澄懷園次壹齋師約三

再疊前韵和雲芬 雲芬索余奉使粵東詩草三疊前韵答之 喜田季高來訪 壹齋師見和環字韵

詩班作班復疊奉酬二首 送程春海前輩視學黔中二首 清明日壹齋師以張文敏公雍正壬子怡

園看花詩卷命題即席奉和 題文敏公雍正壬子怡圖 許真生遺徽墨柿霜賦謝 春雨和真生 食

筍齋海棠盛開次左田師韵 三月二十九日 恩賜軍機大臣 南書房翰林牡丹人各二枝恭紀

史同年 漢陽道中 將至武昌寄李象卿同年  
望黃鶴樓 寄呈壹齋夫子 黃鶴樓和幕客作 江  
夏道中晚行 宿蒲圻縣港口 萬年寺次吳文恪公  
約二首 示袖山上人 巴陵道上 入湖南界 涉  
汨羅江

卷七古今體詩五十三首

癸未甲申

七月十六日自長沙啟行按試桂陽 舟過未陽有  
感二首 慈輿就養來南遣人往迎漢上喜賦 雨  
中馬射 十月九日衡陽試訖與客補作重九醉後  
放歌 十一月二十日長沙試訖置酒得樹軒分韻  
得舍字 卽送郝夢山孝廉歸里 岳州述所見聞示  
諸生 風雨宿青岡驛再送夢山 腳馬歌效東坡  
秧馬歌體 十二月二十日岳州試院東堂分韻得  
岳字 送客長沙城北因遊鐵佛寺一笠亭次秦小  
峴先生舊題韻 正月十八日長沙登舟阻風 舟  
中開印 送賴任之孝廉歸觀南海 寄郭鵬階孝  
廉惠州次前韻 六弟書來問楚南近狀以詩代簡  
荅之三 與洗竹明劉醇夫談嶺南風物 過洞庭西  
湖三首 澧州試院海棠花下歌次東坡定惠院韵  
海棠次諸虎臣韵 盆蕙 三月二十二日發武

復仇亭集目錄

四

陵嶺桃源二首 自桃源縣西南行三十里得秦人  
洞 桃源道中四首 雨後曉行 青山鋪 四月  
七日夜夢授書於濂溪時道州別駕周君攝沅陵令  
適以像示與夢所見符合郡志載崇正書院祀周程  
朱張先賢今之試院卽書院故址爰以夢濂名堂且  
紀以詩 辰陽試院卽書院 故址爰以夢濂名堂且  
寄荅程雲芬學使前輩五首 堂上讀書望南山 荅  
周文泉別駕 辰陽五日書懷二首 船溪驛館北  
窗下嘉木蔚然 石門塘 嗟哉蘇生行效昌黎體  
沅州試院留別諸生 竹朋以詩草見質賦荅  
題劉醇夫石寮詩草 夏夜庭砌草深聞蚯蚓吟聲  
清烈偶檢席上腐談云蚯蚓與螻蛄同穴鳴者螻蛄  
非蚯蚓也率筆記之

卷八古今體詩五十九首

甲申乙酉

沅州望雨二首 蟋蟀吟 楚歌行 曉發黔陽  
靖州試院留別諸生 渠陽送竹朋醇夫歸粵東二  
首 鶴山書院 洪江放舟再送竹朋醇夫 舟中  
大西山 仙人磯 馬希範銅柱 惠州歌送醇  
夫 詠懷古跡三首 鳳灘 茨灘 閏秋十日抵  
永順試院四首 試院西齋和虎臣韵 看山得句

呈坐客 景福泉方伯以祈雨李真人詩見寄賦荅

獨坐 溪州銅柱歌 邊城秋雨驟寒與客食豆

腦感而作詩 永順試院留別諸生 溪州舟下

鳳灘 清浪灘 中秋月夜泊舟桃源江上得句寄

田季高二首 獲嘉盧明府新建同山書院以書相

示寄荅 入甯鄉縣 常德懷古兼示諸生 今春

豐陽試院牆東海棠一株盛開予與幕客頗多酬唱

冬月重來了無詩興將行之夕風寒作雪撫時寫懷

仍用前韵時甲申十一月十九日 前詩既就臆去

年清明酌時甲申十一月十九日 前詩既就臆去

酒賦詩伊可懷也再疊前韵 十一月海棠花下飲

發豐陽泛洞庭至岳陽水程八日得詩八首 二十

七日洞庭阻風夜次何迪齋韵 豐州試院留別諸

生 乙酉元日次高晴劬孝廉韵 二首 次韵邱梅

臣初春感懷 初春雪夜聞雷簡方冉亭二首 雙

江堂上見南山 寶慶試院示諸生 道州周元公

裔孫博士承宗貢生南誥生員岐昌繩武大文承業

手錄公遺書及濂溪志見示敬題簡末 乙酉

卷九古今體詩四十五首

四月八日舟過浯溪 湘江有老漁一篇 耒陽舟

復仇亭集目錄

五

自衡陽至永興舟行述懷 綠天菴 放魚詩 郴州城

陽試院雨後梳頭始見二毛感作 大雨 郴州刺史

北又魚亭昌黎詩所謂北湖者也 湖久以田廢刺史

會君將謀買田濬湖復公之舊作詩貽之 義帝陵

永州道中得蕭子山孝廉書用香山初到忠州寄

萬州楊使君韵荅之 衡州祈晴 喜晴 衡州試

訖將爲南岳之遊以詩約客 楚南科試既竣感

恩述志五十韵 六月十九日舟過衡山縣尹汪

湘筠招遊南岳是夕宿上封寺詰朝觀日出遂登祝

融峯而還得詩十二首 淳化鐵柱歌贈王雲榭

神木鐵舖二詠 韓文雙貞詩 謁蔡忠烈公墓 臨

留別楚南諸生四首 火把詩 岳陽樓述懷 臨

湘雲溪驛路有書生徐世傑者投書行輿以詩文相

質年二十許殆磊落不羈士也 停輿見之諭以道義

而去 臘三日大雪港口萬年菴歇心處次舊韵

漢上與三兄別二首 邯鄲客館憶六弟二首

卷十古今體詩四十九首

丙戌

題壹齋師餞書圖四首 次韵田季高編修春闈分

校 送郝夢山下第之官太原 道光 丙戌春闈廣

東一百三歲老人陸雲從應會試 恩賜國子監

司業銜敬紀長歌用誌盛事 端午日供齋師招同

詩船季高小集園廬次詩船韻二首 屋後小圃既  
成余意雜植花卉園丁周翁欲種瓜蔬力爭不得卒  
從吾好戲作此詩 謝李高惠宜興茶具 大雨適讀東  
坡書畫詩即次其韻簡李高景完 以團扇乞佚齋  
師畫畫 次約季高午睡二景 招季高景完 生日次  
次景完韻 靜坐假寐意有所得呈季高 景完  
韻戲蒼景完 佚齋師以端溪紫石硯湘竹雙節筆  
筒嘉密筆洗見示用東坡仇池石詩韻賦呈 景完  
以圓錫茶壺貽唐季觀笑謂余僕固知此壺非吾有  
者遂以畀余仍用仇池石韻書團扇以報非敢效晉  
卿之豪奪也 張文敏公泛舟觀荷圖為詩船舍人  
題 胡彥伯以詩見質賦蒼 蒼季高並呈彭荷邨  
舍人 荷邨和詩有我秋感入首 誓親慕人勸奮聽松  
遂初之句次韻答之 秋感入首 題蔣沛翁聽松  
拜竹圖 次約季高 秋感入首 休沐日簡季高  
八月二十日六弟奉慈輿旋里用東坡穎上初別子  
由韻送之 二首 送陳蓮史修撰出守山東次季高  
韻 二首 南苑從獵與季高聯句五十韻呈詩船舍  
人 次韻詩船團河行帳夜話 三首 次韻佚齋夫  
子閒居用吳文定文溫州九日唱和詩韻四首 花

侵仇亭集目錄

門鐵槃歌寄瀾止閣學軍中

六

卷十一古今體詩三十五首

丙戌丁亥

新樂府四章 九月十六日借季高晚登東峯月出  
復躡西峯眺湖山之勝深夜乃歸得詩四首 十月

二日還園居 當塗夫子以大司農 子告歸里  
奉餞一百韻 石士夫子以何玉民寄詩 見示次韻

奉寄四首 冬至前一日扈 駕宿 南郊齋  
宮恭紀二十韻 十二月十九日侍 黃在軒

水部寫贈丁亥歲朝圖兼貽唐花二種賦謝 除夕  
憶榮陽蔡漸亭明府 徐熙菴再以詩來約穀日游

琉璃廠次蒼 再和熙菴 直園即事八首 追次張  
文和公約 詩船舍人於琉璃廠肆得金葉山畫冊

索題因寄佚齋夫子 園西酒家 致甫先生以張  
文和公徵懷園諸詩屬季高為書長卷賦詩 見示次

居苦風 為唐補卿同年書 姪紙即題其後 初春園

卷十二古今體詩四十一首

丁亥

徵懷園食筍齋圖黃寸園為其弟小田作也余既移  
居斯齋而小田將省親南還留圖誌別題句奉餞以

申離緒道光七年正月十八日 小田以和詩見示  
感舊懷歸情見乎辭次約再答且慰其離索之感正  
月二十五日 吳蘭雪文過訪園廬折海棠兩枝而  
去 聞六弟約客來園看海棠喜賦 讀劉晏傳  
南海子懷古竹枝詞四首 芸館讀書圖 曉還園  
居 顧杏樓水部以新詩累牘見示賦荅 閔夏雨  
中獨坐書懷 忻州趙母張節婦詩 敦甫先生以  
側柏葉為飲色香味三絕紀之以詩 敦甫先生見  
和柏葉茶詩即物抒懷詞旨淵遠疊前韻奉荅 和  
季高園居 苦熱簡季高 生日季高生子 六月九  
日雨後早起 次韻周竹溪舍人見贈 七月四日喜  
直廬卽事 送王漢廷郡丞還湖南 初秋荷村舍人  
晴退過訪盤桓五日次去 年見贈韻並呈季高 再  
贈荷村 新秋雨中退直 高樹二種云此建昌薤九  
外舅夫子過宿直園貽鄉蔬 退朝喜遇熙茶 石土  
菘也吾種之官舍後圃風味殊絕 亟命廚人治之約  
季高同飲賦詩 月夜中秋步月湖上懷六弟  
秋坪張詩船小集食筍齋 詩船和余菘菘之作次  
荅兼呈石土先生 中秋步月湖上懷六弟

卷十三古今體詩四十三首

丁亥戊子

復仇亭集目錄

七

吳侍御疏請唐陸宣公從祀 文廟得 季高以薤  
允賦詩敬紀二首 鵲銜燭 見山臺 嶺南殷耕野詩集  
菘二葉詩見示次荅二首 題嶺南殷耕野詩集  
丁亥九月七日侍班恭紀 香山歌 香山紅葉戲呈  
季高 讀高簷事苑西集二首 曉雪借季高登西阿  
樹題日酸棗臺 九月十五日 東陵侍班恭紀二首  
二首 季秋扈 駕謁 東陵侍班恭紀二首  
菊 初冬園廬早起 次韻季高 初冬園廬 直廬白  
菊 晨興登西阿書所見簡季高 黃華曲 題潘被  
堂相國以十歲童試卷 簽裝冊屬題二首 題潘被  
庭琴趣梅花二圖二首 次韻竹溪舍人歲尾見贈  
二首 戊子歲正月二日 聞西師大捷生擒逆  
酒張格爾喜賦次吳梅梁給諫韻二首 還園廬次季高  
酌 季高復報新佳章再疊奉謝 二月十三日 蒙  
恩 補授右中允恭紀 樂泉詩 園花欲開時將  
扈從 南苑豫賞以詩二首 莫春出游感懷 出  
右安門小憩清泛園外酒家 春夜獨步

卷十四古今體詩六十一首 戊子

萬柳堂祀鄭公生日圖為胡竹村農部題 初夏曉

坐送吳梅梁給諫同年觀察湖南 端陽前三日

借季高為沙澗塘楊琴德二生寄呈 當塗夫子

韻佚齋師南唐古梅用東坡李公擇梅花韻 佚齋

師年開八秩次移梅韻寄祝二首 題王子卿前輩

希石外舅夫子題高麓菴三峯園圖 食筍齋十詠

喬警洲夢紅簷館詩集 題鷺洲宜園讀書圖四首

雅集圖為葉筠潭前輩題次朱芑堂京兆韻三首

園居雨晴即事二首 次韻溫雲心孝廉見贈二首

謝得六弟書喜賦四首 常芸閣侍御惠陽城確賦

生泛歐湖登荆山二首 佚齋師舊居古桑書屋西

鄰有井因號井西解組後鄉人許小琴手擷井關石

刻廉泉二字旁書實祐年號乃知為宋井也 貞烈

李篤人魏氏輓詞 春海前輩奉 湖還朝仍居

直園賦賀 八月十四夜偕春海昆 湖踏月次韻

春海將迎 太夫人板輿來園疊韻奉呈 春海以

八

山後野菊盛開與春海小飲 十一月晦日春海祭

屋以雪後過金鼇玉螭橋詩索和且約消寒雅集是

酒大雪欲往不果次謝二首 次韻春海雪中退直

日大雪欲往不果次謝二首 己丑

馴鹿行 題詩船農部使閩紀程詩草二首 初夏

自城還園 滇生惠折枝芍藥賦謝二首 題溫雲心

詩草二首 柳石硯歌 笠澤叢書題後 元李文

仲字鑑題後 晚霽 曉晴即事呈滇生 蕭亭兩同

兼示 簫亭見賦 住章次答 紀遊齋南竹 陶甫孝廉

師手植也去年東一叢漸彫 落補之今年六月復於

牆東南隙地補兩叢焉因紀以詩 題香鷺洲詩稿

惠家製豆漿風味殊佳賦謝 顧贊洲竹趣圖 滇生

月十七日感作 晚晴 獨坐 送孟汝甫明 經七

里九日 題李星溪都督洗硯圖二首 己丑歲八月十

中曉行 渡灤河橋 夷齊廟 出山海關 薊州道

所城外行 帳望海 行帳和滇生二首 策馬 中前

生 登醫巫閭山歌九言一章 老邊曉行 滇生

有馬逸於道操轡者睡而未之覺也醒乃得之戲和  
侍班恭紀 九月二十六日蒙 恩賜胙恭紀  
姜女祠 盧龍道中曉行 十月十八日夜發柳新  
莊大雪已而月出林巒如畫二首

### 卷十六古今體詩四十四首 庚寅

庚寅新正十有三日初移園居簡真生簫亭 月夜  
踏池水歸食筍齋 和簫亭春遊雜興六首 二月  
四日雪中張麓門舍人招同年飲卽席次鄭雲麓韻  
觀東坡武昌西山詩墨蹟次韻紀之 題張詩船  
西山紀遊詩冊 次韻詩船西山寺海棠憶吳蘭雪  
丈和陶移居二首 次和宋文正公蘇軾題壁詩  
三首 和陶移居二首 次和宋文正公蘇軾題壁詩  
敦甫先生與及門謙集花山之寺龍樹院用東坡西湖  
韻賦詩見示次韻奉荅 翁二銘宮允疊韻見和次  
荅 題楊鑿泉抱經草堂圖 題顧俠君先生小秀  
野圖 追次自題韻四首 薦士詩荅徐廉峯編修  
玉峯遂園耆年餞飲圖爲徐廉峯題 送李康侯之  
官南安 煙雨招吟圖爲詩船農部題 寄當塗夫子  
簫亭移居藤花老屋賦贈四首 鞭吹犬詩 題

### 餽飢亭集目錄

九

翁遂盦宮允藥洲訪石圖 北湖蓮曲 連日彭荷  
村周竹溪舍人曝直園廬過訪感舊述懷 題周芸  
泉前輩槐廳問字圖 題潘芝軒夫子粉社奎光詩  
卷卽次元韻二首 石士夫子所藏入賢贖墨卷題  
後 侍班前夕齋宿史館 林少穆前輩屬題 封  
公賜谷先生餉鶴圖二首 題魏春松先生讀書人  
家第三圖

### 卷十七古今體詩四十五首 庚寅辛卯

庚寅辛卯

白題餽飢亭圖四首 庚寅歲七月蒙 恩子假  
回籍省親慈心感慰舊病漸瘳敬紀二首 中秋對  
月 崇福寺塑像歌用東城天柱寺維摩像詩韻  
過故人周秀才里居二首 秋雨 秋穫八詠 消  
寒詠雪四首 石背溝紀遊述志呈家步衢兄 二  
月晦日大雪 莫春雪中看花占絕句 龍鳳溝  
臣關龍逢故里相傳在平定州關家峪又名龍  
張石洲云聞峪人於斷崖得元呂左丞碑載峪有  
龍逢墓歲久湮沒此碑不見拓本州志亦未載恐傳  
聞未確姑紀以詩 六月二日送客太安驛因宿道  
觀觀後古松十株綠崖高下西望五峯 龍池諸勝慨  
然欲往以雨不果留詩示張韓二道士 禱雨 喜

雨 擬昌黎荅柳州食蝦蟆詩卽次其韵 古城古  
錢歌爲馬景廬作 國士橋歌 詠餼花 秋花  
中秋日拜別先大夫墓 辛卯歲九月奉母來京銷  
假蒙 恩仍直 南書房恭紀四首

### 卷十八古今體詩五十首 壬辰癸巳

初遷翰林學士春海前輩賦詩相慰次謝述懷二首  
處 籥亭重直 南齋疊韵奉贈二首 新葺萬花深  
處 吾廬與春海鄰 煦齋先生詩與思 險韵不能學  
步別作北陂一篇 荅其意 雜興二首 春海饋石  
首魚二首 望雨二首 春海贈芍藥折枝 玉面  
狸俗名果子狸 春海分惠一鸞兼賦佳章次謝 祝  
衛畦惠固始鷲約春海齋亭小飲 送胡竹村同年  
歸積翁 壬辰八月二十四日假滿入直奉簡程松  
庭前輩池齋亭一兄二首 遺興三首 題鄧萬泉  
西窗話雨圖 九日松庭前輩招同齋亭 讌集樂泉  
西舫遂登西岡步湖上抵暮乃歸意有所觸得詩二  
首 爲歛縣相國夫子題辛丑同年三老圖 閏秋  
借漁生齋亭邀松庭前輩小飲疊韵 題鄭萬人所藏奇畫  
盆菊貽者戲題 十月六日補授通政使司副使感  
小冊五首

### 復仇亭集目錄

十

思恭紀二首 屋有土炕火則燥不火則溼毀之重  
勞乃疊牀其上 戲爲高眼詩 喜春海前輩枉過園  
廬 春雪退直 春海和春雪退直之作感舊奉酬  
兼寄當塗夫子 次韵呈春海 再荅春海 離離  
井邊樹二首 題徐廉峰憶壺園圖 題陳登之別  
駕罷讀圖卽送之官江南

### 卷十九古今體詩二十九首 癸巳甲午

四月六日喜用 直園初夏雨後聞鶯次春海韵  
題馬冠卿同年七世讀書堂圖二首 題吳仲時同  
年花園館輯詩圖四首 次韵春海閣部荅舍弟幼  
章園居消暑 觀厲宗伯競渡圖卽事述懷因題其後  
送六弟侍慈輿歸里 世德清芬視圖爲吳梅梁京  
兆同年題 送田季高學士視學瀋陽 題史荔園  
中丞春郊問雨歌卽寄晉陽 癸巳一月二十七日雪  
程春霆山水歌卽寄晉陽 癸巳一月二十七日雪  
題沈聽篁編修臺花吟圖 今日燕九日一篇  
九月八日訪吳六丈於寨北翼日登雙鳳山留贈宣  
智和上 謁漢邳侯廟 讀趙漢章先生葦竹編  
山店鷓 憩永興寺 寄懷海禪師 宿張氏陽泉山  
莊奇石洲 晉祠 清源東湖

卷二十古今體詩五十一首

甲午乙未

書太原段帖後即寄劉雪巖 趙烈女辭 大安驛

韓文公詩亭用東坡苦寒詩韵 哭姊夫平遙閨春

府示三姪世齡用東坡寄子由詩韵 樹稼 歲暮

與三兄六弟述懷用十二月初二日雪韵 三首 送六

弟之館洪洞四首 聞牛鏡唐同年遷順天府尹

書院一首示六弟 春後水仙花 趙承旨十八應

真畫卷為新城涂小山題 聞雁 燕將巢 春分

前一日雪憶六弟 清明日掃墓松下煎新泉憶六

弟尋兩度題壁處皆無存矣復題絕句 聞雷 山

邨夜柝 瓶花 夢中得句醒而足成之 詠何首

烏病腕 讀本草 書趙飴山談龍錄後 壽雨

仍首 苦旱四首 山苗 夏至前夕雨 夏至日

二首 移山花植小圃二首 海鳥二首 擬剝啄行

擬雨頭織織詩二首 自戒 乙未

雨窗獨坐憶徐熙菴 薄莫 得徐七熙菴

古意 雨久望晴同三兄作 閩楊時齋制軍楊誠村軍門先後以病

書 晚菊 閩楊時齋制軍楊誠村軍門先後以病

去官感作二首 題香山新樂府二首 書香山詩

集後感帥中丞事 六弟歸有日矣渴望述懷二首

一再題香山集 題六弟玉峯吟草 夢遊方山詩

先君戊伊犁時作也偶從族姪元輔案頭見手草一

紙追念潸然因鐫石嵌之山寺敬次一篇以誌永感

文清公 漁洋題昌黎詩後三首 韓故東閣大學士

取將相酬恩讐子謂此特為劉師命發耳先以馬援

軒輕稱之末乃寓以諷勸亦龍門傳游俠之意也

再題韓公詩碑呈鍾元甫邑侯 雪夜讀豔雪堂集

松溪遺稿 感作 檢書有感 次和三元夜坐有感

同先生作 冬曉食杏酪稷餅次三元韵 題劉澄

齋先生詩集三首 客至君勿厭一篇 食豆渣戲

作 贈劉雪巖 惜良馬行 荅六弟和前二詩意

事 望雪有感 炕爆詩 疊韵和六弟水仙花 感

哀二士 冬晚行白家山莊 紀事

卷二十二古今體詩四十八首

元日里居述懷 二月九日雨 題唐崇福寺陀羅

尼幢 東軒詩為張鶴巖先生作 四月六日歸自

孟縣迂道遊方山二首 方山十詠 由昭化上院

登最高頂玉皇閣 昭化上院藏經閣觀李長者華

巖經論及水陸畫軸 山底逢要處士 蔣丹林前  
輩童子釣遊圖三首 潘芝軒相國夫子花瑞圖  
徐熙菴自涇陽寄示九日登高詩次韵卻寄二首  
題羅蘇溪使蜀草卽送其日平陽郡守任三首  
二月十三日大雪盈尺翼日程春海少司農招同吳荷屋潘芸  
屋徐星伯兩前輩徐廉峯編修集翫處視月齋拜坡公像補  
南高齋以林表明霽色分韵賦詩見示因成轉韵長  
旬報之 二十二日春海少司農招同吳荷屋潘芸  
閣兩前輩徐廉峯編修集翫處視月齋拜坡公像補  
作生日并觀荷屋先生所藏宋契施顧公注蘇詩本  
及風篁圖以一曲鶴南飛所藏宋契施顧公注蘇詩本  
重居食筍齋次論齋齋韵 荷屋前輩清遠 峽寺舊遊  
圖二首 次韵論齋齋韵 荷屋前輩清遠 峽寺舊遊  
心石屋圖爲陶雲汀制府前輩題 命賦詩奉餞 次  
蘇無逆職來都旋拜湖督之 命賦詩奉餞 次  
蒼海帆前輩屬題華 嶽雲開立馬看圖 海帆先生  
卓海帆前輩屬題華 嶽雲開立馬看圖 海帆先生  
荷舟聽雨圖二首 吳荷屋前輩龍塘 阡圖 箒鏡  
課讀圖爲費畊亭太守題

卷二十三古今體詩四十四首 丁酉

復仇亭集目錄

三

丁酉八月二日蒙 恩調補戶部右侍郎奉  
命督學江蘇恭紀二首 八月二十二日涿州喜三  
兄至卽次壁間陸立夫編修韵並寄六弟二首 齊河  
間懷古簡苗仙路明經 行次禹城孟氏莊 飛蝗  
道中望岱嶽 山行二首 謁岱廟二十韵  
歎 羊流店 新泰縣堂東周槐歌留贈邑令張丞  
叔 蒙陰公氏館留題 公氏館中見海帆前輩題  
句和 寄 沙溝紀言 過東海孝婦祠墓感于公事  
感作 沙溝紀言 過東海孝婦祠墓感于公事  
傾蓋亭 渡黃河 露筋祠二首 茱萸灣登寺塔  
使渡江 郭璞墓 皋橋晚眺憶六弟 初抵江陰  
然次峇 漢河間獻王君子館輒歌爲苗仙路作  
君山梅花書院壁鐫東坡笠屐小像松雪筆也題二  
絕句 存雪亭次駱使君韵 冬至日西園水榭消  
寒初集 分韵得石上論 題張亨甫松寥山人詩集  
題楊子堅生公石 壽陽牧豎掘土得之邑侯鍾元甫  
錄其文 寄示詞雅體潔其地名有館露鄉段亭邨山  
名有巨山皆可補正邑乘賦此報之且索拓本 苗  
先路讀段氏說文解字注知徐楚金繫傳姑蘇黃氏  
顧氏各有影鈔北宋足本假觀之願形諸詠歎可謂

勤已次苔以誌同好  
消寒二集分詠列岫亭釣磯  
二首江陰歲莫奉懷當塗黃左田夫子并述北年  
同人聚散之感奇呈消寒三集分詠西園花木得  
蠟梅限分字和許蓮西詠竹消寒四集分詠得  
桃符限入字臘尾小園獨步

### 卷二十四古今體詩五十五首 戊戌

黃可菴自蕪湖寄戊戌歲朝圖題二絕句 消寒第  
九集存雪亭雨看梅花江試院校射幕客舟校  
讀元遺山詩四首 松花江試院校射幕客舟校  
射之作疊韻荅謝再疊前韻荅蓮西示諸生三  
疊前韻四疊前韻奉懷當塗夫子兼荅邵蓀船和  
章之松江鐵仙太守節惠泉水一巽蓀船出雀舌茶  
試之色香味三絕 雲間試院古柏和弟宿藻成  
柏次蔡絛巷韻次和苗洗路題李雙圃前輩漁樵散  
士入詞館誌喜述懷四首題苗洗路題李雙圃前輩漁樵散  
人圖二首五月二十六日雨後約苗先路圍蔡絛散  
吳景韓胡光伯陳伯禧許蓮西張石洲趙心園偕表  
兄弓晴霞家兄漁莊登城北君山時蓮西將旋里即  
以誌別寄園雨坐呈蓮西初秋將次金陵自江  
陰城南登舟呈三兄并蓮西諸君子  
述舊懷三首 戲和石洲觀結轡作再疊前韻荅  
三兄寄六弟書 丹陽阻風夜泊讀黃仲則兩當軒  
詩集 曉發辛豐仍疊前韻 然次和鎮江西門外石  
洲與家兄酬唱竟夜情詞拳然次和鎮江西門外石  
京口泝江七里至便港 自龍潭登陸西行五  
甯朱貞孝女頰伽善禮佛圖題周竹溪郡丞小照  
玉釵樂府四章 善化唐鏡海方伯前輩有孝女曰  
惠觀封臂療母疾竟以身代方伯哀之為銘詞徵詩  
感成二絕句 如皋舟中次荅石洲 送過胡安定故  
里疊前韻 通州試院送三兄歸里 送趙生西歸  
二首 淮安試院寄三兄

### 饒飢亭集目錄 七

### 卷二十五古今體詩四十七首 戊戌己亥

十一月二十九日舟泊金山遂登絕頂同人分詠得  
靜字 次日放舟焦山步丹徒橫橋換小舟行  
小舟 當塗夫子九壽辰寄詩奉祝四首 雪夜  
細兒看雌課讀二圖朱蘭坡侍讀前輩為其兩雪夜  
人作也侍讀初生父病惡兒啼母每夜襁抱鄰族  
母所三月而孤稍長出嗣嗣母汪未婚守節課讀勤  
劬卒以成名侍讀以上書房傳請養歸遂不出今  
主講蘇州紫陽書院二首 石洲荅送盆梅次和

立春日紫微庭小集分韻得書字呈張石洲并幕中  
諸君子春雪詞四首京口開壩觀濶船渡江簡陳  
弟作中丞雪詞四首寄圖三卷命題六首送張石洲入  
芝一日徐城外校射二首海州四首五源學舍圖秋夜  
都中真意圖題唐鏡海方伯四首題陳芝楣中丞  
个中真意圖題唐鏡海方伯四首五源學舍圖秋夜  
豐晴同年作鏡海前輩從麓耕雲圖四首題畫為孔一  
首峯同年作青浦縣城北謁孔宅敬紀聞道四

卷二十六古今體詩六十六首 庚子

元日簡陳登之立春題蕪湖邵未齋先生蛭唱  
徐音集次佚齋師韻春初偕黃樹齋侍郎奉使閩  
浙留題江陰西園二首太湖雨中過九里淵翁  
梅水碓歌鈞臺謁嚴先生祠自桐溪至大洋湖翁  
嶺韻次韻樹齋夏夜步月越王山麓送胡恕堂  
觀察蜀中題常南陔采蘭書屋圖二首荔支董  
題劉解鈞制軍海山眺月圖福州督署觀石旌  
白螺歌題三百三十有三都丞瑞麥圖題寄登之講  
菽圖六月望日越山眺月越王山麓晚眺圖  
題吳孝子變堂先生遺照後入閩四首疊前韻  
福州城南觀鑄廠歌簡吳甄甫中丞考亭朱子祠  
敬紀四度仙霞嶺次壁間麗雪厓先生韻鈞臺  
放魚吳康甫以陳石土外舅夫子遺像并所著范  
文正公祠記及詩札石刻懷古述使往還蹤跡得  
過杭題而歸之北固山懷古述使往還蹤跡得  
得舍弟京寓書江上阻風因述使往還蹤跡得  
詩二十二首呈樹齋侍郎省之六湖兩北渡河  
鄭城道中大雪疊至日京口守風韻

漫齋亭集目錄

卷二十七古今體詩五十三首 辛丑至甲辰

辛丑九月奉命入直軍機處紀恩述志  
孚井詩達齋尚書以帖菊花冊屬題題王翰城  
蘆雁圖題潘芝軒夫子仙瀛雅集圖次蘇齋韻陳  
翰城出牧山右以畫障留別題句送之紀夢雲  
淮生內兄金門宦隱圖鶴事次出同直何根雲  
夏遣懷卽簡張篠浦鶴事次出同直何根雲  
詩翰一冊筆墨雅稱覃溪先生為翁文達蓋彼國  
私謚耳題二截句歸之二首癸卯歲七月既望移  
居雙橋精舍杜芝農同年過訪賦詩見贈次荅二首  
次韻贈王萊友孝廉四首

卷二十八古今體詩八十三首

乙巳丙午

養圖 禁中楓樹 題卓海帆前輩王戊翰林同年  
行樂卷子六首 題 毘陵呂氏所藏古軒文字拓本  
並簡苗先路 聞三兄鄉試中式 感喜交集賦寄四  
首 歌莫哀一章 贈田雅鄰 弟 秋晚同人集雙  
橋精舍徐惺菴賦詩見賦次韻 錢心壺前輩屬張詩  
夫子贊書圖為子鶴副憲作 錢心壺前輩屬張詩  
船為其尊南雲巖先生作 補石亭園寄題 題鶴汀  
司空洗甲圖 郝夢山同年移居雙橋敞廬喜作二  
首 中秋雙橋對月四首 送程玉樵同年親出都即  
題其浮槎圖後 端友少司農以所藏成哲親都手  
書詩扇見贈賦謝二首 即次詒晉齋約 十一月四  
日自園還城呈同舍諸君子二首 游龍杖歌次韵呈湯  
使朝鮮詩記見示題贈二首 游龍杖歌次韵呈湯  
敦甫先生 茶陵陳岱雲編修以其配易安人墓志  
銘屬題為紀其事 夢山將還絳州詩以送之 為  
澎湖蔡香祖進士題 滄溟出險圖

春燕 荒園 題但雲湖同年雪舟籌海圖二首  
梁荏林前輩所藏曹敬叔孝廉屬題二首 送許蓮  
西之官 河南即次前歲見贈韻 再送蓮西 六月

復仇亭集目錄

五

九日雨中還雙橋二首 直廬槐樹 喜晴 苦雨

出聽秋軒晚坐二首 讀唐四家詩二首 雨中秋曉

立秋前一日還城留贈鶴汀 螢火 秋晴 鋤經

章黃州感 恩述志即以贈別二首 中秋日退

守還城二首 四眼井東有染人居之門前隙地數

直萬緣平鋪鮮妍如畫曉過得句 秋分後一日聞

蟬卽席賦謝二首 矣吾鄉諸君子移尊觀齋拳拳相

錢卽席賦謝二首 矣吾鄉諸君子移尊觀齋拳拳相

竹筆出都兼示五姪世估 蕭齋 何雨 人 大 司 馬

名其園齊日寄勅屬為書額並題二截句 九月朔日送

二山圖 十月十日陳夫人以疾卒於京寓將以十

一月翌移置長椿寺感懷追悼得詩四首 自雙橋移

子以新春瓶菊詩屬上元前夕過長椿寺有感 移

居冰嶠與鶴汀鄰 上元前夕過長椿寺有感 移

董香光書金剛經塔搨本 施長椿寺為三明長老說

法次韵題松岑少司農國子監敬思堂補植丁香

花圖二首 丙午二月十五日長兒奉其母陳夫人

樞歸空詩以示之 得長兒獲鹿書 佳日 益 中

碧桃初開二首 秋瀾道中 三月十八日感懷

卷二十九古今體詩五十五首

丙午至己酉

紀夢 鶴歎 新葺屋西 齋 聞長兒將旋都  
夏初祝 衛哇 大宗伯七十生日同年既以聯句為壽  
復成二律 自題憶松圖二首 古琴歎 客來  
減南直隸 次韵蒼張石州見贈 四月二十三日晚署後  
把有結實者 鶴勝相國分致一枚 因憶江陰使署後  
猶懸吾廬也 感而賦之 杭稻來江國一首 雨  
退直述懷 球琢 喜大姪世弁至都即送還上黨  
二首

雨中早起 種竹 題馮孝女墓銘二首 王蓬心  
吾溪讀碑圖 追次夢樓韵 七月望夕還園居 孔修  
老將 讀詒晉齋詩集 王衷伯先生詩韵 呈 丙修  
主司馬元修少宰 孔修元 見賦和章次韵 奉 荅  
大司馬 寄海門郡丞周竹筵七兄 劉文清公書頭陀寺  
碑文題後二首 金陵何大司馬太夫人五世同堂  
親見七代壽屆九十 新正吉日蒙 教忠篤慶詩 御  
書扁額 錫賚優加 賦詩奉賀 二首 恩賜  
題汪艮山侍讀執視圖 為董醜卿農部題籌鐙課

復仇亭集目錄

七

讀圖 觀明文端手書冊 感歎題後二首 送星  
泉將軍之官 福剛二首 寄勅 冬蠅 聞客什曠  
爾英吉沙爾二城 解圍喜賦 長兒母服初除作詩  
示之 戊申歲正月二日 上以元日晴明豐年  
兆象 嘉獎者 臣 錫予優渥 洵曠典也 恭紀 練余心  
閩歸 蔡中 實甫少司空 招飲 觀豐稔圖 練余心  
齋蓋取 蔡中 實甫少司空 招飲 觀豐稔圖 練余心  
季高書 額頃於 故紙堆中 檢得二十餘年 筆墨如新  
題付長兒 藏之 三月二日 喜用二首 題李季雲  
侍御平谷山莊圖 二首 題張石州煙雨歸耕圖  
鶴舫相國 以寓 藻曩 歲省 親歸 石州 煙雨 歸耕 圖  
示感賦 二首 唐 擗 張長史 祭姪文 二帖 題錢直卿  
題張文敏 臨顏書 論坐位 祭姪文 二帖 題錢直卿  
誦芬圖 黃架卿少司馬 歸養 滇南 寄懷 二首 已  
西新春 澄懷 同直 枉過 寄舫 戴鹿 牀侍 郎寫 竹留 贈  
編修 延年 益壽 葉亭圖 為 葉棟 齋閣 學題 題何子貞  
行詩 草二首 伏日 退直 述懷 二首 題元修少農郵  
宗伯 屬題 游雁蕩圖 適再 奉 命視學 浙江 即以  
兄 詞 鶴圖 題 張石州 小栖 雲亭 圖 題 家靜齋 學博 三

卷三十古今體詩六十三首 己酉

十月二日奉命使蜀敬紀留示六弟良鄉

行館定興河上塵古涉唐水楹旬云編枳籬環

紅躑躅團蕉屋倚碧琅玕益前輩過宿桃園六首

伏城驛入山曉發獲鹿過井陘宿胡壽陽郭外

與三兄別祁大夫祠敬謁感賦望韓侯嶺郭有

陰祠墓冷泉關兩渡鎮昭何刺史望韓侯嶺郭有

玉峰書院望懷六弟自霍州山行抵趙城洪洞

歸里書院寄懷六弟平陽郡城喜逢周竹谿太守

有英雄輕去就可隣恩怨太分明二語翻案生新於

當日情事似有未盡作此解之松溪名宿因裝不

太守即贈其弟聞喜安邑途次再晤荆夢山聞其

有子而慧喜賦贈之小憩倚氏道旁古寺遇陳孝

廉憩蓮花寺抵華州萬壽閣望華山夜發渡敷水

曉憩蓮花寺抵華州萬壽閣望華山夜發渡敷水

始皇焚書處二首涇城三章邠州西豐灰琨相傳

佛閣夕次長武邠州西豐灰琨相傳

復仇亭集目錄 七

結戲以指畫蘭一叢連日變態生新畫筆不能到也

為冰蘭詩以紀之過彈箏峽十一月十八日曉

發瓦亭渡六盤山會甯晤吳復齋大令得六弟

書二首惆悵至公橋晴嵐山寄懷伊犁薩湘

林將軍小憩巉口堡

卷三十一古今體詩四十四首 己酉庚戌

十一月二十八日抵皋蘭行館奉簡馮曉滄比部董

醜卿鍾石帆兩農部質莊親王集諸家聯景山水

兩樓感舊述懷觀察題遊制府晚坐遂登城北望

河樓感舊述懷觀察題遊制府晚坐遂登城北望

懷古詞卷屬題蘭山書院命恭紀次蒼曉滄

十一日拜摺啓行回京復命恭紀次蒼曉滄

醜卿石帆六盤山和張詩船安定詩二首有感

山長安定道中再過王公橋壘前館喜遇馬南園

小憩雞鳴人家隴上寄六弟粵東會甯山中

自靜甯州東行九十里至隆德縣城除夕宿瓦亭

亭東二十里過彈箏峽正月三日曉行微雨回

中山謁西王母祠  
西廳留贈張梅生大令  
峯中丞三首  
三日大風渡黃河  
皋陶廟  
涇東原上大雪  
曉發長武  
成陽原上  
灊山石刻  
夏縣寄懷毛冠三  
夜宿長武縣  
哀流民  
灊橋感懷楊

卷三十二古今體詩四十二首  
庚戌  
咸豐元年辛亥至甲寅

和子鶴大司寇蒙  
二韻 夢中得句醒足成之呈三兄  
還園居 三兄將歸里留詩為別次和二首  
三兄六月四日見贈之作  
時晴帖墨蹟敬題  
明湖泛舟過金齋玉竦橋  
紀仲秋送三兄歸里二首  
少司空韻 詠我先生宿靜默寺見贈次韻奉荅  
十月十九日 哭六弟幼章三首  
感寄二首 哭六弟幼章三首  
癸丑除夕再題待漏圖  
稿三首 御賜學古有獲  
以近作見示賦荅  
先大夫忌日感述  
再題憶松

履齋亭集目錄

六

恭紀 送三姪世齡歸里  
寄輓祝蘅畦宗伯同年  
三首 三月三日見屋後桃花感作  
詠我少司馬  
圖

漫徂亭集卷一

壽陽祁寯藻叔穎

古今體詩五十七首

嘉慶壬申至丁丑

九日蘭州城上望河樓登高

崑崙虛接大荒西極目長空盡處低飛鳥似從銀漢落浮  
橋眞與彩虹齊涼天佳節酬尊酒落日邊城靜鼓鼙不用  
登臨更搔首青雲已躡謝公梯

孝女吟

日出扶桑東照耀天西陬西蜀有孝女余氏字酉州酉州  
自有父負臯爲楚囚江漢不西歸一去八九秋酉州年十  
一思親涕泗流上書走京國關山阻以修酉州亦有祖老  
病徒悲憂傷哉無兄弟又無姊妹儔隻身數千里相從舅  
氏劉生死不反顧蒼天呼悠悠

漫徂亭集卷一

一

一解問女何所訴問女何

所求女言父被誣顛末事有由博徒者譚某虎冠氣如牛  
慷慨首發奸豈知倒戈矛母慟欲救父入都鳴冤歸途  
斃靈石魂魄委荒溝女時方周晬耶孃面未謀卽今聞祖  
言再拜哭啾啾祖老誰爲養母骨誰爲收父身如可贖九  
死亦瞑眸

二解

理官具狀聞

盡

聖主憐咨諷卽日貸久成道路歎且謳蜀人聞女還奔走

觀不休酉州今有父父歸祖乃瘳酉州雖無母母死志已  
酬生男不必喜生女不必愁今日見緹縈男子爲之羞日  
月之所照雨露無不周誰云卑弱質亦與和氣游

三解

平涼道中聞滑縣事

癸酉九月二十四日

金湯萬里鞏河山蓮教何人敢逞頑豈有浮言能動眾況

逢

聖主正思艱

時畿南旱災蠲租發賑

孤城路隔風煙外三郡師過枕

席間報道隴西精銳至將軍早晚下潼關

聞河南滑縣濬縣直隸東明長

垣山東定陶曹縣六邑俱被騷動那釋堂制軍自蘭州奉

命總統軍務馳赴滑城

夜行

班馬夜蕭蕭邊城木葉凋軍裘曾未識鄉夢特無寥落月  
彈箏映清霜折柳橋書生氣飛動投筆羨班超

初成進士忝與館選紀

恩述志二首

侵仇亭集卷一

二

頻年負笈走風塵隴外歸來及早春兵氣已銷農事樂

去冬

大軍克復滑縣畿南肅清

文場初捷客懷新慙無瀛海探珠手恐有荆

山抱璞人自古通經期致用敢將雕篆負儒珍

瞻雲兩度觀

天顏

殿試前十卷例先引見

芸館叨陪玉筍班經世文章初涉獵

袖書歲月正寬閒簪花且博高堂笑舞綵行看故里還慙  
媿龍門牛馬走一編可許繼名山

樂泉詩用昌黎山石詩韵

并序

泉在澄懷園張文恪公所濬鑿也嘉慶甲戌歲余初  
入詞館黃左田師招寓直廬暇輒徘徊泉上樂其幽

邃賦詩紀之

跳珠咽草泉聲微雨過石橋雛燕飛前溪荷葉三兩點戲蓮下有錦鱗肥樂泉老人恣幽討山徑偏仄人蹤稀誅茅豨井水甘冽棲遲不改衡門飢繪事流傳競題詠

三天麗藻連金扉老人一去數十載名泉蕪沒藏林霏阿孫訪舊鐫短榻三尺綠苔濃陰圍洗硯忽驚月在手煎茶不覺雲生衣余性亦有泉石癖攀躡輿曠如脫鞵扇湖澄

懷園西

千頃不足樂獨樂此泉倦忘歸

階前蜀葵爲風雨所折感作

秋葵號忠客亭亭燦金粟向日解傾心成陰知衛足戎葵亦類葵託根產西蜀五色多變態千葉易繁縟茆舍竹籬下隨地不擇沃自矜華藻盛門艷背晴旭一夜風雨狂媽

漫徂亭集卷一

三

紅卧苔綠蓬麻強扶持菅蒯甘踐辱不待秋霜至零落當炎溽本無直節秉終恐長鑱劓仰視團團葵朱顏陰芳躅名實難假借榮枯異妍俗寄語時花人栽培當誰屬

與田季高

嵩年

晚登西岡眺湖山之勝

明霞照水水欲然晴光倒射湖中天斜風五兩吹淪漣搖空白雨無定圓醲酥膩溼紅羅絲桃花疊浪空澄鮮遙山一帶瘦且妍勢疑渴鹿奔溪泉雲衣低壓層峯巔化爲萬丈長虹眠樓臺出沒樹杪懸時有飛鳥衝林煙興來躡屐西岡前車聲小住游人旋天光水影一碧連四圍暮色來蒼然銀蟾窺鏡篋娥娟把酒欲醉玻璃田

時六月望日

天公妬

我好事情偏濃雲潑墨雨腳穿荷花作檝藕作船恨不中流

歌扣舷碧簫擲月人如仙

偕季高登湖中小嶼

結廬在湖西面對湖東嶼開門雨滿湖波光蕩容與杭葦  
舟難招斷橋水易阻瞥見戴笠人垂竿立清激如問桃源  
津可望不可處余性頗健游褰裳况有侶細草撥蒙茸仄  
徑驚鳥鼠敲側數十步攀險踈毋許雲根卧淺涯安排若  
柱礎此時雨初晴荷淨露華溼蘋藻水俱活薜蘿山欲語  
蠟屐躡層巔兩袂輕颺舉登高一回首雙扉隔煙渚奇樹  
不知名雜花無定所槎牙眾柏森摘葉香可煮土鬆踏易  
潰苔滑行將跂凹凸爭險巖突怒相咀晤水靜游鱗躍潏  
刺疑脫距空翠落鏡中倒影樓臺鉅夕陽下山背斜月出

漫飲亭集卷一

四

林籟四圍暮色蒼蟬聲亂無緒撫景重徘徊衣涼薄難禦  
惜哉此境幽荒穢無人去昔據亭榭勝今爲蛇虺沮何當  
挾長鏡終日劬藤柶編籬補茅屋卽此容追暑

秋晚過滹沱河

策馬走滹沱橫橋水不波山川弁塞近煙樹趙陵多野店  
依沙草遙村出笠蓑蕪蕪亭畔路麥飯幾經過

書吳蓮洋徵君集後

先生餐霞客逸志長隱淪卜宅中條麓買田鄭谷濱玉溪  
及王官千載遙相鄰養真耽要妙自許安期倫仙心雜禪  
旨下筆超凡塵一朝鳳書降推轂來蒲輪英聲振赤縣長  
揖謝華紳淋漓揮寶筴詎畏丞相瞋翩然歸故山猿鶴終

難馴足跡半天下交游多名人屢提漁洋別號老詩伯相士九

方歎一見頓傾蓋鍼芥如有因始知龍門桐終異爨下薪

飄飄謫仙人白首甘食貧草堂舊梅竹搖落年年春河聲

與嶽色微君有河聲嶽色古銅印終古留詩神

### 平定山中早行

千疊萬重峯斷連往來嵐氣相盤旋濛濛溼霧壓平地歷  
歷疏星垂曉天泉響遠聞石澗罇日光先上松林巔蒼茫  
指點向前路山鳥一聲啼碧煙

### 采棉行

采棉復采棉棉花滿秋田噴香裹粉白且鮮重如柳絮輕  
如煙十五五采棉女褰裳來往花間語一摘盈一筐再

### 侵仇亭集卷一

五

摘盈一筐盈筐盈筐摘未息當窗機杼鳴促織織成尺布  
不上身且免米鹽乞旁人可憐辛勤僵十指半爲輸官半  
鬻市中車馬何脚躅清酒絲繩提玉壺貧家有女寒無  
襦忍死不願雙明珠

### 保陽旅館送家竹軒填二兄奉使朔州

馬上相逢處愁顏且暫歡燕雲依日近朔雁向秋寒舊事  
關心切他鄉會面難此行過壽水爲我報平安

### 送張文山之大名

人生如萍水合弁能幾時復爲千里別送君當路歧我來  
薊門北匹馬秋風疲解鞍動一顧握手如舊知裁君浣花  
紙贈我瓊瑤詞滿座鐙燭光筆硯橫離披素心久共喻歡

會今方移仲冬苦寒天冰雪凝流斯莽莽古黃河去去將  
何之飢驅在道路窮愁但工詩遙望黃金臺駮駟聯鑣馳  
雄飛會有分丈夫能守雌但去勿復道努力慰所思

### 金城四憶詩

#### 望河樓

危樓峩峩壓金城城下黃河如帶橫兩山夾水水倒立蒼  
茫直走東南傾不知人間風浪惡落日憑欄望寥廓二十  
四艘鐵鎖橋西來天馬揚金鑣

#### 灌園

督署後園名

屋下流水屋上山柳陰亭子疏籬環園丁種蔬綠畦徑雜  
花生樹鳴禽閒曲折如入秦人洞辛勤不藉漢陰甕用力

### 〱 漫飲亭集卷一

六

既少成功多城外機輪能輓河

園倚北城城外設水輪輓河水灌溉民田多受其利

#### 五泉山

皋蘭城南三里許

龍尾山高高插天銀河倒落山之巔噴珠漱玉滿林壑萬  
家瑤草耕春煙地產煙草嫖姚鞭石石髓裂流水千年聲尙咽  
相傳霍嫖姚擊匈奴至皋蘭山下以鞭拄地而泉出城南修禊人在無袖中尙有飛

### 泉圖

#### 蘭山書院

隴西自古多奇才羣山磊落川瀦迴籌邊節度眞愛士賤

子亦復擔簦來當時龍門聲價重九郡諸生習絃誦

釋堂制府

振興書院捐俸增給諸生膏火遠郡畢至先君子主講蘭山兩年別後諸生感教澤製西河模楷額懸於講堂

東門祖帳一朝歸至今模楷西河遠

和余鐵香鼎夜坐

明月在高樹空庭生綠陰  
幾人涼夜坐不起故園心  
看劍情猶壯投膠契已深  
論文一杯酒珍重爲知音

清遠軒曉起

涼棚捲夜雨曉起如秋新  
簾靜鳥窺戶水清魚畏人  
纖風動荷葉一瀉明珠珍  
倚樹聽餘滴蕭蕭雲滿身

戰國策書後三首

治國如治屋取才如取木  
舍短用其長小善率收錄  
杞梓數尺朽詎貽梁棟辱  
戰國少全才士風日以蹙  
樗櫟雜瘰癧大廈危將覆  
苟變能將兵賢哉國之楨  
柰何求賢主二卵棄干城

饒飢亭集卷一

七

鄒忌攬明鏡齊廷盈諫書  
王斗踵門來萬乘降階除  
高談妾婦道侈陳狗馬娛  
乃能回顧盼得毋近挪揄  
一朝薦七士髡也滑稽徒  
柴胡與桔梗所得何區區  
泱泱東海邦大風日蕭疏  
上以利相求下以名自居  
鄒中有大儒浩然獨嗟吁  
寂寥千載後惟見南陽廬

蘇秦初說秦慘澹書十陳  
裘敝黃金盡乃爲六國臣  
珠玉錦繡中揚揚車馬塵  
張儀亦同學舌在卽懽欣  
縱橫門機變翻覆徒糾紛  
豈有鬼谷子而與二生羣  
騷人懷故都其志忠且勤  
將從彭咸居揮手謝靈氛  
大義昭日月青天抉浮雲  
世無魯仲連誰識倉海君

讀漢書十八首

勸勸冥冥度曲遲唐山格變大風詩楚歌楚舞悲歡夜正  
是房中織錦時

茫茫大澤夜聞雞兒女英雄意慘悽若使二侯屬三尸彭  
城樂府出虞兮

乳虎威名磔鼠才薰黃心事轉成灰九章漢律分明在幾  
見吞舟漏網來

賀錢竟作聘錢歸龍虎騰驤野雉飛直到一呼皆左袒呂  
公應悔相人非

門雞走狗皆郎選鹽鐵金錢事屢興莫怪漢廷多酷吏宏  
羊方作大農丞

紫色雷聲事事新鱖魚風味劇酸辛若拋威斗持鉛槧亦  
是揚劉一輩人

馮仇亭集卷一

八

占驗紛紛屬子虛翻將經術笑迂疏京房枉學焦延壽漢  
帝猶思董仲舒

文侯坐上鼓琴人身歷興亡八百八春世上小兒誇骨董竇  
公不及少君神

籀書未諷九千字堯典空餘十萬言不但鈔胥愁腕脫千  
秋梨棗亦銜冤

誰道沙羨音夷似郁夷卻防獠于虬反國混緜虜好將地理方  
言字譜作雙聲疊韻詩

啗秦容易說齊難枉費書生口舌乾莫恨淮陰欺長者迺  
公早已溺儒冠

奇計空勞李左車，搏牛餒虎語何殊。  
可憐刎頸交輕絕，畢竟成安是腐儒。

諸呂誰爲推轂人，一言胎禍到亡新。  
田生儻亦田橫客，豈爲黃金苦費神。  
諸呂之王萌於田生

生蒙識拔死遭謾，應悔輕登拜將壇。  
國士王孫千古淚，報恩容易受知難。

不須白首歎爲郎，賓客何人憶鄭莊。  
刀筆公卿方得意，故應流涕到淮陽。

終是英雄見不同，不誅項伯斬丁公。  
舊恩漫說鴻門劍，誰使杯羹免若翁。

伊周事業夷齊節，大義危言各凜然。  
誰道將軍亡刺在一

○ 獲仇亭集卷一

九

時心悸兩延年

大司農田延年定廢昌邑王議侍御史嚴延年劾霍光擅廢立

食肉無須食馬肝，讀書知味古來難。  
如何一曲驅駒奏老卻，東平博士官

有感

長安豪富慣驕人，日日高軒醉錦茵。  
豈謂鼠牙能速訟，也應象齒悔焚身。  
陶朱愛子終亡楚，郭解全家竟徙秦。  
始信二疏非老諄，分將金帛與交親。

秋來二首

秋來容易歎蹉跎，銀漢無端也起波。  
自是寒砧催雨急，不關高樹受風多。  
亡羊幸免歧途泣，射虎翻遭醉尉訶。  
且對青山消濁酒，休將龜策問如何。

漢廷詞賦有鄒枚千里遨遊亦壯哉蓮幕驚風花落去柏  
梁失火燕飛來書生投筆終何濟騷客悲秋只費才聞道  
黃金求駿骨騅騶何事獨徘徊

十月二十一日出都留別彭荷邨

作那

段麓軒

仲庚

田季高

嵩年

相逢纔幾日相送又成別人生聚散蹤忽如鴻印雪駕言  
辭京邑初冬氣凜烈良友三四人念我行計決餞我城南  
廬肴蔬雜羅列一舉勸十觴但愧酒力劣未飲心已醉將  
離情更切願保金石姿無改歲寒節感君故意長豫計歸  
來轍西去陟太行雪滿車輪鐵

野店偶憩

馮劬亭集卷一

十

人家三五處破屋補藜蒿照水雞窺井爭芻馬護槽雪留  
雙屐淺日擁半窗高歲暮嗟行役吾生何太勞

策馬入太行山陘

丁年慕遠征千里獨橫行適野心逾壯看山氣不平斷沙  
迷馬跡枯木聚鴉聲短劍知吾意腰間時一鳴

客秋過獲鹿見店壁題詩頗佳今無存矣感作

恐是高陽舊酒徒狂歌不肯泣窮途重來野店尋題壁何  
處關門識棄繻文字有靈書鏤管姓名無分碧紗幘塵封  
劍匣年年恨令我徘徊心轉孤

井陘河上懷古

傳聞背水戰漢將氣飛騰萬馬投鞭渡孤城拔幟登波清

惟見石溜急不成冰太息王孫去寒沙落日澄

白石嶺

傑閣憑虛歷斷鼇層峯疊嶂鎖周遭老僧孤立寺前石清  
磬一聲山日高

望神山

壽陽城北

神山一何高蒼松一何古對面三十里了了青可觀雲煙  
互揖讓岡巒爭拜舞傳聞東海中六鼇戴天柱蓬萊金翠  
光萬丈波吞吐仙人袖其石飛來戲茲土墮地不可收神  
工幻斤斧雖非巨靈摩儼作眾山主名山如名將特立誰  
敢侮乃信淮陰侯羞與噲等伍

古槐歌爲南村周覲光

維新

秀才作

餽飢亭集卷一

十一

君家古槐何歲植枝幹槎枒卧牆脊牆低地狹樹當門七  
分樹影三分宅入門但見霜皮皴支離偃蹇如高人不肯  
折腰作嫵媚柴桑菊真吾隣世間全材似此少二百年  
來風露飽新陰著地成蒼苔舊事關心問翠鳥我來正及  
春雪晴千樹萬樹銀花明豈無園桃與巷柳此樹婆娑偏  
有情西枝倒立曲而直疑向太華峯前識華岳寺周槐東枝危  
聳勢更奇緜山祠下曾見之郭有道祠前漢槐眞花碎錦歛再觀  
煙霞草樹重牽思君家樹人如樹木父兄勤業兒孫續六  
十老人尙力耕五歲童子能誦讀槐兮槐兮時正長九柯  
十匠知爾良

春初獲鹿道上寄懷王明府

昔年王大令邀我宴琴堂一飯何論報斯人不可忘關山  
勞舊夢風雨慣他鄉辛苦栽花手春來滿縣香

定州道中

定州城北多風沙浮空浩蕩天無涯十里五里汗奔馬三  
點兩點迷飛鴉飛鴉尙有不到處馬蹄行盡沙中路彌漫  
平地生雲煙隱約遙天見草樹天低地盡煙樹蒼回顧塔  
影明斜陽春風二月狂似虎飛沙上城齊女牆我本燕趙  
慷慨士往來西北五千里浮槎銀漢探支機杖策金臺控  
騷騷曲陽城高嵐翠開盧奴沙水繞城回短衣躍馬男兒  
事且向中山射獵來

城頭角

侵仇亭集卷一

十一

君不見漢家神馬金腰褭電嘶風動塞草一朝玉勒承  
主恩從此龍沙辭遠道幽燕老將氣縱橫仗劍曾爲萬里  
征不知邊馬離鄉苦請聽城頭畫角聲

猥欲亭集卷二

壽陽祁寯藻叔穎

古今體詩五十九首

丁丑至  
巳卯

題向陽茅屋圖

弁序

向陽茅屋者阿文勤公少時讀書處也在楊坊塋側  
乃文勤尊公藏書之所繹堂先生慨念舊澤繪圖徵  
詩奉題六首

流水赴巨海行雲歸崇山萬物各有託人生重所先  
峩峩高門第結廬出塵寰功多

主恩厚德遠家聲絲當其未遇時茅屋餘數椽讀書  
厯昏曉不知車馬喧幽蘭在空谷無人常自妍  
紉香佩秋草服昔賢  
之彌歲年一朝被采擷蒲輪來田間感此坐歎息  
臨風懷

猥欲亭集卷二

一

步出城東門平原鬱蒼莽豐碑表阡墓斯人亦云往  
道旁列環堵衡宇幽且敞借問耆者誰彷彿親履  
杖春煖物先榮地僻心自廣門前有大樹百年計  
培養

蠹魚但食字儒冠豈違時萬金營田宅不如借一  
紙買書貽子孫展卷得良師古人不可作高懷今  
世希

種秫五十畝栽桑三百株良苗被隴陌清陰生庭  
除興來扶杖行把酒摘園蔬夕陽下山麓孤煙上  
村墟還家卻自喜滿屋皆圖書

偏仄復偏仄云是先人築不惜築者苦但願來者  
續卜居

先擇鄰傳家豈擇屋朱門與錦堂託始惟一木一木成大廈餘風衍華族

我公萬民望身承五世澤居廬念慈訓繪圖思故宅春郊多風雨一夜庭草碧此中如有人當窗坐瑤席回首見城市勞勞何所役我家舊田園乃在壽水北十年九荒蕪何日披榛棘

讀貨殖傳

大賈富一國中賈富一鄉小賈爭錐刀亦能充蓋藏哀哉司馬公蠶室羅刑傷家貧莫贖著書悲激昂猛虎卧搖尾豎子扼其吭不如著犢鼻耕牧河山陽蹲鴟辨地利陶匏知器良俯仰何所迫全身慎自防把卷三歎息我心慨以懷侏儒厭梁肉夷齊乏糟糠天道惡盈滿貧富安有常漢廷重心計乃用桑宏羊

饒飢亭集卷二

二

擬儲光羲田家雜興四首

種苗南山麓苗長山亦腴力耕得餘暇時復勤樵漁歸途見落日照耀槐與榆興來邀隣舍酌酒相歡呼今夕期盡醉林外聞提壺

門巷少轍迹終日常閉關白雲逐幽鳥我心與之閑兒童偶嬉笑出入桑麻間雨霽天氣清蒼翠來遠山山中有故人欲往嗟路艱石磴危且滑扶筇勞躋攀何當逢赤松相與開笑顏

富貴非可求無事且行樂平生幾兩屐足不到城郭黃雲

被秋隴豐年多所穫盈倉有肥鼠野田無飢雀裘馬彼何人  
風塵滿京洛一朝意氣盡草木同彫落不見東陵侯種  
瓜甘自薄

桃源有居民云是秦父老漁舟偶然入回首失故道雲樹  
紛回環山川互拱抱浮家隱不孤避世貧亦好黃綺亦高  
士商山采芝草二者吾誰從拂衣須及早

種藤歌爲繹堂先生作

城南古藤我舊識五百年來抱幽石東風連日不出城可  
惜落花紅一尺昨宵涼雨驚窗紗曉起滿院蟠龍蛇髯髭  
鱗爪何紛拏恐是西山神蚪逞遊戲失勢一落誰能遮或  
者四皓老不死偶扶赤杖行到此衣冠面目與世殊支離  
偃蹇俱可喜主人愛爾手自栽長條宛轉來豐臺豐臺芍  
藥大於盈千枝萬枝雲錦堆種花容易好種藤須及早松  
竹喜相依風霜長自保朱闌碧檻高青林望爾丰茸成纒  
陰莫將一例繁華眼孤負千年種植心

青槐吟社晚坐

宛宛朱藤倚綠槐涼雲深護小窗開花垣恰有玲瓏意放  
過斜陽一道來

擬五雜組

五雜組縫裳線往復還營巢燕不得已秋風扇

五雜組織錦絲往復還回文詞不得已長別離

五雜組瀚海石往復還陽關役不得已雁懸帛

五雜俎河中魚往復還陌上車不得已守田廬  
五雜俎侯門鯖往復還長安城不得已成虛名

雜詠八首

空記瓊嬾夢裏來書生福命讓仙才上清玉冊三千卷龍  
虎當門不敢開

華闕朱堂耀紫宸仙官羽仗簇飛輪道逢一騎彈冠客知  
是長楊諫獵人

風流放誕亦超羣酒肆琴臺傍夕曛到底名心消不盡千  
金買得賦凌雲

辟穀延年術未工半生意氣誤雕弓俠腸艷貌全無用且  
著青裙拜木公

餽欲亭集卷二

四

不信神仙也愛名漢宮秋露泣金莖乘雲駕鹿來何事勞  
爾中山衛叔卿

眉娘底事畫眉青南海明珠偶幻形一尺生綃情萬縷背  
人空繡法華經

更無靈藥駐顏方玉宇瓊樓亦渺茫寄語黃姑莫灑淚天  
邊何以慰參商

簾卷天高海水秋鍼風線雨不禁愁早知雲錦天孫妬悔  
向深閨拜女牛

苦旱

都城久不雨炎天苦煩熱火雲熿驕陽氣挾焚柴烈維時  
夏方仲麥秀已黃折農人汗禾土望澤急如渴西山來片

雲倏忽乾風掣豐隆殷不聞雷車走無轍我

皇躬禱祀闕殿鐘懸徹飛鳥斂赤馭潛蛟嬉幽穴須臾勢  
傾盆流膏潤原垤

仁恩及郊甸歲美民心悅側身望鄉廬蕪穢耕久輟遙遙  
千里外旱潦不可說爲客氣多阻謀生計轉拙草木異苑  
枯溝水東西決安得歸田園荷鋤從飲啜

題安息齋圖

虛堂靜不喧景氣罨將夕涼雨漬庭陰綠暗苔無迹薙草  
補修竹編籬隱峭石山中薜蘿人長年坐瑤席放眼雲笈  
開聒耳風瓢擲撫此陶氏琴笑彼阮公屐得止一身安忘  
機萬緣息余情亦澹蕩輪鞅厭游陟寸田尺宅中時時勤  
拂拭常恐衣化緇風塵浩無極水靜養潛鱗林深棲倦翼  
願讀金壺書從君學守默

生日感懷荅余鐵香

丁丑歲六月賤子客上都行年二十五及茲思懸弧羈旅  
困于役歲月如奔駒常時忽不省此日云何吁強起著衣  
履晨髮慵不梳同舍有余生招我具觴壺一舉再三勸苦  
謝酒味麤欲飲且復休當筵重躊躇豈惜醉如泥亦非厭  
嗷呼把酒前致辭賤子明區區憶昔少小日生長當天衢  
先子宦京國居此城南隅四歲初識字開編得之無六歲  
就家塾漸知讀父書十歲學作文欲語羞囁嚅滿窗筆硯  
列牆壁遭鴉塗阿姪稍已長嬉戲兩相愉十三能策騎隨

母歸鄉廬先子成邊塞西去萬里餘出山三十載田園久  
荒蕪舉室還入門蓬蒿滿庭除阿母呼兒前爲兒裁布襦  
爲兒延師席爲兒課經畬流離雖構難絃誦不可疏十五  
忝青衿十六叨廩儲明年邊戍歸骨肉重歡娛十八廁鄉  
舉策駿陵修途十九游秦隴壯懷思棄繻黃河天上來華  
岳爲之樞山川盪胸目俯仰盤以紆兩載氣磅礴辭賦慕  
相如歸來試南宮文采儕鳳梧書名灑澹墨與宴斟醍醐  
芸館許翺翔風雲方馳驅豈料滄海波靈椿遽摧枯倉卒  
泣風木頻年歷崎嶇松楸事未了藜藿奉亦虛尙賴慈母  
健衣線仍勤劬所媿爲人子不能慰倚閭飢驅迫道路有  
口四方餽仰視林中鳥嗷嗷哺歟雞雛成各飛去銜食報

○ 履乳亭集卷二

六

卒瘞柰何寸草心不及同巢鳥今爲涸轍鮒昔爲縱壑魚  
今昔互變易年景何超踰回思卯總角突兀七尺軀修名  
恐不立顧影增歎歎方今雲路闊彈冠來于于慙非和氏  
璧敢濫齊國竽濟時自有人豪俊勝腐儒行當謝征軼努  
力事耕鋤新黍供夕饌晚菘摘秋蔬歡娛侍北堂豐年無  
催租從此酌酒醴一飲三百觚及時弗愛日良辰忽已徂  
余生聽我辭呼僮徹檠杆回手調素琴音響一何徐變化  
秋風曲木葉零江湖蕭條不忍聽客心愁正孤

觀明蒲城令忠烈朱公遺像

公諱一統號震淑平定州人闖賊陷蒲城抱印

投井而死

馬豎豬奴競揭竿壞雲摧陣大星寒死生何事論資格

城

日或賦之去公曰此事豈似吏部堂上論資格耶保障如公迫彈丸千里書回雙

鬢白一泓水冷寸心丹公在圍中二親寄書諭之曰死爲上去次之公得書曰兒知所從事矣連城多半降旗出始見孤忠抗節難

披圖再拜凜冰霜風骨端凝百鍊剛勝國衣冠存士氣當年姓氏媿天潢鐵鐙已滅鯨鯢骸青簡長爭日月光豈獨感恩秦父老萬家釃酒奠椒漿

### 舍後丁香初開

三年不見此花開每爲離愁減酒杯深院無人春易盡故園今日客歸來枝橫仄徑消殘雪影動低牆鎖舊苔最是如醒如醉態一回相賞一徘徊

### 村南晚眺

復欲亭集卷二

七

帶雨山光空潑翠綠溪樹色晚浮煙回頭不辨來時路萬疊垂楊綠到天

### 北寺題壁

孤寺鐘聲起暮煙紅牆一道綠陰圓舊游忽記題詩處花落苔深又十年

### 山村夜雨

山村寂歷夜深清夢醒涼雲枕簟生三百人家鐙火裏一時齊聽灑窗聲

### 種松歌

方山山人煙霞徒手植飛節三千株方山頂松明維官天所植今稱維善人風落子滿巖谷至今蒼翠成畫圖霜皮黛色龍鍾老世間

未許探鱗爪野火晴疑霹靂飛空潭夜有蛟虬繞自昔意  
氣矜華年蠟屐徑造層峯巔穿林越澗窮鳥道擣捷力爭  
猿猱先是時六月新雨霽石磴幽滑苔紋細須臾巖腹嵌  
水輪波濤萬頃翻水銀陰厓慄慄下無地亂葉森森上有  
人夢回仙徑無緣入茯苓香凍靈脂泣支離底事重相逢  
三尺綠雲壓肩溼松兮松兮非凡材移根且向北原栽世  
人棄爾如薪柴凌霄枝幹須豐培故山鸞鶴應歸來

詠懷六首

太虛本無形積氣成天地不知天地外何物聚此氣風雷  
何所起日星何所繫山海劃中外險夷孰位置芸生居其  
間靈蠢奚相異化工運匠心天下如大器沿襲與變革緊  
誰出神智天道遠難測渾蓋無二致聖人存不論莊列固  
多事

硯乳亭集卷二

八

登高望九州蒼茫縱遠目山川何奔放一往不可束泰嶽  
忽卑小滄海渺如粟羲和鞭白日西入崦嵫谷野馬躡飛  
景神龍銜靈燭浩蕩青冥開雲霞燦繁縟恍見洪濛初鍊  
石勞補築乾坤一遽廬胡爲自局促龍伯釣巨鼇投竿仰  
前燭

我讀高士傳抗懷希賢風長揖謝組綬屣屣羞王公矯如  
峭壁立攀躋難追蹤上積太古雪凜冽無春冬人生貴有  
用顯晦奚必同巢許滿四海何地置夔龍落落孤介衷聊  
以矜愚蒙東門歎黃犬何如采紫茸

仙翁種松柏託根在高嶺松柏未成陰斯人逝已永流光  
逐飄忽抱志靡所騁遙遙後代人撫此蒼翠影鶴鳴知夜  
深露下惜衣冷大木須早植百年泛萍梗世無綏山桃空  
羨丹砂井

南國有一士終年衣薜蘿形容苦憔悴江潭行吟哦云是  
楚王孫長劍擁玉珂幽蘭易消歇餘芳空巖阿黃金改顏  
色眾女嫉秦娥取琴爲我彈洞庭秋始波冰弦操激楚宛  
轉哀音多靈修不可見歲暮當如何

鳳鳥非凡鳥舉世知其祥羽儀曜丹穴文采輝朝陽矯矯  
百尺桐蠹蠹千仞岡棲身擇珍木飲啄亦有常人間偶一  
見史冊燦生光柰何卿雲輩飾詞工頌揚楚人炫山雉靈

禽已高翔坐使藩籬鷗紛紛爭稻梁

復仇亭集卷二

九

觀文信國公上包宏父劄子歌

西風撼撼窗紙方寸突兀五嶽起龍梭挂壁劍出匣英  
采光芒難逼視惟公忠肝抱鐵石零殘斷札珍如綺壯夫  
豈以雕蟲名心正筆正無偏倚是時宋祚日傾頽萬馬投  
鞭渡江水宰臣闕地起樓臺天子當軒賜弓矢紛紜爭議  
舉國狂慷慨如公眾口毀書成再拜上宏父欲藉危言振  
綱紀不然此身旣不用束書儘可歸鄉里文山水能娛  
人何苦嘒嘒謀國是吁嗟乎四鎮之策棄如屣白手用兵  
徒勞耳江湖三日去不回黃袍一綫孤舟艤復讐難覓子  
房椎報主唯剩睢陽齒至今遺墨猶淋漓百鍊剛豈化繞

指君不見指南錄燕獄紀耿耿丹心照青史猶嫌史筆未  
分明如公豈願黃冠死

公傳中黃冠數語殆出  
王績翁意非公語也

### 題沈石田韓襄毅園林畫冊

儒將風流在官清俗事無小園一二畝垂柳兩三株妙解  
觀魚樂閒描戲鴨圖平生氣飛動餘夢落江湖

初月隱高樹虛窗留晚煙秋風下紅葉落我酒杯前積水  
涼生地行雲影在天舉頭一相問萬籟正蕭然

百尺青槐聳枝枝密影交路從何處轉門向此中敲掃石  
身將隱投壺技未拋主人愛嘉樹烏鵲亦爭巢

家住藕絲鄉花香雜水香結茅臨淺渚移柳過低牆波動  
雲痕活林深雨氣涼賣魚羞入市何用釣竿長

### 復仇亭集卷二

十

### 秋夜酌客

燭搖清燄杯浮淥花綻紅蕤月暈黃卻喜素心人共集一  
天風露咽寒蟄

夜深簾影捲秋波話到鄉關感慨多爛醉狂吟猶不足相  
看無奈月斜何

### 憶柳四首寄鐵香

走馬燕臺屬少年黃金消盡冶游天誰家樓閣春陰外幾  
處簾櫳夕照邊飛絮漫空花作雪柔條縮地草如煙永豐  
坊裏人安在回首風流一惘然

凝妝對影畫屏開心緒成絲費翦裁夢被流鶯纔喚起愁  
隨羌笛又吹來歌塵繞柱驚華髮舞袖當筵惜酒杯何處

西南風最好班騅應悔繫草臺

王粲辭家賦遠遊西風揚斷瀾陵秋滿林黃葉經霜落撲地紅塵逐水流疲馬躊躇斜渡口暮雅零亂古城頭不知萬縷千條思能抵離人幾許愁

將軍一去樹飄零彈指韶華不暫停遠浦斷橋南北路寒煙衰草短長亭征袍欲染羞無色寶劍重逢信有靈寄語江潭老司馬爲誰惆悵昔年青

黃寸園

足民

以明湖圖屬題懸壁間而月矣客有晉

卿欲奪海石之譜題以解嘲

寸園公子清且介一水不嫌十日畫酒酣示我明湖圖尺幅煙波浩無界城頭鵲華高於螺湖面漁篷小類芥臨水

樓閣互攢聚因風蒲柳相搖拜釣竿十丈何人垂破網一

十一

堆隨處曬初觀石徑通盤紆細聽泉流動澎湃濟南江南兩未見讀山谷詩余增喟惟有客心似頭垢日撩千篋仍未快扁舟何意落吾手袖中東海收萬派歸來壁上雲亂生卻對牀頭壺正挂曉起櫛髮坐移時夜闌翦燭看忘憊自憐愛畫勝愛客不計負詩如負債借壁不歸意豪奪催相未到妨興敗忽忽題句塞紙尾賦性疏懶君休怪

左田夫子壽詞四首

壽字宏開祝華嵩近光特拜

主恩隆

螭坳地接三台上

鳳綉春生四字中 御賜額曰 養福增壽 宮錦乍傳蓮炬夜

禁城遙想玉珂風容臺新曳尚書履爭說

朝廷識鄭崇

凌雲兩賦獻丹梯弱冠蜚聲荷品題英譽早喧江上下壯  
遊曾徧浙東西藍袍拾得身將隱絳帳歸來古與稽一代  
清名動

君相碧山未合遂幽栖 公以宋文正公薦 召直 南齋

古桑一本屋三椽畫境詩情憶舊綠愛客常時懸短榻籌  
生無計到寒氈琴樽跌宕中年樂并日勤劬內闔賢此日  
華堂開畫錦齊眉真羨地行仙

橫汾三載侍文茵薄宦依然杖履親廣廈已收天下士春

馥欲亭集卷二 三

風先拂座中人且陪鸞鳳翺翔侶共祝夔龍強健身載酒  
還容問奇字雲雷鍾鼎見精神

種香圖為張師肇先生 錦標題

東軒先生如宛邱讀書萬卷老未休蒔花種樹當城陬門  
巷清潔庭戶幽護堂九十健且適撰杖無事扶靈鳩飯餘  
強步衣常摳臨瓜抓棗兒童抔籥然一笑雙鬢彭芝蘭芽  
茁桐枝抽先生綵服名不求卅載績學今方酬春風策騎  
金臺遊披圖樂事誇朋儔我昔登堂奉金甌慈儀拜祝柳  
與歐年來薄宦辭田疇白薤綠菜食難謀吾鄉壽水何清  
瀏粉榆日煖桑麻秋先生歸矣我獨留負米卻羨城東頭

復仇亭集卷三

壽陽祁駕藻叔穎

古今體詩五十五首

庚辰道光辛巳

春莫偕同年吳梅梁

傑

吳仲雲

振城

遊城南諸蘭若

次仲雲韵

三月金臺花似海偶因出郭惜芳時到門已覺衣香透入  
坐渾忘日影遲泥爪欲尋前度約塵心仍欠隔年詩林端  
試聽提壺語苦勸春深酒莫辭

傾城車馬紛馳外晌午鐘魚欲動時寂寂柳陰垂地重沈  
沈花事送春遲偷閒也抵煎茶樂

時值春闈

好事還徵補襖詩

能就那園消夏否煙波艇子辦奚辭

復仇亭集卷三

一

去歲端陽偕黃在軒

初民

可菴

足民

昆季集陶然亭

在軒作江亭歸思小幅未了今年午日重來可菴補

成持贈題詩紀之

高亭夕照邊一醉一陶然綠酒仍佳節青山似去年忽驚  
江上夢重補畫中綠雁影吾真羨雙飛入遠天

感事

達人輕生業志士重苦心捉襟見兩肘發篋猶孤吟中庭  
植雞竿麥甕漂秋霖爨煙滅三日僵臥雪在衾柴桑乞食  
翁寓言非中忱折腰尚不屑扣門乃肯尋挽衣杜老樂食  
粥顏公任愷崇門豪富珠玉災相侵銅山速飢餓牛衣且  
纓簪物理互倚伏人事徒升沈幾見訶宅迎鍊鐵爲黃金

椿蔭軒消暑分韻得北字

吟情與游情隨境無定式當其乘興來汗漫不可極山川  
盪襟袖風雨灑牋墨始知載酒樂不畏催租逼冷官例窮  
蹇文章乃吾職良友六七人結廬城南北問水時並櫂看  
花每聯軾吳君今詩豪當暑會客食酒酣舉觴政請各抒  
胸臆鬪題騁妍思麀句爭巧力筆硯雜羅列軒窗恣偃息  
長安豪貴多涼堂啟華闕繁歌裂銀箏芳讌膾金鯽高才  
羞囁喘壯夫恥雕刻君看鳳雛嗜豈若蛩啾啣俯仰聊自  
笑得失難豫識一醉消永晝頭上雲陰黑

宣德銅盤歌

弁序

盤式方周圍各三寸許中款正書御製錦堂春詞云

復仇亭集卷三

二

映日穠花旖旎縈風細柳輕盈游絲千尺重門靜金  
鴨午煙清戲蝶渾如有意啼鸞還似多情游人來往  
知多少歌吹散春聲末識云宣德七年正月十五日  
按皇明通紀永樂十年元宵聽臣民赴午門觀黿山  
三日自是歲以爲常上御午門示御製使儒臣和觀  
詞末二語知宣廟時仍沿舊例銅盤不知何用詞有  
金鴨午煙之句意當時內府然鑪承香之具歟同年  
吳仲雲出示索賦因弁記之

鑄銅作盤如方池四角旋折中央垂工良質美出內府錦  
堂一闕鐫春詞詞尾九字具款識云是宣德七年元夕之  
所遺前朝佳節例不禁鳳闕縱令臣民嬉萬姓踏歌逐明

月九重負展裁新詩穠花細柳漾風日雲章摹繪騰眩曠  
當時此盤供御讌應與金狴寶鳴左右相陳施兩宮慈孝  
天下知手執大圭朝四夷垂裳十載萬幾理小物且復勤  
文思縹霞金彩仿倭漆硃碗紅杯誇宋藝彝鑪燕香製更  
古鎔煉火色無纖疵宮中幽圖揭殿壁玩志往往銘盤匱  
乃知斯物遭逢亦有時不似嘉靖之玉印但以蘸章符籙  
祈神釐餞金御斧流傳逮熹廟代斲乃噫堂構基我欲以  
銅爲古鑑置之座右比器歆不見湯盤孔鼎前代有述作  
今無其器存其辭

題仲雲所藏陸日爲鴨棧道圖

天以山水作圖畫赤縣一紙鋪塵界蓋叢魚鳧闢奇格鬼  
斧神工逞狡獪畫工巧奪造物忌龜鑿幽險驚脫械褒斜

餞飢亭集卷三

三

鳥道矗千里石棧梯天天亦隘大江奔流去不還古火燒  
痕今尙壞裏擅行人小於蠟插崖亂木紛如薑捫參歷井  
仰長歎猿叫鵲啼吁可誠空堂暑雨鳴簷鈴展卷秋毫認  
烽砦近代丹青推陸癡當時筆墨壓嚴怪驢背詩人劍門  
客年少遠遊氣豪邁歸來意境頓超笑收取雲巒入營欵  
更從何處得此本覓句呼朋同一快雪峯舊圖搜宋譜驟  
綱妙繪分唐派坐中王褒亦蜀人便思翦燭從君話

謂王蓮洲

驟雨次陳小石蘭瑞韻

萬樹團雲成一碧傾盆倒峽勢相并也知急響無終日且

聽寒泉屋上鳴

題黃樹齋

簡滋

游廬五少圖

匡廬瀑布天下妙，簾影鑪香夢難到。名山老願幾人酬，何況同遊盡年少。五君艾李，余徐黃黃。君氣宇尤清，削金臺，握手出此圖。一紙煙雲，想眞貌。峯橫嶺側，畫不得，攝取山光入湖。權天低似礙，屏風張路絕。如懸石梁，倒萬條雪。練龍怒飛，一夜腥風虎驚嘯。遙知登高盪心目，尺吳寸楚歸。憑眺愛山，我亦少年客。眉宇局促，籠紗帽雲中。五老遠撫掌，白髮朱顏應大笑。連朝兩讀廬山謠，頭吳蘭雪舍人亦示余遊廬山詩

幸喜山靈暗相召，青鞵布鞵儻可辦。他日從君陟仙嶠，

偕吳梅梁王蘭卿李葆初吳仲雲泛舟二閘用徐階

詩柳陰催繫纜，句分韻得陰字

饒徂亭集卷三

四

輭紅十丈天街深，客衣日日風埃侵。扁舟歛然落吾手，乘興似脫籠中禽。白浮山名幾疊山意遠，綠淨一片天光沉。仙

侶開尊出野榼，老漁收網依叢林。窺欄鼻鴨足閒意，夾岸

蘆葦生秋陰。路轉參差見帘市，石梁橫鎖長河潯。飛濤銀

箭落天上，勢疑瀑布懸危岑。傑閣登臨極清迥，鏡波蕩影

空人心。江鄉風景我未識，把酒喜對杭州襟。漢津南望通

析木，浮海直欲操牙琴。歸途紆徐戀汀渚，臥聽澎湃來帷

衾。釣游卻憶兒童樂，廿載歲月奔駒駸。君如有意期後約，

荻花楓葉重相尋。

同人泛舟賦詩唯纜韻頗狹雨中獨坐拈此破寂

溼雲壓城西潑墨林容暗連朝暑漸深一雨秋來暫杜礎

生飛瀑檐溜響空甌只愁屋作舟難買花盈擔官閒劇愛  
客飢渴思飲啖佳帖輒共撫舊書時對勘人嗤漂麥迂我  
媿吹竽濫披箋誦君詩坐想襟懷澹琴箏互酬荅推敲猶  
再三高吟良足樂勝遊誠不憾相從苦泥淖欲覓青絲纜

庚辰六月晦立秋劉青園

師陸

招偕何玉民田季高

陪左田師納涼崇效寺重展青松紅杏畫卷次左田

師韵

一官冷若楞伽僧手板謁人病未能焚柴天氣苦炎熱深  
夜露坐清晨興雨餘蛙蛤吹陂水門外禾黍扶田陸客來  
甚我過竹院如脫火繖衣霜繪問字幾人破岑寂納涼半  
日除歎烝祇愁酒律遭佛戒枯腸茁角時騰陵看花却憶

饒飢亭集卷三

五

去年事空堂聽履聲登登鼠姑萬朵香爛漫文梓雙幹陰  
清澄重尋古寺餞殘暑低葵疏蓼秋花疑惟有青松與紅  
杏摩挲畫卷情難勝倚樹老人撚鬚笑龕中歲月傳千證  
吾儕衣鉢今有託藉湜幸免韓門憎壯遊山水我更羨

民玉

名會

送何玉民

歌繩

從左田師秋扈木蘭

蘭塞風高擁翠微周陸遙指十三圍羨君騎馮秋山路紅

葉叢中看雪飛

拜賜

天庖盡舉杯重陽時節

六龍回青城風雨皇姑塔便作行人戲馬臺

草香泉冷漾澄虛山色玲瓏畫不如塞上歸來說風味梨花春酒柳根魚

聞道浮屠剩舊基苔痕半截雨離披獵場恐有鐫功字好向荒城覓斷碑

黃寸園寫贈雙駿圖

溼雲壓屋苔封徑一兩三日愁坐聽城南廡驂苦奔走碾  
渦深沒泥重脛君應笑我出無車尺幅驂駟寫相贈知己  
豈因戀芻秣雄心未肯隨鞍轡年來客情殊倦遊對此明  
窗動豪興黃金臺高秋風起珊珊玉勒誇超乘買骨能教  
聲價增畫肉忍使皮毛勝君看二馬孰最良試籛浮雲資

控磬

漫仇亭集卷三

六

七月五日約吳蘭雪丈內兄陳伯芝小石晚香書庭  
敬夫內姪福茲稻孫集陶然亭

今年伏熱秋轉增矮屋如甑身沸烝偶因逃暑入深寺酒  
腸約束遭枯僧歸來窗底自斟酌對影兀兀思良朋城南  
亭子頗高敞葦岸綠淨魚可罾車如野航泛水過客逐飛  
鳥穿林升東鄉先生氣豪邁太邱諸子神軒騰舉杯一笑  
看落日歷歷遠岫橫欄憑昨臨江亭寫江水更乞妙句題

賤繪

蘭丈昨爲余題江亭圖

秋風幾日促鄉思有魚不歸慙季鷹

時伯

芝將南歸

人生隨地足行樂拄腹萬卷尤峻嶒君看鄭公亦善

飲辦香千載仍豆豉

是日同人爲鄭康成作生日亦置酒於此

箋詩誰謂不風

雅墨守何須分愛憎  
隔籬呼客且相勸  
陶然共醉吾差能  
得家書

拜別經三月開緘抵萬金  
遠勞慈母訓歡聽故鄉音  
迢遞田園夢  
團欒兒女心  
秋來問衣線  
白髮可勝簪

吾兄能養志薄宦轉離家  
媿我袖金匱輸君侍絳紗  
談經

逢許慎問字有侯芭  
聞許蓮西來館莫爲曇花惜  
新蘭盼茁芽  
三兄

近失

弱弟吾尤戀相違動隔年  
持家還賴汝力學要承先  
莫忘

詩筒寄應期腹笥便數升  
虞廩米秋穫亦歡然

有妹言歸賦相依慰老親  
頻年多聚散盡室剩清貧  
截髮

姑持節擔書壻倚人陽泉  
佳氣在門戶望重新

饒徂亭集卷三

七

有懷三首

祭酒通經士無雙  
品譽馳交深言必盡  
才大遇偏遲玉借

磨龍貴花經組織奇  
萬言方倚馬未肯傍階墀  
許蓮西孝廉

兩載離羣久襟期  
近若何聞君談尙健  
憶我夢偏多負米

貧非病研經志未磨  
門前老槐樹秋影想婆娑  
周觀光秀才

燕臺留一載風雨每連牀  
歸路黃金盡雄心寶劍長  
養材

備梁棟報國恃文章  
豈有驂駟質鹽車阻太行  
家步衢兄

珠隱齋夜坐

城南小築俯青疇  
恰喜移家得地幽  
雨漲陂塘添蛤吠  
夜

涼庭院已螢流出門  
但恐輪生角脫帽時  
妨屋打頭何幸

六街揮汗地北窗  
容我占先秋

簡寸園

歲月真如赴壑蛇秋風三載住京華書殘蠹惜塵中字窗  
破蜂貪几上花過眼雲煙成汗漫撐腸竹石轉槎枒閒攜  
畫燈從君乞美酒鄰翁近可賒

寄荅許蓮西

長庚

千里吟箋手自披披箋正是憶君時曉來竹屋聲聲雪撥  
盡寒灰爲讀詩

題鄭雲麓同年

開禧

荆庭聚慶圖用東坡馬上寄子

由詩韵

荆花織門紅突兀春來競向龍溪發燕臺南望六千里青  
山笑人何落寞瓦屋三間風雨隔輒塵竟日車輪沒謁來  
天寒翠袖薄夢踏綠蘿菴下月雁行憶爾兄弟樂促膝如

饒飢亭集卷三

八

聞話酸惻朱闌白石幾年別池草園禽境超忽客遊鴻爪  
感今昔絃柱何勞歌錦瑟請看一幅對牀人不羨中朝台  
鼎職

天寒歲莫積雪在庭寸園扣門過訪圍鑪煮茗出矮  
紙拉雜寫之以當餞歲卽題卷尾六首

無端刺促走車塵三度燕臺爛漫春堪笑書齋無長物憑  
君彩筆爲翻新

新賜官錢出水衡

明年辛巳爲道光初元

捧來天上日華晴書生福

命元非薄身歷

三朝見泰平

我生之初歲在癸丑

年頭歲尾忽忽過光景真如赴壑蛇羨爾醉翁長不倒朱顏  
傷僮坐春花

斷帖殘編未忍拋冬鑪夏筆總堪嘲柴荆竟日無人扣不  
用驅雞上樹梢

美酒餘杭誰兌得橘香荀嫩佐嘉蔬就中鄉味吾能說文  
水蒲萄保德魚

卻憶茆檐飯熟時區區春磨費支持媿無陶侃留賓酒聊  
當坡翁饋歲詩

此卷仿壹齋師武昌餞歲圖長丈餘點染絕佳後十年  
余以省親歸里忽遽失之可惜

自記

除夕

漫仇亭集卷三

九

爆竹無聲門尚開吟詩不覺歲華催寂寥深巷青燈下猶  
有鄰人乞字來

辛巳三月朔日蒙

恩入直

南書房恭紀

史館編摹職仙班侍從行仰窺

堯舜典已近

日星光特達

恩尤重深慙學未遑祕書應許讀染翰捧

天章

初入直廬呈程雲芬前輩

恩澤

香案清班近

紫宸承

恩授簡兩詞臣

同日奉命入直恭和  
太液春曉詩均蒙

恩賚 賡歌幸際

重華世涵泳初游

太液春敢道文章能報國竊思砥厲勉修身澤州興縣風

規在桑梓還慙步後塵

君以吾鄉陳文貞  
孫文定兩公相勗

秋雨退直簡城南諸同年

秋霖警深夜曉起涼滿衣驅車犯泥塗天光正熹微鄰舍

門未闢市塵人尙稀迢遙城南路寒漲侵石磯峩峩

雙鳳闕觚棱何崔巍影纓列桓舍羽衛集飲飛繫余性樗

散薄宦遊京圻無端鶴乘軒頗媿鷗忘機舊雨渺何許日

〱 漫飲亭集卷三

十

高猶掩扉毋乃謝逋客山靈聳嘲譏

九日壹齋夫子招同張詩舫劉青園何玉民田季高

集十刹海

賜第觀吳文定

寬

足潘邠老滿城風雨

近重陽句詩卷次韵四首

滿城風雨近重陽偏喜秋晴日照堂地闢新居初拜

賜家封舊釀許同嘗移來砌竹仍含翠嬾到籬花未肯黃

一笑飢盤薦嘉果芳名認得綠衣郎

滿城風雨近重陽憶昔分牋坐北堂一幅名圖重展玩十

年宦味更親嘗逢人漫說簪花艷有手惟應擘蟹黃何幸

盛筵東閣預年年此會伴諸郎

滿城風雨近重陽今歲輕寒未入堂

王脩己九日詩  
寒氣初入堂

射策

從人錦標奪題詩  
魏我棗糕管雁邊  
天遠霜初白  
江上秋深葉未黃  
聞說高臺方戲馬  
敦弓新試羽林郎

滿城風雨近重陽  
瀟灑居然綠野堂

公退清閒如致仕酒餘歡適似還鄉公聽

公退放懷詩更好  
秋來開口笑何嘗  
出門便覺飛塵澆  
歸路猶餘夕照黃  
回首煙波十剎海  
釣竿真欲借漁郎

### 秋曉入直

紛紛涼月白如煙  
喔喔雞號欲曙天  
萬戶葛騰濃睡裏有

人羸馬過門前

賜哈密瓜恭紀

嘉瓜種出伊吾盧  
快馬明駝達

帝都敝關納賚七千里  
計畝開田一萬區  
土宜祇合

### 漫仇亭集卷三

十一

天廚供何幸  
分甘到侍從  
沙磧涵濡

大化深雕盤拜舞

恩暉重

小臣

本自田閒來  
弱冠曾從隴上回  
親向花門問

果種遙憑雉堞望  
龍堆

蘭州城上

龍堆遠鎮邊疆地  
軍衛

屯田漢唐置  
爭說名王下馬山  
誰尋降將題碑字  
一自

先皇奏武功  
萬年耕鑿安羌戎  
西來戍卒瓜期代  
東去河

流瓜蔓通行人  
安穩居人樂  
引水分水畦  
徧村落俗厚應無

納履嫌種成  
亦有如墉穫  
黃金碧玉好  
皮瓢飽啖曾聞餅

作囊

回民以餼裹瓜食之謂之瓜囊

仙棗豈因方士進  
野芹先願

至尊嘗尙方  
玉食羅干品  
小物登筵知歲稔  
絺巾削出鎮

心涼絲籠開來愁齒噤  
人言五堡接瓜州  
筐籠遙通西海

頭不用詞臣賦盧橘空勞槎使致安榴

冬夜月下三首

涼颺響庭樹落葉空蒼苔明月不可埽清光排闥來攬衣  
步階除天高淨纖埃鄰柝聲未已良夜方悠哉

良夜一何清佳月一何明初冬氣似秋月亦如有情悄然  
羣動息百慮爲之平孤吟自酬答坐見星斗橫

星橫月已斜出門將何之羸馬不施韁敝車仍牽帷雞鳴  
度重闔萬瓦寒琉璃似聞抱關笑僕僕君奚爲

井西書屋消寒雅集題赭鱸冰魚蠟梅畫卷

龍江赭鱸世罕有不數細鱗與巨口河魚之美惟石花冰  
凍天寒聚而負雙鮮載網來西東一旦登筵列左右壹齋

漫飢亭集卷三

十一

老人退食閒呼賓做節興非偶風信從頭數廿四盤餐到  
眼勝三九明窗伸紙戲成圖滿坐傳觀驚發笥更喜黃梅  
鬥新妝錯落橫斜如貫柳消寒故事例可荊點額效顰狀  
殊醜底須鄉味誇魚菜賴有吟情寄杯酒圍鱸便許過殘  
冬更約春深婪尾後

題黃在軒水部雪後園林畫卷

蕭騷一夜響庭柯曉起頻將凍筆呵卻憶窰臺衝雪地今  
年寒較去年多

掃徑扶筇有底忙聳肩拄頰看山光似聞嚇嚇田公笑隔  
歲先誇餠餌香

消寒分詠得金橘

越橘黃金鑄爭傳小木奴輕勻如脫彈朗潤擬垂珠質可  
踰淮水名曾重汁都楚萍形莫混巴荔貢還殊裂葉霜千  
箇搖枝露幾株甘芬經夏熟涼味入秋腴摘許筠籠滿盛  
應茗椀俱餘酸傾冷齒碎點剖圓膚製頌宜南國承恩出  
內廚捧來宣口勅懷作鎮心符禪味評山谷詩情寄聖俞  
瓊漿欺蔗白蜜液奪櫻朱青李空看帖寒梅並入圖欲題  
三百顆飽食洞庭湖

詠時辰表

略仿璣衡製能知刻漏差居奇來古里門巧屬豪家夜夜  
月輪滿朝朝斗柄斜分陰真可惜閒對八瓠花

堂花

漫仇亭集卷三

三

我聞馬塍花絕技橐駝續力爭氣候先意與造化屬其法  
置坳堂鑿坎窞而曲矮紙糊作樞細竹編爲褥移花坐其  
上土潤儼暑溽牛溲與馬勃雜以香湯沃三沐而三薰有  
如霸才辱綽約神仙姿一旦就羈束梅竹節頗堅胡亦遭  
炎酷爛漫雖自矜精神固不足乃知炫耳目力盡生機促  
羯鼓爭喧闐鶴林門繁縟世人尙奇巧見罕愛彌篤鋪裝  
到堂殿翻厭畫工俗那知優曇鉢瞥眼等風燭我願告司  
花菽花如菽粟非時毋助長涵養泯奢欲請試逡巡酒何  
如中山醪

題左田夫子武昌餞歲圖

乾隆甲辰金葉山鐸  
臧象山子模合作

并西老人老詩伯手把畫圖話疇昔早歲爭傳江夏名舊

遊曾作郢中客高樓大雪夜蒼茫煖帶寒鈎送歲忙婆娑  
醉影三人共拉雜離懷一卷長當時畫社誰爲友葉山

金

象山賦好筆手潑墨休誇江海圖

宋賦仲多作江海圖扇面

搖豪直奪

藤溪叟

元金汝霖善畫自號藤溪釣叟

滿堂煖熱鬥盤花綠酒紅鐙笑語

譁但覺春風來似虎那知殘歲去如蛇矮紙須臾雙管落

枯腸忒角森然作活禽生卉儘情描夏簔冬鑪隨意著圖

成坐客互挪揄春磨凝資似此無準擬還家誇骨董頓教

探篋得奇觚自從嘯月南樓罷江上風濤夢魂怕重來桂

樹發中秋無復梅花餞除夜

公丁卯典試武昌

卽今聽履上星辰

揆日摹雲藻繪新不言溫室依春樹每坐寒窗憶故人崢

嶸歲月從頭數四十年來閱寒暑思鄉卻似望并州作記

復仇亭集卷二

四

還應補荆楚萬間廣廈倚雲開問字侯芭日日來重陽舊

句連番續饋歲新詩次第裁繫余十載從公熟插架琳瑯

許披讀又憑卷尾學塗雅恍向簷頭聞爆竹十刹海邊花

作田西涯橋上柳如煙底須坡老思樊口空寫煙江疊嶂

篇

復仇亭集卷四

壽陽祁駕藻叔穎

古今體詩六十八首 壬午

大雪退直 正月二十六日

春雪今年過一尺春寒昨夜裂重裘曉來仍戴三星入公  
退聊爲半日休每欲移巢憐乳燕轉思泛水狎閒鷗朱門  
畫戟都經過懷刺生毛未忍投

仲春感懷 時侄  
兒殤

玉璋錦綵費攜持贏得空懷夢醒時翻悔年來嘗百藥雙  
鴉難護落巢兒

敢云此恨偏敦我拔劍猶能歌莫哀獨有含飴難慰藉板

復仇亭集卷四

輿千里爲誰來

春闈分枝呈李芝齡少宗伯次朱蘭坡前輩韵

蕊榜春官特地開文章運會藉衡裁况逢星日騰輝際爭  
見魚龍跋浪來大海求珠憑象罔仙風引棹卽蓬萊門牆  
桃李應栽徧猶自巡檐索落梅

峩峩聲價仰龍門冰鏡同懸氣象尊列坐幸邀青眼顧奇  
文許共素心論花因織錦傳新樣燕已移巢記舊痕自是  
東風能鼓物一時寒谷變春温

春闈呈煦齋司農夫子

屈指蘭亭修禊年科名恰在我生先 公以癸  
丑登第一 朝珥筆陪

趨直兩世論文幸有緣 嘉慶庚申公主試順天  
鄉試先君時與分校 青鏤花箋

春染翰黃封玉釀晝開筵盟心何以酬知已努力搜羅是薦賢

大金吾典大司農管領兵民職任崇人說歐陽爲土望

帝知蘇頌有家風文莊公五馬蹄徧踏春郊碧時扈 蹕 奉 欽命

題乘驛 而還鳳尾親緘

御押紅十四年來衡鑒在不須爨下怨焦桐公自己已科 典試後至是

復磨 是任

### 再呈芝齡前輩

初聞上閣振鸞鸞又喜煎茶試月團報道滿城花似錦天

教桃李屬春官先生晉秩容臺 市月卽典春闈

至公堂下老槐枝秋雨黃花晝靜時一笑重來圓舊夢錦

### 覆執亭集卷四

囊應和去年詩至公堂古槐相傳有音聲之瑞先生去年 監臨秋試與同事題詠有鏤院聯吟集

### 覆檢落卷悵然得句

空箱欲棄重低徊束筍叢叢故紙堆未免桐焦餘爨底猶

思錐穎出囊來人如舊雨崇朝別花待春風隔歲開一線

釣竿滄海闊不知何處覓珠回

### 鈴榜日喜雨

鏤院三旬住乾風竟日吹羣才今入彀一雨竟知時太史

書先奏

君王夢久思萬方殷望汝灑潤要無私

### 五月十二日奉

命典試廣東感

恩恭紀

舊夢思還合浦珠釣竿真許拂珊瑚

春聞有滄海覓珠之句

恩深祇愧文章報年少翻驚際遇殊何幸壯游窮嶺海可能高詠繼韓蘇天南正闢孳經室

時阮芸臺制軍方以經學訓勵多士

文教都由

帝德敷

良鄉塔

出都七十里遙見良鄉塔平岡互縈紆飛欄鬱周帀在昔歲乙丑於此禮禪榻攬衣躡雲表勢欲排閭闔初窺目眴轉漸進足雜遝石磴旋若螺泥壁光於蠟放愚見仙篆手痕儼可揭欵然攀絕頂天風來蕭颯精神四飛揚元氣供

漫叟亭集卷四

三

吐納俯瞰城郭小但見廬舍合老僧頗矯捷步虛探簷鶴我心爲之悸呼之了不荅乃知定慧力空境皆實踏浮圖吾故人一別簪難盍舊游年十三今來歲已并念茲日月邁恍如波浪沓何時謝征鞅心偈參雲衲

涿鹿行館爲程玉樵

德潤

同年作時同奉使

恰值皇華使節催更欣驛館得追陪同年較我十年長生日遲君七日來

玉樵今年四月初度

問字道逢門下士論珠人羨越中才初庚天氣炎歊甚且脫征衫舉酒杯

張桓侯古井

故里桃莊在荒祠漢樹高天心沈火井王氣厄金刀籌筆嗟無命橫矛志尙豪樓桑鄰咫尺誰爲薦溪毛

自新城抵白溝河

平明出新城積雨猶未歇肩輿曳塗中人力不得竭如墮  
兜羅絲滑軟土無骨艱哉扛輿夫十步九常蹶洋洋小青  
河一水橫短筏引手招卽至勢不待牽梓乘傳百無苦豈  
念道有喝輿夫前致辭爲我言馬卒往者使車來導之行  
泥汨陷而入於淖官囊傾倉猝舟子利其貲狼狽爲狡滑  
遂令河干地清淺成蕩漚我從輿夫言野渡徑飛越我僕  
隨馬行馬腹幾爲沒渡河始相遇淤濺及衣韞舟里抵白  
溝輿馬論賞罰一笑姑置之我心無艱阨

河上小憩

來鹽去米白溝河帆影都從屋後過好似蕪蘗亭畔路輕  
舟細雨渡滹沱

侵泚亭集卷四

四

趙北口

溼雲下遠樹曉日明空潭引水船通市賣魚花插籃我來  
過趙北人說似江南十二橋頭望柔波貼蔚藍

肩輿道覆夷于右臂作此自遣

任邱縣

輿夫本是鉏田夫強使扛輿舍其鉏棄長用短計已左兼  
之道第多泥塗前肩欲進後肩掣後者崛起前趨起兩輓  
雙杵日掀簸危坐兀若枯僧枯一朝步窘肩亦脫夫仆輿  
覆誰爲扶倉卒便令柳生肘逍遙安得尻爲車我謂輿夫  
爾何愚不鉏爾田扛我輿輿夫荅言爲役驅新麥登場不  
及儲官錢傭夫肥吏胥枵腹乃使充公徒我聞此言三歎

吁臂痛若失心轉紆高牙大纛左右趨當官豈念民艱劬  
嗚呼當官豈念民艱劬

早發河間大霧

銀濤萬里壓城來樹影黏天撥不開走馬橫過瀛海驛分  
明蜃氣象樓臺

生日次韵荅玉樵

昔年行李因擔囊奉使叨分藻鑑光自媿通經虛壯歲漫  
勞織錦報佳章郵亭處處逢今兩杯酒時時話故鄉東道  
主人舊桑梓一時言語妙君房

阜城令賈君  
循廉有聲

新城令薛午橋

愈炳

阜城令賈淵善

懋功

皆吾鄉人

也乞其致書都下以慰高堂之思

襍詩亭集卷四

五

傳語平安慰倚閭忽忽十日兩封書阜城已過新城遠漸  
覺鄉音入耳疏

德州渡運河冒雨入行館

避潦尋村徑蹊田傍岸隈斷林颿影出疏雨鷗聲來捍水  
長隄固闌城列市開挑燈坐虛館簷滴夜深催

去恩縣十里許憩村樹下

荒邨幾見長官游怪底驚危吠不休拍水羣兒緣岸上停

機少婦出牆頭沙田雨足農相慶瓦寺鐘殘佛自愁

村多  
草屋

獨寺  
用瓦

欲向平原訪遺跡斷林斜日畏淹留

曉行田間聞禽言感作

割麥插禾今年雨多官道成河行人踟躕不敢過回馬踐

我隴上禾踐我隴上禾食我場中麥麥食令馬肥新苗踈  
躡將奚爲年年耕田傍官道割麥插禾不得飽底用空言  
聞爾鳥

旅館不寐懷程雲芬前輩

一榻棲如矜挂角中宵警似鶴知更此心已悟蜘蛛隱多  
事誰教蠻觸爭涼雨洗頭祛病退新茶潤肺助神清懸思  
聽鼓金門客早著朝衣步玉京

東阿道中

墟落遙隨流水灣堆牆亂石自迴環我行平野一千里前  
路蒼茫應有山

高樓突兀憶山莊鐵限當門巖作牆滿眼人家渾舊識便

饅飢亭集卷四

六

如久客慙還鄉

村中砌樓  
頗似吾鄉

余宿東阿之夕夢與徐熙葦應童子試視日已夕余  
心頗迫熙葦殊綽綽也覺而用東坡儋州夜夢韵記  
之卽寄熙葦

五經紛綸我不如徒手奚能借古書風檐日短苦無餘欲  
窮紙尾忘其初徐君在旁意坦舒聳肩搦筆如游魚覺來  
歎此夢有緣毋乃造物警我偏我今廢學垂十年繭絲自  
吐身爲纏強以文字衡羣賢請嘗試之乃瞿然胡不歸去  
披陳編

山雨

山雨如避人挾雲竄深谷行人不自避巧與雲相逐山轉

路欲窮雲行勢已蹙迸出白玉龍噴灑珠千斛青山笑行人土偶遭新沐須臾雨漸歇山溜亂飛瀑卻顧所來徑夕陽在林麓

自東阿舊縣行十餘里近山人家林木明秀如畫

綠樹陰中夕照邊背山面水起炊煙便思往買三間屋不用多營二頃田

夜抵東平

銅城驛距東平州計程百有二十里東阿舊治居其間我行到此日旰矣山雨晦冥石磴滑僕夫勸我不如已我謂前言豈戲耳畏難而退志先靡司勛大夫亦健者

謂玉樵決

計同行投袂起乃知誠心天所啟故遣夕陽照流水平原

徼徠亭集卷四

七

向人遠更閒野老看客驚相喜須臾莫色蒼然來新月娟娟出雲底繼之以燭燦如晝沙草微茫淨可指長河乘風夜嗅渡水天浩蕩空涯涘遙看火炬明洲渚漸聽人聲入城市籃輿載我穩且駛豈知沉沉深沒屐齒我馬旣瘖我車殆終夜不來良有以平生茲游信奇絕得毋遇險不知止書之聊當鼓記里吾姑徐徐焉用此

謁滕文公祠

少年劍馬氣縱橫折節儒冠豈慕名仁政要爲王者法遺風猶是聖人氓若教國勢侔齊楚未必天心屬呂嬴今日君臣同廟祀

祠以然友畢戰配食

滕陽檜柏接鄒城

六月望日銅山行館對月

少年但知月色好不道客愁不可埽兩年對月隴山頭盪  
胸一覽邊城秋邇來薄宦將十載囊筆朝朝宮漏待瓊樓  
玉宇不勝寒往往鄉心墮雲海今夜銅山月滿輪無心卻  
作江南人江南青山隔千里倒影飛落清樽裏頓令溽暑  
變新秋但訝空庭如積水海天遙指五羊城快馬輕舠四  
十程他時試院煎茶坐可抵籃輿載月行

### 曉行

曉行出村市流水鳴潺湲日上未過樹雲低猶戀山瓜廬  
人睡足石轍草生閒一笑問津吏客游何日還

### 徐州渡黃河望城上黃樓寄懷王子卿

澤前輩

東坡先生岷江住直送江流入海去我今宦游逐黃河十

### 饒仇亭集卷四

八

年三度揚帆過崑崙幾曲落眼底蜿蜒如龍走萬里我從  
西北歷東南已探其領窮其尾蘭山山下舟爲梁潼關關  
外水如湯及入東徐益汗漫陣馬不能追風檣試登堤堰  
俯城郭乃知銀漢高紅牆海門遙瞰在咫尺尾閭一瀉歸  
蒼茫回頭欲溯浮槎路星宿參差不知處天上何曾風浪  
生人間賴有隄防固當時河決澶淵秋飛濤激箭來城陬  
要使千家免沈竈豈謀一醉營黃樓樓上風流誰繼起彭  
城老守詩才似便向徐州入贛州卻臨河水思江水

子卿先生

守徐時有黃樓詩和者甚夥今移守贛州亦入粵必經之道

### 謁閔子墓

蕭縣

人倫有正變孝思無殊致毀親以成名反失聖賢意庶

固有由頑嚚夫奚懟虞書渾渾爾不言井廩事小弁及凱  
風周道亦云墜乘舟心更悲佩缺躬甘棄堪笑穎封人感  
君惟一隧寤生實姜出城穎忍相寘左氏且浮夸稗官益  
贗僞孝哉閔子騫德行誠不愧當時父母言眾口無訾議  
蘆衣事有無或者傳聞異世風日衰薄箕帚生詬諱毛裏  
自不屬轉以疑賢智墓田在鄉閭配祀仍昆季革蒙閔子  
二弟名  
家庭有真樂至性誰其嗣我來拜遺像如視閭閻侍不忍  
說單寒恐傷純孝志

河之水一篇

弁引

宿州比歲不登今歲濱河下地又遭浸溢居民掘田  
築隄畚鍤相望於道過客感焉故爲是詩也時六月

十八日

漫仇亭集卷四

九

河之水何時復侵我田及我屋我屋飄搖我不惜獨惜有  
田不如石去年築小隄今年築大隄但願隄似山豈知田  
爲谿河伯雨師相娛嬉一笑萬頃黃琉璃可憐禾黍東西  
倒盡向中流作荇藻使君昨日乘舟來猶說此間風景好  
河干野老吞聲泣早晚官租催已及似聞驛使報安瀾今  
歲江南大有年

二蟲

青蠅以腐生白鳥以溼化微哉茲二蟲感時及盛夏鼓翅  
各擅能卜晝繼以夜晝如攫金走夜若舍沙射薨飛已可  
憎陰伺尤堪詫二蟲性貪捷厥勢亦相亞彼此互倚伏紛

擾無休暇我本山中人清涼足茆舍一枕過三伏扇拂常  
不藉出山今幾日高明處臺榭遂爲二蟲苦以身試燔炙  
拔劍驅未能成雷勢方借願乞金風力一掃炎歊罷復恐  
嚴霜早零落到禾稼畫屏亦偶誤紗幬安用下用金樓子齊桓公開  
紗幬以進  
蚊子事二蟲爾何爲寒暑有代謝

過淮二首 鳳陽縣

長淮界南北鐵鑠一橋開飛騎踏波去兩岸以鐵鑠橫  
五十艘爲橋好  
山迎客來東坡句過  
淮山漸好浮天挂帆席對岸起樓臺羨爾觀魚

叟濠梁信樂哉

客館臨淮上清波眼底流虛窗納遠樹高枕數行舟烏沒

斜陽外漁歸野渡頭晚涼堪濯足瀟灑及新秋時立秋  
前二日

復仇亭集卷四

十

月夜淮上

夜涼枕簟滿長街樹影遮門水浸階西舫東船悄無語一

天明月照清淮

鳳陽道中

竹椽茆舍漏痕深飯甑生塵曲突黔村女生來能赤腳驛  
名底事喚紅心市瓜解渴無佳味選樹乘涼得翫陰偏是  
兒童工笑客倒騎牛背下遙岑

午憩道旁椽樹下

火輪周四極卓午炎曦正百里少嘉樹萬畦爭仄徑忽見  
老椽枝葱鬱動遙興未至心已涼翫憩色相慶聊慰望者  
渴一扇喝者病白雲恰飛來助我清陰更霜皮大如象圓

蓋低覆乘緬思同谷叟歲晚飢寒併居然拾其實作歌誰  
忍聽物生貴有需好惡紛無定請看道旁李味苦食難竟

### 寂寥

馴馬前驅負弩行漢家縣令重書生寂寥銀漢乘槎客來

往誰人管候迎

楊誠齋句候迎  
銀漢乘槎客

### 行館桂樹

昔登招隱句曾擬楚騷詞小憩桃城館親攀桂樹枝無人  
簾捲處過午雨來時天竹何瀟灑幽窗伴更宜

### 雨後

連朝酷熱苦相煎白汗沾衣日午偏暑雨送涼似秋雨高  
田流水入低田舟停渡口仍銜尾雲鎖山腰未放巔行路

### 饒飢亭集卷四

十一

欲晴吾豈不老農須此卜豐年

### 山行

望遠疑無路到來別有天好山多種竹深樹亂鳴蟬澗水  
東西屋坡陀上下田旋螺行不覺已出翠微巔

登高一俯覽日影散平林始悟山中徑多穿樹底陰人家  
無市氣潭水得秋心回首臨淮道炎天不可禁

### 入桐城界度嶺

朝行山之阿盤旋千坡陀自云已出山不知山更多山北  
路幽折足繭肩相摩山南豁開朗萬點堆青螺羣山亦好  
勝陵跨森包羅緩步舍行輿直上登嵯峨是時日亭午照  
耀澗與邁山條擢翠巘水葉舉素波因巖草爲厓倚竹雲

成窠忽聞泉石聲乃是松風過蕭然衣袂冷靜若琴箏和  
誰家好園亭短牆圍修柯參差見鱗瓦高下帶女蘿徑思  
斂柴扃山深愁路訛僮僕促我行欲去仍婆娑夕陽下平  
麓殘沙明斷河清景不可失過眼如飛梭冥想苦搜索山  
靈當見訶

苔燕語

并引

二十五日宿桐城大雨達旦山水漲發不能行閉門  
高卧見梁間雙燕感而作此

借君雕梁住一年來一度不惜銜泥勞喜君無瞋怒秋風  
已催客窠雛猶待哺常時簾櫳開出入不相忤今日出巢  
來門掩空四顧雙飛亦可憐對語胡遭妬燕燕爾勿驚我  
請言其故我亦如賓鴻爪泥聊斲駐連朝苦霖雨河深不  
可渡悶來但酣睡黑甜無晨莫青苔行及榻綠窗偶鎖霧  
豈知差池羽忽若羅網錮細思我負爾巢幕非爾誤客行  
良獨難觸處逢牴牾開門送爾去我亦向前路

二十七日發桐城渡挂車河

駕言宿占亭山雨連晨吼行輿衝泥出掉頭復卻走我行  
四千里十日雨八九常時冒雨行今胡爲雨守大河橫我  
前急溜踵其後一朝凍雨至迷漫失渡口舟楫勢不容沙  
石力彌厚傳聞此水性一瀉不能久今日雨稍歇行踰亟  
抖擻僮僕色驚怪發言誰執咎高卧吾亦願王事敢重負  
出門望四山陰雲正紛糾茫茫挂車河不知能濟否

此河名挂車無車安用挂但合筇輿過僕馬敢云憊未濟  
心茫然合眼卽澎湃豈意七尺波陡落一朝快沙擁尙成  
隄水銷已分派粼粼見白石人跡儼如畫此時亦放晴平  
灘日午曬沙河弄清漪山影倒而拜天公意不惡河伯氣  
亦懈好風吹客衣及時利行邁

聞絡緯

轉轂纒絲響最清北人間此卻心驚始知唧唧秋蟲語不  
是江南絡緯聲

潛山道中十首

山靈喜我馬蹄聲一笑羣仙抗手迎卻被白雲橫截住惱  
人眉黛不分明

餽仇亭集卷四

三

路似魚腸轉益高山如燕尾忽垂鬢平看對嶺青鞵底下  
指橫塘綠樹梢

折取松枝壓滿肩樵人未午已歸山懸知細雨山坳路中  
有涼棚三兩間

萬綠平川眼底開南山晴日北山雷飛雲莫道無心出一  
片隨人頭上來

澗水喧虺勢不平出山便解與山爭林林掉臂穿雲去讓  
爾中流自在行

綠玉千竿插水湄四圍種樹當藩籬涼蟬吸慣梢頭露不  
肯隨聲過別枝

沙灘齧水軟於肉稻隴吐芒高過人竹裏何曾見廬舍忽

然喧笑聽偏眞

雲壓城頭帶雨濃蒼茫不辨最高峯亦知橫側看難盡轉  
過沙灣恰又逢

潞水南方勝北方但逢隙地便開塘山田犖确成何用亂  
插青松當插秧

青山缺處樹彌縫水外人家綠幾重白鳥一羣棲不定恰  
疑春雪下長松

### 太湖城北大雨渡河

陰雲挾石飛狂飈捲林折噴出萬斛珠團作一條雪中流  
怒雷吼平地驚濤裂孤舟乘輕危衆峯互明滅神靈變幻  
意蒼茫不可說臨河雨驟來收纜雨頓歇

### 漫徂亭集卷四

十四

### 早發楓香驛

草際微明見露光緣畦行過但聞香曉風忽颭芙蓉水紅  
白幾花開野塘

跨水危橋一木撐那堪竹轎載人行明知已上難回步卻  
到平途心轉驚

### 去黃梅縣二十里小憩兩河口隄樹下

湛湛兩河水上有雙楓樹解鞍息綠陰冉冉清風度里中  
有黃生惠然肯來顧呼童酌茗椀爲我陳坐具問荅頗款  
洽周旋少世故遙指水外山云是讀書處愧我抗塵客企  
望但生慕纒繆感良覲欲去仍緩步記取霜葉紅歸來當

再遇

餽仇亭集卷五

壽陽祁雋藻叔穎

古今體詩六十九首

壬午

望廬山

我出黃梅六十里隔江已見江西山人言此是廬山背慰  
眼頓覺超塵寰屏風幾疊照江水夕陽萬皺明爛斑不知  
香爐瀑布在何處但見側峯橫嶺高下雲迴環雲中五老  
似回首一一闖露靑髻鬢有如蒲阪道中看太華三峯飛  
影過潼關黃河曲折走關下亦如大江橫鎖潯陽開山川  
靈祕造物惜每爲好事破其慳我昔西游今南涉勝境兩  
遇非偶然書生行賸苦不辦况騎驛馬囊官錢游山如此  
亦大好只惜過眼空雲煙買田築室吾不願但願歸途住  
此三日窮躋攀

渡潯陽江

五嶽我甫遊其一四瀆我已涉其三彭城渡河曾幾時淮  
水鐘鼓聞館館邇來山行又十日屢乘竹筏過沙潭坐看  
萬峯走波浪蓄勢一瀉無停涵不有長江鎖疊嶂幾如奔  
馬難回驂聞道潯陽有九派北人到此心未諳但喜天晴  
風力便檣梢燕子聲呢喃須臾忽失岸西塔宛轉似避中  
流酣匡廬作屏江作鏡上下照耀天靑藍偶然雲陰落遠  
水祇訝日影搖晴嵐蒼茫不辨洲上樹迤邐漸近沙頭龕  
卻從下流溯而上參差樓閣臨城南片帆安穩神所勞奇

境紆折吾尤貪此邦天險扼吳楚鑱鑰未許輕窺探江州  
司馬古循吏淪落豈爲詩情耽高亭斜日望寥廓江水東  
下波如汨

### 放蜻蛉

蜘蛛吐絲布四屋蜻蛉忽送飛來肉六足四翼非不多誤  
墮網羅當奈何與人無爭亦無患我亟呼童解其絆放爾  
蜻蛉磔爾蛛罰亦重矣蛛何辜世間快意多危途調飴膠  
絲無處無

### 經廬山下

人說看山閒我謂看山忙一峯到眼看不了忽然萬峯雲  
錦張前峯偶蹶後峯壓勢與天地爭低昂此真面目何處

### 襁馭亭集卷五

二

識境過欲追愁輒忘佛華山頭敏精舍苦茗三椀搜枯腸  
僧云瀑布勝簾水種種奇觀非尋常笑指門外最高頂炎  
天六月秋風涼我今僕馬汗流漿山靈聳謂應避藏安有  
清泉與碧巘肯爲俗士回景光石門斤竹句奇僻古來山  
賊真詩狂何由足躡謝公屐看挂銀河三石梁

### 東林寺

言尋虎谿水一訪東林寺門前幾株松已有高人致坐我  
三笑堂虛窗落山翠慧遠與陶陸屏間圖繪具似聞撫掌  
語衣帶皆笑意想見山中人方外結同契叔夜龍鳳姿引  
領但遙企堂後瞻遺像彌勒龕同侍蓮社十八賢一一鬢

眉備石碣尙唐文

李北海碑  
元時重刻

鐵釜猶宋字

宋政和十  
四年鑄

大可

容一石當時盛檀施老僧今苦飢種蓮幾無地指說屋後  
泉卓錫著靈異遇旱水不涸煎茶味堪試吾云宜釀酒飲  
事有成例在昔清淨禪獨許淵明醉公掌白遠公拈花若  
微示一笑過前谿虎嘯行將至

阮芸臺先生有宋人東林寺圖虎谿在寺外今寺在虎  
谿外非舊址矣 并記

### 荆花

十里紅荆夾道遮紛紛照眼爛如霞尋常亭館栽難得開  
徧山椒不當花

### 雨中發建昌縣

桐城再宿非阻雨自是無船渡河水建昌之水可行舟衝

### 餽仇亭集卷五

三

雨而渡易耳若云遇雨遂不出三日以往爲霖矣深山  
陰晴難豫料萬事倚伏有微理渡江連日看匡廬嵐影泉  
聲三百里書生眼福能幾何一雨折磨適相抵建昌老令  
秦州士落落鬚眉頗自喜殷勤相送姑相留我謝主人豈  
得已

### 途次大雨

一片聲喧走澗谿天垂雨腳四山齊壞雲壓到村邊樹似  
妬籃輿不肯低

蹊田羨爾牧牛兒戴竹披椶結伴歸仰視青天如屋漏吾  
行安得瓦爲衣

### 七月四日灘溪紀事

凌晨犯雨行午及灘谿口灘溪一何深亂石挾沙走雨過  
新漲添聲疾怒雷吼我僕在前渡我行尾其後渡頭橫野  
航破篙竹半朽借問操舟誰幡然一老叟平生負盛氣遲  
疑復何有一葦劣可載同舟人凡九余與玉樵及僕五  
輿夫二凡九人意  
欲沂而上水勢可橫剖豈知灘頭惡放纜卽失手中流幾  
翻覆一落千丈陡篙師亟泅水力薄豈能負仰視岸上人  
驚喊勢難取稍近東岸樹欲攀復掣肘回波忽向西木石  
遭擊培自分葬魚腹瞥然見隄柳衆手競牽挽併力相結  
糾登岸一回顧白浪連山阜問渡已五里始悟漂泊久古  
寺且偃息衣裳半泥垢覓路歸灘谿纍如喪家狗蔡君慷  
慨士邀我意良厚入室更相慰呼兒羅漿酒鄰里看客來

餽飢亭集卷五

四

填門紛雜蹂殷勤求筆札投報媿瓊玖夜闌就短榻兀坐  
自搔首茲游吁可怕得生亦云偶古來九折阪馳驅爲官  
守獨念倚閭望何以慰慈母世路多艱阻賢達宜順受性  
命輕波濤冒險夫誰咎挑鐙紀行役蕭瑟風生牖

灘溪留別蔡氏兩秀才

叔維申  
姪元選

五里灘頭一葉身天教不死豈無因窮途相識眞奇遇他  
日重來有故人黃髮垂髻爭看客青鐙短榻足留賓不辭  
書盡君家紙記取樽前醉墨新

東軒

高安試院

東軒長老今何在剩有東軒待客開廳下已無松二本稅  
餘安得酒杯文章豈礙微官謫風雨難忘舊約催城北

城南一條水當年親見卯君來郡分南北二城中隔一橋卽錦水也

### 山泉

濁河本藉細流成不是崑崙便不清石磴紅泉太多事在山已有出山情

采棉謠

弁序

七月八日道經新淦大熱田間水涸稻枯獨棉有熟者問之居人云不雨已三年矣是日宿金灘岸上作此以哀淦民

高田種棉下土種稻種棉令人煖種稻令人飽金灘岸上多水田九畝種稻一畝棉今年不雨又一月機輪輓河河水竭稻苗無穗半黃朽賸有棉花白似雪采棉作布不作衣布能易米療人飢但愁棉少布亦稀家家絡緯啼空機前年苦旱苗盡槁去年青苗化爲草早知種稻不逢年決計有田惟種棉老農見事例遲鈍來歲旱潦誰能問

### 宿峽江城宋氏祠堂

市暨惟通路一條女牆高下束巖腰城頭多被青山占峽口初聞積水消官長清閒伴琴鶴居民生計雜漁樵不嫌客舍如僧舍鐘鼓聲沈夜寂寥

### 峽江城南渡江山行

凌晨南出峽江門兩岸青山一水分正是沙平風軟候鷗鴉無數棹歌聞

### 山中

人家遠近住山中築室幽棲細路通矮馬祇堪游果下花  
豬多半似遼東驛馬瘦小豕多白者亂松徑仄纔穿屐碎石灘深不  
受蓬行過板橋三十里僕夫流汗走呼風

吉水懷楊文節誠齋先生

攜來一卷西歸集行篋頻將好句搜今日鳴珂過舊里江  
山我亦願歸休

一疏從容舉眾賢兩封諫草欲回天同鄉亦有平園叟不  
薦詩人孟浩然西歸集句碧琉璃上瑣花裏獨載詩人孟浩然

廬陵

文章自昔推歐九風俗還當問孟嘉能使飛蝗無入境何  
愁白鹿不隨車

漫叟亭集卷五

六

欲從曾叟覓禾譜且聽髯翁秧馬歌農事今年愁小旱桔  
棹挽水已無多

填城溢郭百廛居急就奇觚寫有餘客裏所須無別物止  
消冬酒與鮮魚市上酒家以鮮魚冬酒書帘

渡太和江

一夜西昌樹北風搖客窗曉寒生快閣秋雨過澄江穩挂  
布帆一間又尺鯉雙用蘇詩語便思黃宙鋪炊飯坐漁缸

雨中至萬安縣喜晤魏芸軒同年編

出都已越六千里相識曾無一二人今日萬安亭館坐同  
年三友笑言親芸軒玉樵皆同榜進士不知江雨寒侵夜祇覺秋堂

煖似春記取灘聲山色好歸舟折贈嶺梅新

阻雨贈芸軒

天公有意留人住一雨居然阻行路曉來獵獵板窗鳴板

鱗次橫排以直木銜之不知是雨是風聲主人魏侯吾同調灑掃西

廳容嘯傲膏雨隨車亦偶然狂言驚坐君應笑十八灘頭

半日閒聽事扁額客行明日又千山千山萬水復何有且盡君

家一杯酒

萬安渡江山行

秋江雨漲沙岸肥惶恐灘頭過客稀一船兩槳如鳧鷖雪

浪打空人溼衣須臾收纜登石磯青山插天天四圍仰穿

壑确行徑微黃犢當道不可揮絕巔似有雙朱扉松陰落

落煙霏霏遠望則是近卻非仙乎戲耳應吾譏山中木客

侵仇亭集卷五

七

餐靈脂矯捷豈受人世鞭撫掌一笑逐鳥飛江山如此胡

不歸

贛州呈王子卿前輩

贛山三百里奔走赴虔州碧瓦連雲動清江抱郭流此邦

風物好八景畫圖留歸棹他時弭乞君縑素秋

曉發贛州十五里渡貢水

染藍無數贛江濱水淺沙明著色新江干多染藍人畫槳輕搖元

不惡灘聲何苦惱行人下流卽十八灘

水輪歌弁序

余過南贛諸境見農人以機輪輓章貢二水灌田輪

徑圍大可數丈每輻以竹筍斜綴其首吸水上升俯

瀉木槽分注田間視龍骨車以人力輓水者力逸而  
功倍矣作歌紀之

水車取水如桔槔若魚去乙存頭尻銜以木舌膚不撓足  
蹈手輓生飛濤漢陰丈人老且髦抱甕所得眞牛毛豈知  
水輪技更高激水自行非人操若渾天蓋園周遭三十幅  
爲一轂牢綴以竹筩盛以槽仰挹俯注聲嘈嘈海蟹如山  
擊巨螯欬然噴沫遭煎熬我昔見之金城濠厥製視此差  
釐毫蘭州城外以機輪輓黃河水灌田尙不似此之便捷井陘水磨鳴鼓鑿灌田利  
不敵江皋江水日夜流滔滔隻輪飛作千畦膏農夫酣睡  
舟子鬻水淺無力行舵篙昨宵雨起萍翳號晚稻一熟鴻  
無罄江上機輪更不勞

七月二十日度梅嶺

漫徂亭集卷五

八

憶昔懸車西度隴天寒木落山荒茸十年清夢寄梅花鸚

鵝喚人雪毛氄揭從嶺北走嶺南親踏梅根訪梅種梅家

臺候老不死骨作青山花作冢嶺以梅銷得名九磴螺盤鬼斧開

萬峯虎踞神倉鞏南康記大庾嶺形似廩庾行商負戴連尻脰爭道攀

緣接頂踵炎洲氣候一嶺隔鑱鑰咽喉百蠻重挂角寺高

雲易封曲江功大人思奉寺有張曲江祠當年峻坂闢南荒此日

煙嵐爭北拱題石惜無舊跡留補梅喜見穹碑聳嶺少古梅今存

者多乾隆時總督吉慶補栽有碑刻寺壁請看夾道三百株瘦幹欹斜漸擁腫

僧云此山花特早十月梢頭暗香湧攜來嶺外萬戶春歸

向尊前一枝捧祇恐老梅厭送客冰肌未許貂裘擁蓮龕

彌勒笑拈花吾願不奢神其寵

梅嶺謁張文獻公祠三首

感遇篇篇筆有神文章風度冠諸臣莫言金鑑千秋事且  
與梅花作主人

翠螺九磴插雲煙手擘南荒一綫天丞相祠堂今尚在黃  
金不用鑄梅鉞

畫像曾經吳道子御題猶識宋淳熙永豐市上流傳本合  
爲先生勒此祠

泊田子磯

纜身打水一條雪旗腳搖船三尺風坐看歸雲翻樹黑猶  
餘斜日墮巖紅

徼徠亭集卷五

九

舟艤沙灘對石磯金蛇出沒掣雲飛分明幾點江船火散  
作一川星斗稀

卧聞舟發

蘆被方酣睡螺鳴攪夢回窺窗殘夜月撼枕急灘雷水調  
鷗鴉發山城鼓吹來韶州今日到津吏莫相催

舟行書所見

亂插魚標竹作欄無端激水忽成湍老漁辨此非無意要  
看輕舟過急灘

南來行盡萬崎嶇側視橫看總不殊豈意雙峯特奇絕青  
螺佛髻對浮圖

望韶石

雙闕峩峩鎮南國山川草木麗今茲用方信儒雙闕銘語韶州太守

曾題石蜀國先生爲賦詩我亦乘舟窮奧域天教撥霧出

眞姿好風吹下簫韶奏不用淒涼弔九疑郡國志韶石以舜登此奏韶樂

名得

### 韶州換船南下雜詠八首

繞城一水鏢千艘樓閣連山十丈高官吏不辭迎候苦臨

湘亭上看秋濤

湘江卽曲江上有臨湘亭

韶船軒敞勝南雄板潤桅高戶牖通江水漸深流漸駛送

人況有一帆風

水程西去接昆明憑仗舟人指點清可惜青山無數好雲

煙過眼不知名

### 復仇亭集卷五

十

蠻語朱離誰解得漁歌欸乃我猶憐順流不覺船行疾卻

羨人家上水船

日行百里少人家惟見江邊斥堠斜何處青山猶放犢滿

林紅日欲歸鴉

沙洲晚泊好攀登山似濃雲水似冰歸向舵樓眠不得自

開紗網翦秋燈

蜚子磯頭紫翠巖石屏萬丈若神劔舟人慣識風波性桿

索雷鳴正挂帆

武溪淫毒惱人行瀧吏詩歌不忍聽聞說漢唐碑碣好王

禽隸古羽皇銘

觀音崖

英德縣

石髓何年剩裂痕，巨靈高掌跡猶存。仰撐巖壁危將壓，下瞰江流急欲吞。萬竹縱橫梯洞口，時方修葺，洞口竹架遠望如網。一船蕩漾鎖雲根。天南景物多奇駭，試問蓮臺不二門。

峽山飛來寺用東坡詩韵

渡江陟羣山，車懸馬亦束。過嶺駕輕舸，看山飽眼福。順流借風利，浩蕩檣帆簇。坐送一江水，截破兩崖綠。奇觀忽呈露，前境皆庸熟。古寺倚峽山，虛堂啟帶玉。石堂僧如枯木，定坐有靈草蓄。我經匡廬背，路阻康王谷。豈知淙碧軒，

寺僧施藥

雪瀑下巖屋。一洗人間塵，翫此霧中縠。飛來階可升，直上汗如浴。何年福地開，未厭凡蹤辱。峽神亦好事，殿宇遭鞭督。至今老榕根，擎石怒猶酷。古碣厄蛟龍，洪濤不可掬。寺無

徂徠亭集卷五

十一

古碑僧云：明時蛟發，寺址盡沒於水。空聞水底犀，金鎖出魚腹。翠屏人面起，苔磴峯腰促。白足若猿猱，捷下車轉轂。阮俞動清吹，帝子遺芳躅。還坐直指堂，憑闌盪心目。汲泉煮香茗，說法甘於肉。林深虎跡馴，海近潮痕縮。僧臘無甲子，豈記亥身六。請看遊山句，寺有國朝諸賢留題詩刻二卷，其前代名作已入山志。別有傳鐙錄。二禺風雨多大石齧，吾足解舟辭釣磯。峽口江搖燭。

贈曠元上人次阮芸臺前輩韵

我行七千里，經此峽江曲。一葉真飛來，風馬無羈束。上人產南海，苦志嚼冰玉。來參達摩石，不出禺陽麓。洗耳聽淙碧，定心觀凝綠。行年七十餘，拄杖不用竹。歸猿古洞口，夜半昇初旭。山空本無猿，妙諦尋自足。大海生潮音，來疾去

亦速學道我未暇師言信可復

嘏師言山中無猿

芸臺制府前輩修拓號舍新成賦詩見示次韵

持節聲傳五嶺間  
憐才心苦爲羶寒  
試看廡下羣英集  
何止階前尺地寬  
大海魚龍爭鼓舞  
高秋風雨總平安  
杜陵突兀猶虛願  
廣廈如公手闢難

次韵芸臺先生甲子監臨浙闈和坡公試院煎茶作  
曲江江頭夜漲生  
南海海上秋潮鳴  
我昨乘舟過清遠  
一葉走峽鷺毛輕  
禹陽老僧七十二  
煮茗留賓無俗意  
新柴活火隨手煎  
飛瀑自汲山中泉  
我時得隴更望蜀  
欲乞龍團漱鳴玉  
竭來試院腸苦飢  
海水到吻攢雙眉  
主人知我病坐渴  
剖符調水肩相隨  
把公此卷笑開口  
想見西湖潑乳時

復飢亭集卷五

三

九月十八日同年梁青厓中翰

藹如

馮默齋

奉初

陳

華林

鳳池

兩明府招飲越秀山

嶺草蠻煙送客秋  
銜杯同醉越山樓  
鏡中咫尺能千里  
海外傳聞更十洲  
歷歷青林圍遠塔  
蕭蕭黃浦識歸舟  
與君開口成三笑  
何日重來續此遊

廣州火

炎方九月天  
蘊隆陽氣發  
洩無全功  
邇來不雨且一月  
火輪爍地煙飛空  
羊城大賈厭歌舞  
豈識流汗茅檐窮  
鳳銜龍燭照街巷  
以火禳火何夢夢  
炎官熱屬從祝融  
下戲南海驅神聰  
是時旣望越  
一夕雲垂水立號  
北風有聲夜半

起城闕其氣上燭爲長虹飛電一掣萬家赤驚颯忽轉千  
街紅水車噴激勢益烈如灑片雪洪鑪中大宅高臺盡焦  
土珠簾繡幙隨飄蓬貪夫持刃衛其貨強者劫貨刃其躬  
攢雜嗽嘍衆渲沸凡三晝夜光熊熊我時扁舟辭南國阻  
風海幢參琳宮夜深對岸見餘火飛焰照水流霞烘閉窗  
兀坐自歎咤天道倚伏誠張弓此邦市舶萃海澳自昔富  
商逾愷崇連雲甲第十三族日以侈麗爭英雄那知懷寶  
適自賊得非瞰室遭神恫珊瑚寶玉安足惜民命忍化爲  
沙蟲造物於人何厚薄盛衰盈昃常相攻誰歟徒薪計不  
早坐視焦爛呼蒼穹我欲斲雕返太樸淫巧毋使干天公  
蘭熏膏煎豈人致燬幕焚巢由內訌當今

綬仇亭集卷五

三

聖皇躬節儉異物罷斥蠻夷戎四方水旱入

黼座一夫饑溺關

宸衷請卽馳章告

九闕下令流水蘇疲瘵

阻風海幢寺

主人約我遊海幢三日火作中心懣辭之徑去登蘭艤倉  
卒莫聽鐘魚縱北風打頭奔怒瀧柔纜如鐵聲淙淙急維  
寺前鑱高椿二客相送渡珠江

龍生元傲梁生逢泰  
自順德泛舟相送

褰裳

小涉橫石砭入門古榕千翻幢寺僧導我足音遶沈沈佛

殿高且龐迴廊幽室盆蘭芷有場有圃兼耕耜廚煙日午

閒雞虬一飯坐我玻璃窗手出妙繪牙籤琤是唐貫休筆

力扛石龕老僧立嵒磴以食哺雀啄缸旁有一童睨而  
睽闐然石罅露肩腔摩挲審視愁目眈僧言劫火洪濤撞  
此畫銷滅隨戈鏃訶林存一葉氏雙併此而四留吾邦茲  
游使我心則降不用牙蠹驚愚蠢貴官見此言徒哢孰辨  
眞贗分黓黓紅日漸西鼓碎聒心逐江水流淙淙呼客登  
舟駕竹杠對岸餘燒明秋缸驚心側聽城樓柳

花田羅氏山林

我昨繫舟過花田對花終日心茫然今過花田舟再繫入  
門一笑風吹袂秋風瑟瑟天氣清千花萬花皆有情羅家  
主人延我坐昔不相問今相賀乃知官事爲人羈一朝擺  
脫鷗忘機羅浮仙吏破幽夢

博羅令王潛菴是科  
分校得解首周燧

凌晨鼓

履仇亭集卷五

古

棹來追送更喜門生載酒來橫樓大船朱戶開停船欲醉  
一樽酒翻恐醉後難分手殷勤辭客謝主人明年寄我梅  
花春

立冬日熱甚

九月二十五日

初冬天氣尙單衣朱板船開白羽揮甜睡卻愁蠅蚋鬧飽  
餐翻厭蟹魚肥思量京國霜初降早晚寒鑪火共圍自笑  
無心隨越鳥燕雲時戀一枝歸

雨中舟宿峽山寺下晨謁曠公

山水亦何奇奇觀乃在峽一水劃地開兩山通天插鬱環  
三十里勢若劍入匣昨來乘秋漲晴日風帆押直陟北禺  
巔腰腳頑不怯舟人畏風雨鳴鏡苦迫齋歸舟及峽口風

雨儼相狎破浪決獨往尋山盟早歛白雨不到地橫風溼  
衣恰仰首衆峯低黑雲天四壓夜深抵寺門石路滑且狹  
巖花香閉窗嶺樹響搖箒凌晨謁吾師迎笑何款洽乃知  
峽山奇領略真無乏陰晴互變幻神靈巧噴欲我有兩篇  
詩持贈三乘法他日請相念萬里寒江硤

### 病舌

舌者心之苗我聞醫師云百病根於心視其舌色分以彼  
坐華池脣齒相愛恩大則翻波瀾小亦佐饕餮胡爲一朝  
病矯振不可捫嶺南毒炎瘡剝木如灸燔鬱鬱我之心其  
氣爲上焚對客忽嘗吃當筵重吐吞僮僕念我苦煮藥和  
且溫我謝不敢嘗笑汝昧厥根惟天南有箕載戢日簸掀  
徒然好飄風噫氣驚川原惟口實起羞舌乃相與援長者  
厲之階巧者禍之源鸚鵡翦而語聰慧遭籠樊木鐸以木  
爲所以禁浮喧豐干徒饒說拈花要不煩穿窬利用飴堅  
白刺口論張儀斗筭人舌在卽歡欣請看猶龍老獨以柔  
自存我今何所擇默默惟無言

### 復仇亭集卷五

五

### 十月八日晨起始冷

披衣枕簟冷窗板故遲開水落沙爭出風高雨驟來湯餅  
朝試酒茶竈夜留灰庾嶺知相近寒花動早梅

### 度嶺見梅花

十月十日

嶺上歸來剛十月南枝破萼惜無多滿山紅白春常在如  
此孤寒可柰何

越雪從來不到地，偶然飛影上槎枒。巡檐欲折還惆悵，恐是羅浮夢裏花。

南康舟中

過嶺纔三日，行勝已半年。艣聲寒雁急，灘影碧螺圓。澤國饒魚飯，山人熟蔗田。推篷見來路，松竹翠微邊。

來時例由山驛

泊舟小蓼灘

十八日

撥開蒙密路，歧斜臨水荒。邨見數家山，作屏風。松作障門前，無限白茶花。

連日江風惱，客行灘邊亂。石怒縱橫燒，柴煮酒聊閒。醉卧聽鄰船試艣聲。

下灘歌

復仇亭集卷五

六

客行且莫愁，聽我下灘歌。灘水一何疾，灘石一何多。遠望不見水，但見石。嵯峨嵯峨，三百里自贛及萬安。浩浩章貢水，合流經其間。舟行亂石罅，十里磨九灘。大者十有八，險絕摧心肝。天柱石最奇，鼎立當激湍。羅門望拗門，白浪排銀山。蘆岡努機灘，其水如發機。銅盤千萬堆，森列儼旌旂。石上橫破舟，木梯漂中流。昆侖鬥珠雨，武湖嬉魚猴。

灘石名

下有大小蓼，上有大小湖。龍堧與鳧頸，過者長欷歔。不獨惶恐灘，一葉隨浮沉。孤臣泣道路，烈士悲古今。其餘諸灘險，步步皆崎嶇。峯數之不能終，言之愁客心。客心且莫愁，客行今及時。此灘冬夏間，漲涸行皆宜。水漲大石沒，灘過舟不知。水涸石闖露，篙舵力易施。只愁水平漫，暗石如伏龜。

艱哉一綫路盤曲何其危舟子不敢過低頭拜灘師灘師  
向灘老未老白鬚眉請聽灘師言灘行良獨難上灘蝸緣  
壁下灘箭離弦操縱偶失幾十碎無一完客行及初冬北  
風天正寒但見灘頭石峻嶒生波瀾豈知旋渦處下有劍  
戟攢我欲竟此歌此歌不可聽裂地怒雷鳴四坐歎且驚  
不如飲邨醪一醉身世輕我歌勸客行莫聽江灘聲

清江舟中書事

漫恃輕齋去故鄉荏苒苒蹤跡亦須防白衣搖艫風波惡紅  
袖浮家子女忙卻恨同舟難共濟空思約法有二章奪金  
剽吏尋常事誰向蘆中覓劍鋌

兗州道中二首

漫飢亭集卷五

七

水落田猶石冰消路已泥纔能辨牛馬未暇問鋤犁墟里  
人煙聚官困米價低復聞寬大

詔哀痛慰蒼黎

春澤先冬雪南薰變朔風宣仁知政善弭盜在年豐自是  
民生苦非關吏治窮改弦無太急繁響信難工

漫徂亭集卷六

壽陽祁雋藻叔穎

古今體詩五十一首 癸未

癸未新正二日

重華宮茶宴退直恭紀二首

宮漏聲稀曉鑰開

龍章飛舞下雲來

臨軒已拜如天福

授簡還徵作賦才 貂珥兩行傳絡繹 霓裳一曲任徘徊

至尊含笑

溫綸出珠玉 揮豪莫漫催

漫徂亭集卷六

憶昔城南尺五天 晴窗手寫柏梁篇

宮中玉茗筵 珍翫捧歸慈母笑 新詩鈔出外廷傳

此尤榮幸 黃髮班行最少年

春雪早朝和雲芬前輩

點綴朝衫響佩珂 回風拂曉舞婆娑 初驚萬樹搖銀海 已

報三山獻玉禾 鵲鵲餘寒隨

輦下鸞鸞佳興入 詩多簪豪退直渾無事 且和陽春白雪

歌

歌

初居澄懷園次壹齋師韵三首

池冰未泮雪留痕 連日春寒各閉門 獨有先生開口笑 舊

栽修竹徑猶存

齊相何曾厭敝廬  
鄴侯只喜得新書  
爾來公退清閒甚  
作字吟詩興未除

近光樓畔月初圓  
直舍還依尺五天  
十載游蹤堪記取  
荷花亭館柳橋邊

賀雲芬新居

上清仙夢紫宮環  
坐對花瓢日影閒  
槐巷街頭車並軌  
米家園裏水同灣  
卜鄰我欲誇元白  
獻賦君方擬馬班

頃與君應

夕觀制誤元鑑賦  
更喜幽禽能解語  
新居已近畫眉山

雪中侍班歸疊前韵荅雲芬

螭頭龍尾路回環  
影靜千官出入閒

復仇亭集卷六

二

紫殿初開催玉漏  
紅牆幾轉隔銀灣  
退朝尙控游春騎  
覓句先呼視草班  
粉白花牋青鏤管  
憑君伴色寫西山

再疊前韵和雲芬

我室蕭然一堵環  
君家花木繞庭閒  
階前怪石棱棱立  
屋後清流曲曲灣  
近歲著書同癖左

時方奉命編輯春秋左傳讀本

雄心

投筆尙懷班長卿  
自有凌雲氣不數淮南大小山

雲芬索余奉使粵東詩草三疊前韵荅之

珊瑚樹大海波環  
釣罷歸來意轉閒  
眼底貞陽雙峽水  
袖中黃木九秋灣  
欲將汗漫遨遊句  
寫贈承明侍從班  
只媿

杜陵詩筆健一時  
傾倒劍門山

君前歲典試蜀中

喜田季高來訪

春風三日狂似虎春雪一園化爲土夢回吹我屋角松作  
弄寒聲滿庭戶今朝風息天更晴初日當檐高丈五睡足  
方因休沐閒興來卻喜朋簪聚清譚偶爾出餘技腕下蛟  
蚪走且舞季高爲余象刻小印知君意致良不惡與我交游一何古

酒酣送君騎馬去疏柳清池照亭午記取百花生日時君  
但能來休問主此正月下旬作也未幾季高入直南齋以二月十五日居澄懷園末句竟爲之兆

壹齋師見和環字韵詩班作斑復疊奉酬二首

几淨窗虛竹木環安排筆硯劇清閒  
斲移積水潭邊宅小住丹棱泚下灣  
春燕似迎曾宿客綠苔猶記舊時斑  
眼中二十年來事願就先生聽說山

縵紉亭集卷六

三

留魚鳥媚春灣新茅更拓三間屋  
老筆能生五色斑正喜從游親杖履  
漫勞歸思向湖山

送程春海前輩視學黔中

君才玉佩更瓊琚十載聲華滿石渠  
墳典遠探周內史文章高擬漢相如  
錦城桃李新垂蔭羅甸山川待著書  
獨有同時香案吏臨筵分手重躊躇

都門祖道集羣賢悵望輶車路七千人  
說文翁能化俗我知武庫善籌邊  
屏風詩句

君恩舊紗幔經箱母教先天上彩雲  
看不遠好將銀管寄花牋

清明日壹齋師以張文敏公照雍正壬子怡園看花

詩卷命題卽席奉和

食筍齋前花怒生澄懷園裏過清明一年杯酒醉今日二  
月池臺春有情誰人走馬寄詩卷此卷為華亭張詩船舍人家藏矮紙斜

行墨痕徧頓令先生笑口開卻思佳節前賢擅壬子看花  
今幾時韶光九十風煙馳三篇珠玉尚書筆九曲文星侍

講詩文敏與顧侍講成天酬答凡三篇九曲文星謝世塵乃侍講卷尾題句時文敏已故侍講懷舊故有此語  
怡園宛平王相國熙別業也當時壇坫尊前輩張顧聲名滿

禁內而今蔓草没怡園何論東坡與孟載文敏詩云上言壬子六百年吉

祥寺花紅簌簌下言壬子三百年孟載西江曾有作詩香紙味逐春風此卷宜歸凡研中請看唐堂數行跋其年其姓將毋同黃唐堂之雋跋時年七十四今

年先生亦七十四況是芳園好時節石泉榆火都新潔先生醉舞  
四 復仇亭集卷六

任婆娑用香山七十四歲詩句弟子從游更羅列興來健筆敵韓潮

吟罷春林花亂飄金谷詩篇懷往事平泉草木說前朝君  
家畫法宜垂久風流直接百年後莫誇張氏上河圖且乞

伯鸞寫生手黃筌子居案字伯鸞

題煦齋夫子惜驄馬圖

九門鑣鑰一夜開金吾將軍騎馬來馬前緹騎擁大戟闔  
城溢郭歡如雷明日都人爭動色報道將軍已擒賊將軍

神勇人不知但見驟耳隨風馳風馳電埽無留盼蹴踏紅

塵來白澗來時

行殿午陰斜卻到都門未哺飯將軍報

主不愛身馬亦宛轉從將軍草中狐兔復何有天上騏驎

自不羣當時畫圖樛駮骨鐵腕花鬢氣鬱勃卽今玉勒擁  
沙隄猶想連錢錦障泥將軍功大心更厚念舊惜勞及奔  
走自是風塵物色難定知詩句流傳久我欲范銅寫此馬  
置之黃金古臺下驂騮騾裏世間多不遇孫陽當奈何癸酉

秋林清之變公以步軍統領隨扈白淵行宮聞信卽乘此馬馳歸京師不三時行百四十里

許滇生遺徽墨柿霜賦謝

燒松作墨來黷縣搗柿成霜出豫州點黍團酥皆絕品良  
朋嘉貺媿難酬好栽紅葉稜稜影爲寫黃山寸寸秋況有  
園林供畫本憑君浣筆頽清遊

春雨和滇生

春雲變幻走龍梭春雨廉纖織水波計日看花知有信隨  
風入夜聽還多趨朝不礙霑衣溼退食相期墊角過聞道

漫仇亭集卷六

五

青旗臨別館東菑早晚起農歌

食筍齋海棠盛開次左田師韻

都下春寒花事遲初開已落清明後江南春暖風物妍草  
長鶯飛時已久一日看花千百回煙霏雨溼雲霞開卻笑  
川紅減顏色折枝草草供瓶罍爾來鄉夢苦未足竹石槎  
枒尙撐腹舊栽新種盡成叢獨有海棠高過屋師云此花乃朱文正  
公益景移植斯齋之西二十年來幾度看花時往往風沙間每歲扈從多在

月間二三今日主人對花飲綠陰高護春風寒金谷飛觴恣宴  
佚錦雞綵鳳求能得豈知冷眼看花人根觸牆東但遙憶

三月二十九日

恩賜軍機大臣 南書房翰林牡丹人各二枝恭紀  
第一天香絳樹仙捧來猶帶

御鑪煙芙蓉闕下承

恩近芍藥闌中鬥色妍入夜定飛雙玉蝶殿春應占百花  
賤祇宜珍重

丹毫寫未許尋常綵筆傳

題魏春松丈

成憲

馬腔菡花圖

焚罷南臺草歸看北郭花湖山閒作主詩酒老爲家文豹  
常思隱神羊不受邪祇愁寄園樹藤蔓漸藏蛇

題歙縣相國夫子華洲餞別圖

登瀛自媿識韓遲趨步花甄日影移一代楷模多士式

履仇亭集卷六

六

三朝勲業百僚師從容退食陪清譙棖觸披圖檢舊詩十  
六年來江渚上飛雲捲雨似當時

清華水木傍湖東迤邐橋亭祖道中小泊頻年常作客

揚誠

齊句十年四泊百花洲

離懷何地不從公龍光寶鐔連星紫犀角深

杯得酒紅

明製有百花洲圖犀角杯

今日萬間開廣廈歡顏臚祝辦香

同

聞溟生將種竹

丁卯君家集橋南近卜居只須攜蠟屐未用命巾車門障  
垂垂柳池喧策策魚會看北窗下新筍出林於

以嶺南花種歸植園畦

我從嶺南歸日憶花田花煙波七千里夢落天之涯園居

地幽僻頗似山人家榆柳蔓藤蘿杉楓拂桐芭獨惜階下  
石點綴無奇葩奚奴劇好事囊種來星槎開絨手親植一  
雨紛吐芽草木狀各殊見者驚且譁蒙駝馬腫背斷斷爭  
齒牙豈知東海棗竟類青門瓜珍重比遠客護惜如嬌娃  
時恐北土寒灌溉勞疏爬淮橘易爲枳山梨仍變楮蒲萄  
逐汗血菟醬來邛巴雖云登雕盤鄉思紛難遮物性固不  
移對花三歎嗟

五月二日奉

命視學湖南紀

恩述懷兼呈壹齋夫子

去年使南海今年使南岳重疊承

徼徂亭集卷六

七

主恩竄陋媿臣學恭聞

聖人訓照若雲漢倬湘沅富文藻騷雅競追琢杞梓榷枿  
材惟視匠所斲臣愚年且少何以酬拔擢歸來謁高堂喜  
覩慈顏渥誨語更黽勉離思轉絲邈長沙卑溼地瀕洞連  
壑確吾老厭跋涉汝壯堪騰遠再拜祝壽護遙征賦芳葯  
偕行四五人論文資商摧伯氏念于役爲我整行幄炎天  
五月中火雲鬱斑駁灑然風雨來塵襟爲洗濯嶽嶽當塗  
公左田先生時以樞臣仍直南齋斯道稱先覺步趨久追隨講畫勞頻  
數勉以心秤平激彼衆流濁感茲意彌厚但苦道斯卓紉  
香在蘭芷獻瑞期鸞鷲回思

禁苑鐘遠隔江城角浩蕩鯉魚風寄書待秋朔

早發涿鹿

初日射地流丹砂車輪碾塵飛紅霞禾麻葉稀坡隴遮笠影出沒如鷗鴉老農力田亦何有一畝新收麥三斗天乾土燥把鋤犁還插柳枝走龍谿

時正祈雨

道旁官柳無好枝蟲食其葉人食皮斧斤不足辦一炊那有清陰爲客垂去年犯雨客東去今日客來汗如雨書生何事走踐踈眼底房山能笑人

邯鄲盧生祠

秦築長城一萬里讖言乃自盧生起縱譚圖錄延方士戲弄祖龍如孺子柰何姓名在人間墮入老翁一枕裏四十年來春夢長那能辛苦炊黃粱平原公子骨已朽邯鄲少年復何有神仙狡獪人不知世人但笑盧生癡我笑老翁癡更甚幾時喚起遊仙枕

磁州

滏陽景物似江鄉夾道垂楊影拂塘翠蓋扶花荷葉大綠鍼穿水稻苗長新犁雨過牛腰健曲岸風回鷺頂涼笑我衣衫足塵土便思一濯向滄浪

淇水

我來淇水上白石自粼粼惟見浣衣女曾無垂釣人泉溜空澗雨竹闌古園春欲擢松舟去行歌訪隱淪

雨發汲縣

經旬辭京邑日夕望膏澤聞雷襄國城

順德府

聽雨朝歌驛

回思中山道毒熱愁行役飛沙爍千里大河流一脈野有  
半朽禾戶鮮新春麥長官數祈禱明神亦厭射卽今作霖  
雨農事猶可獲夜來溜鳴簷曉起涼生席出門雲四垂覲  
土澤下尺衣裳豈不濡泥淖非所惜中州稱富庶河北稍  
貧瘠但祝天降康庶幾民安宅側身望太行吾邦正炎赫

渡黃河

滎澤荒陂近河渚棗花野店多風雨黑雲捲天雷殷空銀  
灣瀉地龍窺戶望洋欲涉客心驚破浪恐逢河伯怒遙山  
爲我開霽色斜日照人弄清煦漲痕瀾瀾沙岸平帆影獵  
獵風檣聚須臾解纜如發機宛轉乘流若翔羽亦知神靈  
意不惡卻念宣防事良苦自從積石厯秦晉賴有崇山爲  
夾輔洪濤東注過孟津平原直下臨齊魯此邦首尾受衝  
突每歲夏秋勞築堵車牛輓盡于畝竹金帛堆成一抔土  
作歌瓠子念災黎獻頌河清酬

聖王安得金堤鞏磐石坐看沙田茂禾黍吁嗟此願不易  
償明德神功歎微禹

曉發滎澤北

三日洗頭雨幾人沒髀泥曉聞噪乾鵲坐待見晴霓土潤  
河流近村深樹色齊卽看秋種下煙霧出畊犁

經棗林下

沙岡夾官道上有棗樹林雨餘氣蒸鬱亂葉哀蟬吟客行  
過其下裂耳誰能禁此木棘刺多卑枝無好音何不奮纖

翼託身嘉樹陰吸露抱清響蟬螂休見侵

新鄭縣城南渡河

盈盈一水橫環繞宛陵城雨過漲初落舟來車並行青煙  
煤市曉赤日棗園晴羨爾河千叟塵勞媿遠征

請雨辭

并序

汝潁之間旱且久農人乞雨鳴鑿擊鼓相聞於路守  
土者憂之予故爲請雨辭二篇告民之哀焉

皇天至仁兮憫我民窮滋我嘉穀兮惟龍之功早旣大甚  
兮龍不我從我欲呼天兮天之門兮九重逢龍之怒兮龍  
謂我以不忠坎其擊鼓兮聲聞于空我將何訴兮哀我神  
龍

饒飢亭集卷六

十

皇天不雨兮我民之尤傷我嘉穀兮亦龍之羞早旣大甚  
兮龍不我憂我欲呼龍兮龍之淵深以幽攀龍之驂兮龍  
告我以遠遊坎其擊鼓兮願龍之留回我天眷兮哀我民  
求

小憩古城人家

驕陽麗亭午疏林息遠籟客行流汗逐渴望時霖沛停驂  
憩野廬入室緩衣帶仰看數椽朽幸有四壁賴竈堆隔宿  
薪瓶插經年艾牆角古盆盎空腹彭亨大柱頭泥金帖歲  
久混埃廬粉殘猶剩字紙破尙餘繪白間墨狼藉兒童弄  
狹猶牀低穿可坐睡美夢亦泰醒來步簷隅嘉卉紛蔚會  
陰陰桂與橘蕭灑出塵外因思江漢近漸喜花木藹新麥

聞已春美酒行堪兌便欲問南烹飽食銀絲膾

確山縣西堂古柏歌贈蔣琴史同年

農均

蔣侯庭前有古柏突兀迥若孤生桐其根峭直中梁柱其末曲蟠爲虬龍清陰磊落覆如蓋不許枝葉交相蒙仰看恰似葵向日靜對未須松翻風揜依花草自繁植乃知獨立能包容蔣侯靜者吾同志置酒西堂消客思別來爲憶筠菴遊坐久忽聞山雨至主人爲我指嘉蔭此木昔年曾有二不知斤斧誰見摧幸喜風霜獨無累天桃穠李時爭媚恐爾孤高亦遭棄且爲主人致鸞鳳會看令子如騏驎

琴史次子  
穉竹出見

漢陽道中

復仇亭集卷六

十一

江漢通南國人聲雜楚歌度山車轍沒爭道擔夫多稻熟  
新茁出塘深宿雨過翻思河北旱消息近如何

將至武昌寄李篆卿同年

浩

南來看盡漢陽山客久方嗟行路艱幸有朋簪慰風雨媿  
無詞賦動江關腰圍革帶頻移孔手把金魚一破顏黃鶴  
樓高橫玉笛知君悵望楚雲間

望黃鶴樓寄呈壹齋夫子

黃鶴何年去先生此舊遊畫圖消壯歲

壹齋集有武昌守歲圖詩

江漢

有扁舟世仰夔龍健材經杞梓收

公會典  
試楚北祇今庾樓月長

照

禁園秋

黃鶴樓和幕客作

我從漢口望江樓眼底城頭兩超軼登舟牽纜沂而上轉  
盼又與樓相失但怪黃鶴南北飛那知畫鷁中流疾有如  
快馬馳峻坂縱轡一發防其逸舟師振舵艤江城漁婦收  
颿開水室回望晴川對岸來乃知漢水環山出是時六月  
天雨晴樓上遊人正闐溢而我篋與醉徑去卻走官衙不  
遵佚意欲攜尊向樓醉翻愁醪酌遭時嫉諸君袞袞謫仙  
才客裏登臨看斜日歸來唾手寫煙波令我搔頭思盥櫛  
主人宴客鳳皇山餘事煩君鸚鵡筆

江夏道中晚行

日腳崢嶸下山容豁達開亂田尋徑入喬木送村來雨助

餽仇亭集卷六

六

連陂水泉疑轉壑雷昨聞九江漲汜濫及黃梅

宿蒲圻縣港口萬年寺次吳文恪公士玉韻二首示

主人袖山上人

山色向人靜溪聲爭路喧林穿斜日出雨挾溼雲翻欲證  
菩提果還叨茶把恩額書一百載光采照空門堂額歌心處三字董

香光書

劫火燒難滅禪鐘寂更喧宰官身再現宗伯字重翻好事

留題詠相憐若愛恩寺燬於火何曙亭光晟錄令再任蒲圻更拓修之此心何處

歇無礙卽眞門

巴陵道上

路入巴陵郡平明四放船水光疑遠樹雨氣逼晴天馬腹

鞭無及魚苗網可憐村農猶指說此是老夫田

雨潦田多淤沒

入湖南界

文章艷說楚騷風沅芷湘蘭入眼中迎候那須勞長吏聚  
觀且復鬧兒童江湖滿地漁謳起秔稻連雲鷺嶼通何日  
漲消田舍復岳陽樓上看年豐

涉汨羅江

汨羅江水正愁人日暮漁歌且問津猶有荒涼茅屋在幾  
家香草薦靈均

復仇亭集卷六

三



求田置屋

求田置屋... 人賜南界

饒飢亭集卷七

壽陽祁寯藻叔穎

古今體詩五十三首

癸未甲申

七月十六日自長沙啟行按試桂陽

連岡翠織成熨眼亂縱橫卷入楚天碧照來湘水清山川  
隨客遠風日換秋晴記取潭州道南遊第一程

舟過耒陽有感

百里才難得三年卧不妨但能平雀鼠未遽困鸞皇水落  
滄江靜官閒白日長卻悲浣花叟飄泊客衡湘  
綴學慙無術移風謬有權亦知收藥籠未免避瓜田眾口  
金能鑠吾心稗敢偏短檠時自照秋夢落寒氈

饒飢亭集卷七

慈輿就養來南遣人往迎漢上喜賦

聞道安輿出太行此心如雁轉衡陽喜來不覺詩書卷思  
極翻愁道路長便遣平頭問消息若爲繞郟說家鄉嶺梅  
早晚新花發擬取南枝上壽觴

雨中馬射

幾日迎冬雨新棉替袷衣草開盤馬出天遠塞鴻稀鼓角  
催猶壯旌旗溼更飛路人欷笠看笑指健兒歸

十月九日衡陽試說與客補作重九醉後放歌

重陽無花誰爲歡對花不飲空長歎良辰雖過亦可補花  
開無計留芳顏安能眼昏腕脫校文字令我坐客杯中乾  
郴江江水淥如酒一醉又看衡陽山張侯遺我十盆菊或

黃或白花如槩常時爛漫布庭砌強使屈宋排衙官惜哉  
此花何遲莫插鬢已過菜萸天有如高人偃蹇與時忤幽  
芳獨媚不肯乞人憐鎖闥一月厭朱墨繭絲束縛僵蠶眠  
連朝風雨郡齋冷誰道落英不可餐江南邱遲富文藻郝  
隆腹笥尤便便其餘諸子競豪爽今我不樂庸非頑菊花  
開時作重九此事有例坡公傳何況雙螯落吾手主人爲  
客供芳筵酒中似見南山卧醉倒那知東籬偏猛憶前年  
宴京國詩囊畫軸羅雲煙并西老人顧而笑手把黃花如  
少年而今秋夢落湘水思之不見矧佩蘭衡山山高雁北  
去便欲繫爾傳華箋人生有酒及時須行樂君不見明朝  
伐鼓長沙船

微徂亭集卷七

二

十一月二十日長沙試訖置酒得樹軒分韵得舍字

卽送郝夢山孝廉

臺魁

歸里

空林黃葉蕭蕭下老屋青燈照寒夜十千沽酒且歡娛一  
月論文暫休暇坐中佳士氣如虹雄辨高談意傾瀉人生  
聚散等浮雲世路艱辛當餐蔗郭生南去君西歸

時鵬階亦將還

惠州令我持杯誰慰藉瀟湘洞庭多北風安得布帆吹卻卸

君耽奇服事遠遊駿馬金臺幾騰跨獻賦曾誇司馬才冲  
霄誰識吳鉤價揭從楚澤拾蘭茝又向龍門問耕稼失意  
頻遭燕雀嘲得時會見鷓鴣化可憐羅者望青冥猶執桑  
弓思弋射北雁南魚自往來嶽雲湖雨經冬夏長沙卑溼  
居大難雲夢遨遊興初罷廢井誰尋太傅祠茆茆莫問騷

人舍悶來弔古心轉紆醉後狂歌醒堪詫歌成四坐配朱  
顏添酒回燈月窺榭勸君泥飲莫推辭門外驪駒正催駕  
岳州述所見聞示諸生

憶昨過巴陵六月天陰雨肩輿覆稻田衣裳汚泥土日暮  
不得息遷延涉水許舟子向我笑得魚長尺五往時插秧  
地今日施網罟魚肥猶可賣稻熟亦奚補縣倉不收粟多  
錢卽善賈去年鄰邑民輸納闕官府多士亦崑然投筆羣  
相侮我聞舟子言歎息首重俯

朝廷念蒸黎水旱聞疾苦小者蠲租稅大者勞賑撫常恐  
飢溺心不能周比戶況今大臣法愛民如召杜忍使賦哀  
鴻倉皇怨苛虎我來宣

復仇亭集卷七

三

仁風意在安百堵且欲勸青衿絃誦追鄒魯力薄懼不振  
甌勉期共努毋令楚騷歌不及辟雍鼓

風雨宿青岡驛再送夢山

北風遞冷入青岡衣袂蕭蕭驛路長一雨有情留客住扁  
舟何事送人忙且謀曲彙連牀地況得逍遙古木堂今夜  
與君還共醉卧聞征雁去湖湘

腳馬歌效東坡秧馬歌體

巴陵風雨冬淒淒路長徑滑如春泥行人出沒山高底十  
步九蹶愁攀躋我有鐵齒一寸齊草履踐之麻繩締以履  
爲馬齒爲蹄穩如牛尾踏耙犁肩扛背負手提攜兩腳不  
韞色慘悽今年水大田無畦婦寒欲號兒飢啼破窗冷突

空嬰輒側聞郵亭怒馬嘶官家驅我爲犬雞得錢一飽甘  
如餽草泥沒蹀山徑蹊呼爾腳馬東復西我生與爾長挈  
提錦鞵玉勒腰金犀鼻息呼吸千虹霓削馬旣蹶後馬擠  
天路險絕不可梯不如塗足爲窮黎

十二月二十日岳州試院東堂分韻得岳字

岳陽試院城南隅基址湫溢如村學講堂上下僅尋丈場  
屋東西聊倚擁人多屋少坐不足散漫中唐及牆角昨朝  
風雪愆試期門外白袍立如鶴可憐寒士衣見肘進退無  
計蝸隨殼雪消臘盡官事閒鶻客東堂互商榷因看石壁  
舊碑題轉羨泮宮森棟桷時郡學新修邦人重義輕錢刀此地  
規模仍簡樸南園使君教可思平江老儒力何卓爾來卉

襍詠亭集卷七

四

載振文壇安得重新施匠斲

岳郡試院乾隆時郡自平江吳氏學使錢公澧爲文記其

事方今

文教遠岼嶮片善寸長悉甄擢會看韋布慕薦紳大抵鉛  
槩爭懷握萬間廣廈吾所願放眼湖湘觀卓犖便思袖裏  
納洞庭定許杯中吸天岳余旣爲是詩郡中紳士遂重拓試院科試再至爲文勒石並題  
堂聯云廣廈千萬間喜風雨庇茲寒  
士重湖八百里願文章具此大觀

送客長沙城北因遊鐵佛寺一笠亭次秦小峴瀟先

生舊題韻

閒訪陀羅古佛幢笑看箬笠俯漁疋一亭白處棲殘雪萬  
竹青中走大江鐵畫欲樵將斷堦銅鉦初挂未開窗朝來  
送客緣何事慙媿疏鐘自在撞

正月十八日長沙登舟阻風

楚南氣候不可說，春雨天寒夏乾熱。今年值閏春事遲，已聽殷雷奮山穴。常人少見固多怪，蜀日居然如粵雪。長沙卑溼吾不嫌，臘酒春盞好時節。堂上老人笑，口開坐中佳。士豪情埒獨，憐綰羽舞帆檣。三日顛風響鈴鐵，今朝籩輿出城西。白浪堆山眼明滅，大官車騎紛若雲。送客郵亭去，如瞥解纜欲行且復休。出門卽住非難別，江間風浪何時無。自笑儒生謀事拙，舟人勸我禱靈宮。洞庭宮在岸東倉卒干求，神豈悅檢書。燒燭坐掩篷，且聽湘波繞船鬣。

舟中開印

龍節來南國，烏檣轉北風。三年香案吏，萬里洞庭宮。舟楫行堪濟，江湖鑒此衷。沙邊春月白，心跡印相同。

履齋亭集卷七

五

送賴任之孝廉

大授

歸覲南海

去年雙雁早秋來，今日孤飛南海涯。青草扁舟吾落手，白雲春日爾關懷。江邊蘭茝香曾拾，袖底星辰氣不埋。任之善占星之術此去若過清遠峽，舊題石壁爲重揩。

寄郭鵬階孝廉

敬堂

惠州次前韵

才送君歸又望來，長沙城外卽天涯。荆花榻實偏多感，海雨湖風且放懷。別取苔碑新墨榻，埽除劍匣暗塵埋。別來詩句如相寄，冷眼猶能爲爾揩。

六弟書來問楚南近狀，以詩代簡答之

金臺駿馬長安路，鴻雁紛紛日來去。寒衾聽雨對眠時，烏

帽凌風相送處，竭來悵望楚天長。卻羨燕山是故鄉，遠移  
珠樹來南國。欣捧萱華上北堂，北堂鶴髮容顏好，玉笋雕  
盤迎歲早。時因作字念官奴，偶值分甘思楚老。書來喜氣  
滿門楣，花發丁添慰。母慈穉子之無初，解識大兒竹馬已  
能騎。陸家兄弟東西屋，謝氏池塘草春綠。不嫌藩溷賦三  
都，還憶石門詩幾幅。聞君讀書秋樹根，差勝遨遊汾水曲。  
同舍茂先多異聞，張龍光秀才吾家孔賓有局躅。及泉兄問字那  
煩載酒行，吟詩便許挑燈續。銓詩問字劇清閒，北寺南谿  
共往還。談笑氣吞雲夢澤，臥遊身落洞庭山。洞庭雲夢風  
濤汨，聽我從頭爲君述。六月乘輅犯暑來，初秋杖策穿城  
出。江流捲地怒雷奔，山勢攫人飛鳥疾。下馬朝過白虎陵，  
衝煙夜走黃茅驛。雲中望岳喜天晴，雪後登樓見湖溢。半  
年足迹幾千里，一枕心閒更何日。而今春雨逐春風，仍泛  
扁舟九澧中。奉母安仁初願遂，離家王粲遠遊同。江山文  
藻離騷國，濂水月巖真道德。抱璞荆山未易知，鑄銅金馬  
難爲式。湖上漁人香案仙。

徵飢亭集卷七

六

皇恩且許住三年，與君終踐蓮牀約。且助新詩十樣牋。

與洗竹朋

范

劉醇夫

子修

談嶺南風物

五羊城郭萬花莊，雲母屏風牡蠣牆。海市人家巢翡翠，山  
村兒女醉檳榔。橫樓疊榭宵開宴，古寺訶林晝納涼。偏我  
勾留緣太淺，荔枝紅過未橙黃。

過洞庭西湖二首

自笑氈氈鶴真成汜  
汜江大溶湖在安鄉春深小瀼水風急大溶湖小瀼湖在

平蕪湖在安鄉敲岸天無際驚舟夜自呼  
嗚夷何處逐青草斷

憶昨巴陵郡高樓縱目中  
兩山晴有雪五渚靜無風  
恍惚湘君遇傳聞地道通  
憑闌正清宴閒卻射蛟弓

漁戶萍居慣洲田草宅多  
茅蒲存有幾稻蟹種如何  
欲繪艱難狀誰憐慷慨歌  
側聞

恩詔下歡喜涕滂沱  
安鄉水災特甚恩詔獨租

澧州試院海棠花下歌次東坡定惠院韵

蘭江春暖饒花木香國紛紛憐爾獨  
只宜鎖院伴清幽肯逐穠妝門妍俗  
手植何人護短垣足音幾度登深谷  
往年

微飢亭集卷七 七

星使衝寒來雪壓枝梢風破屋  
豈看花開若雲恰逢說士甘於肉  
烏啼吏散公庭閒門掩苔封生意足  
乃知倚市無毛嫵縱不遇人亦貞  
淑我來青草棹扁舟飲露餐英春  
滿腹袖攜湘浦九畹蘭眼飽君山  
萬竿竹此花西府最繁昌未與離  
騷分品目詞人好事辨根蒂徑欲  
移書檄巴蜀坐中子雲花戚里一  
夜鄉心逐飛鷗諸君彩筆寫朝雲  
更向眉山徵舊曲百花生日醉休  
辭鈴索聲聲風雨觸

海棠次諸虎臣文炳韵

春陰院靜鎖花天  
驀眼垂絲喜欲顛  
燒竹夜添深巷雨煎  
茶香助隔牆煙泥他蜀客  
千回看蕭子山消我黃州一醉  
緣翻憶溼陽城郭外  
萬株紅雪照山川

一花一幹得來難，幹密花多亦可觀。詞客惟知惜香草，賞心何處覓真蘭。小窗盡日春風煖，空谷無人夜雨寒。擬學靈均栽百畝，他時秋佩訪江干。

去泰三月二十二日發武陵宿桃源

三日雨聲留客住，一朝晴色出城來。擔頭春筍黃牛角，篙眼新波綠蠓杯。

一曲滄浪怨楚臣，萬株桃樹笑秦人。屈平醒眼陶公醉，任爾漁郎獨問津。

自桃源縣西南行三十里得秦人洞，洞裏開一水壩，晨策辭城園谿流翳叢薄，空濛霧雨深。隱約帆檣泊側峯。

侵仇亭集卷七

間橫嶺登降勢，聯絡編竹見人家。炊煙識墟落，岸樹堆綠。蓑巖花被朱襮，鳴鏡耳驟聆。問渡心遙度，崖開一水喧。日出羣山躍，緬思桃源人。避世遠棲託洞天，復存津路杳如昨。下馬讀斷碑，躡衣步虛閣。曲磴仰攀躋，飛泉下磅礴。欽然天風來，萬竹響幽壑。筍高過枰欄，葉密勝帷幕。我欲斂石肩，雙扉靜無鑰。但見遇仙橋，難覓盤空索。瞿童已飛去，秦人安可作。塵心墮鄉縣，天籟出鸞鶴。蕭侯古仙吏，送我青山郭。攝縣令蕭君昇清談啜苦茗，豪興理苴屨。方今泰平日，風氣歸渾噩。盱盱懷葛民，浩浩黃綺樂。攬轡謝使君，種花遲後約。

小插籬籬護稻秧  
毯平鍼短不成行  
高田瀑布低田雨  
三月農閒四月忙

竹板編牆一局棋  
稻塍界水萬烏絲  
兒童背網打魚去  
驚起春江雙鷺鷺

地僻山幽土俗淳  
但完租稅不辭貧  
燒香酌酒木居士  
課雨占星農丈人

停驂小試午甌茶  
韶髮來看夾道譁  
野店逢人無市語  
落英滿地卽仙家

雨後曉行

一雨春寒甚連山  
曉氣清澗流爭路  
出崖樹礙雲行草  
踏沙泥滑繩牽竹  
轎輕只疑鄉國近  
走馬趙王城

青山鋪

襍欲亭集卷七

九

鳥道上春雲羣山勢  
糾紛天開蠻世界  
人祀漢將軍馬底有伏

波荒谷田廬少勞生  
婦子勤所期窮巷士  
二酉訪遺聞

四月七日夜夢授書於濂溪時道州別駕周君樂清

攝沅陵令適以像示與夢所見符合郡志載崇正書

院祀周程朱張南軒先賢今之試院卽書院故址爰

以夢濂名堂且紀以詩

孟夏日庚子校士宿辰陽  
統如夜鼓中夢侍經帷  
旁先生據几坐小子偃  
僂行仰瞻岸然貌豐頤  
疏髯蒼自云九十餘齒  
髮何堅強授我一卷書  
副以相人方語訖送公去  
三

馬驂翱翔以上夢中所見覺來告友朋疑信心旁皇春陵古衣冠

延頸空跂望周侯判道州攝事來沅疆手軸示公像儼與  
夢相當再拜驚且喜茲理安可詳惟公實楚產先覺承素  
王大哉師道立萬古輝秋陽小子晉鄙人奉使沿湖湘德  
薄學不固何以式膠庠變化媿厲之克用柔與剛今人豈  
不古習妄將爲常念此教無術日夕慙以惶時恐鄙吝心  
致使麾門牆公德及天壤尤戀桑梓鄉神明相爾室望道  
敢不禮在昔先民作精思通微茫區區抱寸誠得毋小子  
狂寤寐用自儆且以名吾堂

辰陽試院示諸生

郡縣以水名

沅瀘辰淑四縣  
乾州廳附焉

地爲羣山圍我從武陵來登

陟六昏晝天上望辰陽山峻水益溜里居雜蠻左田隴彌

漫飲亭集卷七

十

巖竇其風直而勁其土樸而秀沅淑何彬彬華實日以茂  
辰瀘文稍殺乾則隣於陋民勞心思善氣盛戒在門似聞  
雀鼠爭鞭朴煩令守吾志在媿厲省身先內疚此郡工最  
良榷柎助彫鏤當其運斤時巧欲奪天授神秬竟何成國  
奢當思救美哉錦尚綱辱矣璞求售持此告吾徒毋忘士  
德舊

雨中講堂望南山

朝見南山雲暮見南山雨雨來山若吞雲去山若吐可憐  
青山色顯晦難自主崇朝雨萬物功成名不取辰陽乃山  
國多石而少土老農嶺上歎欲假愚公斧豈知膚寸雲能  
潤萬礎柱我今與山識相喜兩無侮高人雖偃蹇意不厭

官府但惜手拄頤未許履出戶日長人語靜簷滴漸如縷  
坐令青夫容渺渺墮江浦

寄荅程雲芬學使前輩五首

三載同官比雁行兩家卜宅共青楊天教大筆開羅甸我  
亦浮查泛水鄉黔楚路通秦郡縣西南夷識漢文章獨慙  
翠被無奇服不稱靈均草木香

聞君阻雨鼎州城客館青苔榻下生定向仙源問漁父還  
從小酉檢書名酈元注水南條合張載銘山蜀道平畢竟  
采風先我到五溪煙景有誰爭

屈宋遺風託楚詞濂溪教澤至今思參軍但解媿隅語學  
士空傳岫嶼碑才大文章妨軋茁年豐市井尙刀錐斲雕  
爲樸何容易莫怪楊朱歎路歧

漫徂亭集卷七

七

七郡輜軒半載周辰陽風氣逼荒陬論文我已輸前輩導  
水君還據上游銅柱山高蠻鼓競竹王廟古杜鵑愁相思  
咫尺無由見負爾蘭橈桂楫舟

龍洞鼇磯閱歷親木瓜金筑土風淳先生講學如文黨弟  
子通經似尹珍聞道丹砂仙洞古遙憐筆竹瘴雲新烹魚  
煩碎君應笑枉卻雙雙遺錦鱗

堂上讀書二首

鑰院沈沈靜官鼓山光落檐日亭午文書了卻力猶努隨  
意陳編手摹撫平生笑人錐刺股裘敝金空方閉戶請看  
今日東西廡千人沈吟運斤斧亦知勝之良不武堂下斲

輪心正苦

孝先讀書門人謂退之作文國子笑人生好惡那可料漢軍且詫淮陰少焦頭上坐斗酒勞徒薪者誰不獲報睨陽孤桐中琴操中郎得之曩後竈金徽玉軫我所好虛聲肯使齊竽盜

荅周文泉別駕

逢君武溪水

時君攝沅陵令

贈我百篇詩劇邑煩龐令高文逼楚

詞承家心不忝

君以難陰得官

讀史力無遺

判道州時補祀蔡郭二殉難事因讀唐元

史而得之回首春陵道猶聞竹馬嬉

辰陽五日書懷

新息曾通道靈均舊有祠千秋沅水咽五日楚人思絲縷

復仇亭集卷七

七

青菰葉蘭橈畫錦旗漁家還泛泛解唱涉江詞

金匱袖書日薰風

賜葛天

御舟龍尾健宮扇鳳翎圓奉使懷佳節論文媿昔賢

辭文清公

王文成公皆講學於此文清有辰陽端午詩好將荆楚記寫入

帝京篇

船溪驛館北窗下嘉木蔚然

牆東冬青西梧桐矯若角里揖黃公枇杷若榴植當中平頭矮腳如雙僮更有紫荆木兩叢老幹倚屋孫枝豐有杖不扶甘直躬此老倔彊誰與同深山古驛雲冥濛北窗終日扃清風過客高枕耳似聾紅雪滿地林花空時有乳燕

銜殘紅我來屬客開簾櫳舉酒一醉琉璃鍾嗟爾佳植時  
不逢屈沱競渡船如龍涉江欲采青夫容

時端陽後一日

石門塘

芷江縣

石門塘口有人家綠野平疇驛路斜涼霧釀成深樹雨好  
山皺出遠天霞連村鼓吹迎新婦近水樓臺簇晚花誰道  
蠻鄉風景惡擬圖團扇寄長沙

嗟哉蘇生行效昌黎體

蘇文峻桃源縣武生

嗟哉蘇生六世同居自乃祖玊作室厥初載蕃載育以昌  
後嗣濟濟百餘飲食合爨人無私儲祇父恭兄婦順其夫  
家有犬與馬共豢而同芻在悅不吠在櫪不瘖更有乳燕  
哺烏瑞筍靈蒲飛翔揜依萃於庭除嗟哉蘇生善畏人譽  
縣令聞之嗟且吁上之大官達於

履徂亭集卷七

三

帝都

天子曰俞錫以額書嗟哉蘇生何所居惟桃源之敞廬桃  
源之民祇父恭兄婦順其夫厥風斯古而式化於蘇至今  
歌舞之同聲而歛歔越道光四載莫春之初策我使車爰  
式其閭嗟哉蘇生抱質如愚獎之且懼曰予言之誣予言  
匪誣稽之史策九世十世繫其人豈無惟爾克繼厥業以  
懷永圖毋令爾祖既勤樸斲丹雘弗塗昔秦人子壯分贅  
商君毒荼爾家遁於桃源世修厥德以艱以劬彼詬誶箕  
帚而德色耨鋤繫其人豈無嗟哉蘇生世世同居予言匪

誣

沅州試院留別諸生

惟楚逼滇黔沅為西南戶扼要今置郡籌邊昔開府明萬曆間  
偏沅巡撫駐沅州 國朝康熙三年移節長沙乾隆元年  
設沅州府改沅州為芷江縣合黔陽麻陽三縣隸府治

郵傳日往來夷苗紛參伍往者盤瓠種奮臂運螳斧時際  
唐虞盛一勞干羽舞邇來二十年文德格稚魯嚴疆刁斗

靜泮水衣冠燠三邑實鼎峙二廳如車輔鳳皇昱州二廳附試於沅

山風俗淳多農少商賈書藏雖未富士氣良不侮惟晃乃

新置嘉慶二十年割芷江六里地置晃州廳設學邊隅爭籍土向在黔省考試居隸晃治者俱

發歸晃四海盡庠序斷斷何所苦得毋苑枯集猶賴長官撫

我來告多士杞梓慎所樹古之薦賢者貧視其不取況今  
大化洽百室樂安堵年豐禮讓興地僻

復仇亭集卷七

七

恩膏普勗哉帶經鋤南山降時雨

竹朋以詩草見質賦荅

一卷新詩當記程某山某水說分明直從珠海天邊路陰  
到桃源洞口行庾嶺寒花應入夢楚江春樹也關情他時  
載向篷窗去莫笑歸裝似紙輕

題劉醇夫石寮詩草

壯歲能為客文章見性情萬言今倚馬五字古長城俠氣  
餘燕市鄉心雜楚聲秋風蕪菜美把酒意先傾

夏夜庭砌草深聞蚯蚓吟聲清烈偶檢席上腐談云

蚯蚓與螻蛄同穴鳴者螻蛄非蚯蚓也率筆記之

呂覽紀物候蚓出螻則鳴鳴者以息吹出者以氣行二蟲

穴共處同感而異情世人信抱朴無口能揚聲遂謂蛙鼓  
鬧不如蚓笛清豈知槁壤底守默原無爭空庭暑夜靜百  
蟲喧嚴更紗幃白鳥聚草砌流螢明側耳不能辨眾響紛  
雜呈土狗叫腸斷曲蟻得歌名用諺語感此坐歎息知音良  
匪輕

侵亂亭集卷七

五

復仇亭集卷八

壽陽祁雋藻叔穎

古今體詩五十九首

甲申  
乙酉

沅州望雨

北陸昭昭日南山殷殷雷陰陽仍搏戰川谷恐塵埃思患  
天能補平情物不災似聞龍井溢祈禱媿無才

畜水愁山鑿燒田利火畊自安生計拙多幸長官清一雨  
羣心待層雲萬里生端居渾不寐數問夜陰晴

蟋蟀吟

納涼坐深夜蟋蟀鳴前除其聲一何繁得意無疾徐坐中  
南海客爲我徵蟲書茲蟲性好勝一鳴噤其餘強者據而  
處弱者不敢居空山草露中往往獨歛獻豪貴黃金益搜

復仇亭集卷八

采窮郊墟忽聞貧家壁孤響清以舒不惜多錢選用博華  
堂譽一戰空羣馬再戰走駟驢銅山爲爾徙錦障爲爾儲  
可憐長股民爭鬥無時虛雖蒙豢養恩在野心躊躇常時  
負盛氣力盡悔計疏語鳥翦其舌山木全其樛顧視牆角  
侶歡樂復何如

楚歌行

林鳩呼雨鵲噪晴飛蠅晝集蟲宵征鵠雛且遭野鴟嚇蜚  
蛄翻笑寒蟬清黃鍾輟懸瓦缶擊老驥伏櫪鴛駘鳴慈母  
憐女愛及婿小姑忌嫂憎其兄季子敝裘貧婦恥相如駟  
馬王孫榮蕭艾塞途香草刈嫫母入室西施行古來千金

市駿骨或以二卵棄干城荆山別者亾姓名抱璞自重時  
人輕隨珠燕石各緹錦真龍假鳳猶紛爭高堂宴客醉美  
酒聽我爲君歌楚聲

曉發黔陽

霧重千林瘴山深一雨秋松棚嵌絕壁石蔓翳飛流村女  
銀珠髻蠻童錦布兜怪他閒看客田水早盈溝

靖州試院留別諸生

沅南三百里山水窮楚境十峒開蠻天孤州綴邊景田稀  
巖木繁地僻官齋冷下馬詢風俗多士鮮游騁歎息圖志  
無灰燼何由整州志以火燬無完本徵文餘斷編汲古失修硬石經  
目未窺汗簡心誰領俗書尤紛紜衣冠雜瘤癭豈無野處

襍錄亭集卷八

二

秀未免鄉壁遲古來西南夷荒畧遠方屏漢郡牂牁分唐

縣雞翁省宋詔改誠州義取蠻獠靖宋崇寧二年改誠州爲靖州名賢

屢謫居程敦厚魏了翁後先併讀書授生徒講學羅俊穎

至今觀亭月長照鶴山靜宋高宗朝程子山以忤檜謫靖講學於山麓郡人田氏爲築觀

亭於渠河東理宗時謫魏文靖於靖遺澤在庠序師資亦

云幸我

皇文德敷聲教被谿嶺山苗鼓篋來峒布敏關請會看貢  
成均豈復區里井師嚴道自尊民安政無猛董勸媿未能

作歌聊自警

渠陽送竹朋醇夫歸粵東

故國頻年夢他鄉送客心秋風一吹去滄海萬重深佩有

靈均草囊空陸賈金自憐衡浦雁無計逐南禽  
舊日浮查路孤帆出嶺雲峽僧曾識我龍吏又逢君紅樹  
秋江見青燈夜雨聞蠻鄉樽酒地離思各紛紛

鶴山書院

書院稱四大惟楚有其二嶽麓及石鼓講學醇儒莅其餘  
鼎峙三名與潭湘次城南妙高峯張公盛講肄道州元公  
里濂溪今未墜斯皆名勝區英俊接冠屣渠陽界夜郎僻  
遠疏文事鶴山舊講堂濟濟生徒萃緬思文靖公直道甘  
弃置絳帳開蠻天負笈四方至岩巖侍郎山

以程子  
山得名當門

落空翠秋江芙蓉老冬嶺松杉穉一破千古荒重訂九經

義文靖著九  
經義百卷

當時澤畔吟偶作觀亭記邦人頌遺愛程魏

復仇亭集卷八

三

誰其嗣茲功豈不偉化俗良非易絃歌聞武城敢曰牛刀  
試爾來青青衿溪峒出幽邃尙惜土音訛更鮮佳書肆子  
雲求方言侯芭問奇字勉旃慎勿嬉前賢心所歧

洪江放舟再送竹朋醇夫

夜涼閉官閣初日開林霏風軟水無骨草長山有衣勞人  
且慙息游子行將歸把酒問三老得魚何處肥

舟中

麻陽艇子矮窗篷八槳齊搖四面風隱几看山閒著句不  
知身在五溪中

大西山

辰谿

聞道辰陽洞緘藏柱下書空勞八駿負不見兩龍居禹碣

文同古秦灰劫尙餘何由開石室蹤跡或樵漁

仙人磯 瀘溪

枯槎嵌洞壁叢木起樓臺終古留雙鎖無人爲一開劍應

飛羽渡碁定爛柯來欲假梯繩力陰崖有怒雷 峭壁架木兩層上置

雙鎖昔有人梯山取之聞雷吼乃止又洞壁中有舟有佛有劍橫木直欄像如樓閣皆非人力所到

馬希範銅柱

石壁青天柱銅花碧蘚斑遠移交趾界高壓武陵蠻作鎮

南人服論功漢將艱馬流今幾戶秋草滿荒山

惠州歌送醇夫

君向惠州去我爲惠州歌惠州山水國人物英且多人物

英且多況有名賢過白鶴峰前宅一水東西波投詩翟夫

微飢亭集卷八

四

子賁酒林行婆逢竹便敲門遇花卽吟哦至今筆墨在大

字看壁窠邦人重其名珍之如卞和亮非古遺直安令人

咨嗟劉生富文藻至性靡偏頗遠遊燕薊間送我江之沱

兩年今告歸贈子言如何還誦坡公言其言良孔嘉上言

德有鄰下言思無邪

詠懷古跡三首

萬古銘山第一碑授書何事夢元夷字青石赤曾誰見苦

費諸家注釋疑 禹碑

八百平湖一釣洲鴟夷曾此繫扁舟姓名不許黃金鑄底

用磨崖紀勝遊 洞庭釣洲范蠡石刻

聞道重瞳葬九疑銅碑石碣字多奇精靈曾否山阿翫終

恐機雲笑左思

舜廟

鳳灘

伏波祠廟鳳灘頭祠下灘聲三疊流猶有誓蠻銅柱在勒  
銘不是漢家侯

茨灘

茨灘灘水似游龍一線銀濤萬弩衝最是山僧閒看客夕  
波紅處寺樓鐘

閏秋十日抵永順試院

北征四日上灘舟舊暑新涼逼閏秋西水自來人自去亂  
峯殘照入溪州

蠻荒從古屬羈縻郡縣羣蒙

復仇亭集卷八

五

大化移雍正七年土司獻土乃置郡縣買馬人家今蓋瓦土司舊令居人只許買馬不許

蓋瓦今弛其禁矣百年生聚泰平時

土風仍是葛天民莫道文章未致身永順龍山桑植舉於鄉者甚鮮保靖以邊

號間得中式萬本試樞銅柱字瓊琚玉佩彼何人馬希範銅柱文李宏皋撰

尚有唐人規模

玉屏山名郡城南山色壓檐低石罅開田百級梯盡日間雲不

成雨秋堂人靜畫眉啼山產畫眉

試院西齋和虎臣韻

諸峯羅列儼排衙小歇行滕便作家夜對明河星絡角朝  
看晴日樹槎牙豐年有象蠻溪靜深院無人雉堞斜但得  
閒時來弄月細傾尚酒吸流霞尚酒出永順

看山得句呈坐客

屋前見山高屋後見山低山高高插天山低與簷齊開簾  
納草樹倚枕來灘谿山靈如厭人終日雲霧迷豈知眉黛  
痕欲避無由睽碧紗隔煙語窈窕宜深閨誰云道路阻我  
欲從攀躋天風吹雨來秋色不可梯坐聞牆東隅飛轡躡  
騶嘶校場在試院東又見兩廊廡彩筆千虹霓始悟身在官不異  
山林棲蠻荒亦可樂賓從時相攜毋令遠客心搔髮思千  
篔

景福泉方伯謙以祈雨李真人詩見寄賦答

周詩御田祖呂覽紀時雩豐年亦祈禱微義通嗟吁古者  
恤民事百神罔不須民欲神必從祝史匪虛諛土龍象厥

漫徂亭集卷八

六

形天黿列爲圖或云荆白鷺亦復投虎顱其術頗近誕於  
理良不誣當其心誠求意在民困蘇苟有利於民不惜紛  
史巫長沙卑溼地厥土惟泥塗比歲屢告豐小旱時無虞  
嶽嶽封疆臣允懷民艱劬爲壇日步禱中心鬱以紆俯聽  
輿人誦仙李全真軀是能致雲雨輦之來城隅晨祈暮沛  
澤四野咸霑濡民曰長官力精神之所孚長官謝未遑曰  
惟神持扶端居感夢寐行路騰歡呼史官職載筆采風周  
邊區日飽太倉粟所媿求牧芻開函誦君詩持以詔生徒  
迺知豈弟心日與吾民俱歲星在荆楚南極拱斗樞坐着  
秋大熟杭稻連湘湖

獨坐

繞屋山如碧玉城已涼天氣半陰晴高檐疏雨過無影斷  
嶺溼雲行有聲地僻差欣官事減日長轉覺客懷清澧蘭  
沅芷都經徧一笑湖南萬里情

溪州銅柱歌

楚王銅柱瘴江邊寶蓋蓮臺九百年亂世文章到蠻洞將  
軍勛業繼龍編當時石郎下殿走稱父稱兒事可醜方州  
已割晉山河列國猶存唐印綬馬家父子擅英雄邊徼時  
論戰伐功聞道夜郎稱大國頓教槃瓠失餘風靜邊刺史  
投戈涕不畏天威畏王隸海內空傳生鐵謠蠻中但乞青  
銅誓君王一笑許輸誠鑄柱銘功洗甲兵梁苑詞臣爭第  
頌唐宮學士盡登瀛抽豪誰是無雙士紫袋金魚人姓李

復仇亭集卷八

七

韓碑柳雅古無論玉佩瓊琚差可擬上稱烈祖漢昭陵鐵  
馬金人舊勒銘下頌我王紹武穆神機指畫如風霆二千  
餘字書蒼勁七十四人紀名姓碑到蠻荒石洞開凱旋笳  
鼓江流競君王從此厭干戈溪女苗童歌舞多八柱沈香  
龍繞殿一湖碧月鏡橫波武安建國真草草轉眼羣駒爭  
棧阜大彭豪霸五谿蠻千口飄零南夏道敵國樓船破浪  
來鐵碑寂寞刺荒苔橫磨萬劍猶無用天策三軍安在哉  
豪酋世綰溪州印歷代羈縻惟靜鎮擊鼓椎牛氣益驕錦  
袍銀帶恩無吝自從干羽

兩階陳獻土今爲郡縣民衣服雲山都粲粲膠庠俎豆亦  
莘莘回看樹柱登壇地萬疊梯田綠鱗次牧兒敲火夜磨

鑣過客尋碑朝搦字北人那識細腰宮秋草斜陽西水東

莫將一片韓陵石錯認千秋馬援銅石晉時黔南巡內溪州刺史彭士愁引將

錦州蠻寇辰澧州楚王馬希範命劉勗劉劼廖匡奇帥衡山兵討之士愁遣其子帥諸酋長納溪錦繡三州即請降楚王

徙溪州於便地表士愁仍為溪州刺史自是羣蠻服於楚

希範自謂伏波之後以銅五千斤鑄柱高丈二尺入地六尺銘誓狀於上立溪州

邊城秋雨驟寒與客食豆腦感而作詩豆腦吾鄉味也

古人重豆羹後世傳菽乳遺術始淮南嘉名列食譜百穀

取其精獨此利用腐吾鄉製更奇以酒為之輔酒烈和以

飴其味雜甘苦滴酥濃不如截玉碎可數名與燕市同京師

豆腐腦製與此異實則不相祖楚塞秋風深連日苦蠻雨官酒豈

能醉客衣那堪補咄嗟辦此味滿坐相夸詡一椀醜顏頰

侵仇亭集卷八 八

兩椀煖肺腑三椀喫不得悵然念鄉土往時榆關下連村

響社鼓盤飧會比鄰泥飲遭田父七年馬頭月夢落湘江

浦豈無菰苳味柰此藜藿肚縮額飽梁肉抗顏稱官府回

思菜根酸甘與眾草伍餽粥有鼎銘敢忘一命僂

永順試院留別諸生

溪州古蠻荒天險連巴蜀灘聲二百里山力不能束我從

辰水陽來沂北河曲晴天雷電走陰峽星辰浴豈不念險

難願言省風俗土薄稀膏腴民勞澹耆欲其士雖鮮文樸

誠意自足荆山萬珉珎愛此不雕玉有時發光采虹氣儼

上燭蠻煙雜瘴雨皓質終不辱往者荆榛叢檠瓠遺種續

大彭蠡食之長蛇肆其毒茫茫千載中版圖未收錄玉屏

插天青銅柱壓江綠衣服限雲山干戈困蠻觸嗟哉此邦  
人天高何處跼

皇朝大底定遐邇

仁風沃朱垠仰南耀黎峒咸內屬遂令五谿地撥雲見晴  
旭百年郡縣開萬古冠裳縉宣風慰遠人食德懷舊躅中  
州清淑氣磅礴因材篤豫章久偃蹇驛騶老局促斯理恐  
未然吾爲多士勗

溪州

人語朱離鳥語織民風雖魯士風恬詩書未解巾箱授魚  
稻難求市味兼溪女生來能背籠山丁行處亦腰鎌細思  
敢說江灘惡合浦明珠識吏廉

馮欲亭集卷八

九

舟下鳳灘

鳳灘灘水秋益壯一灘一丈落天上上猶牽輓下如墜前  
船後船不相望我昨七月泝流來歸程豫計心惆悵溪州  
苦雨動經旬山徑陡滑穿幽曠平明解纜辭銅柱一葉飛  
流送千嶂雷霆倏發蛟龍怒滿坐無言色悽愴艣聲水聲  
兩不聞惟見簾窗挂銀浪須臾已覺天地別咫尺莫繪神  
靈狀坐中吳楚黔蜀客談笑波濤氣豪放僉云平生未見  
此嗟咤紛紛互推讓余亦燕趙慷慨人南遊到海乘秋漲  
枯槎一繫西江樹青草重斟洞庭釀有志欲逐溟鵬搏無  
才敢恨江魚葬詩成仍寄伏波祠布帆破冢知無恙

清浪灘

沅陵

東西半載走蠻荒刺眼羣山擁劍鋌經過溪州二百里不妨談笑對清浪

中秋月夜泊舟桃源江上得句寄田季高

伏波祠北水平流兩岸青山一棹收勞我連朝風浪險買魚沽酒作中秋

香案仙人團扇裁江山愛寫楚王臺何如明月崖前月萬

里秋光落手來

季高曾以穿石山水屬在軒寫之團扇明月崖卽穿石上游

獲嘉盧明府折新建同山書院以書相示寄荅

中州清淑大河鄉三載鳴琴治具張撫字辛勤民保障規模久遠吏循良武城自昔聞絃誦文黨他年有講堂要識

使君風化意讀書原不重辭章

君曾修治城垣

侵蝕亭集卷八

十

入甯鄉縣

溢郭闔城看使車少年贏得路人譽亦知白屋青燈下雪刺盈頭老著書

常德懷古兼示諸生

軒轅鑄神鼎世遠言多夸假物寓治理吾獨取子華

常德故鼎

州地子華子雖宋人僞託其論黃帝鑄鼎一條以爲古人寓言足正方士之謬其餘各條亦有可觀詳載四庫全

書總目采銅鼓神化登山燭幽遐如鼎養百物中實陰陽和

羣龍氣升降帝鄉心所家世人知識卑攀領徒歎嗟至今

弓裘在範物無偏頗服教畏其神豈惟圖姦邪斯言匪曲

言足證傳聞訛鼎州以鼎名取義實同科緬惟古皇化甄

陶此其多巨浸控洞庭長江湖岷嶓滇黔爲外戶荆襄承

餘波山川氣清淑瑰產中州過輶車歲再至問俗以禮羅  
美哉冠帶倫翼翼而峩峩四邑登俊穎十室騰絃歌比聞  
孝義風閭里相觀摩鄉有孝義約四禮約見郡志斯乃

大化敷文德之所加其俗亦云厚吾望良孔奢在銘爲寶  
鑑出匣爲太阿首山有洪鑪萬古歆雲霞

今春澧陽試院牆東海棠一株盛開予與幕客頗多  
酬唱冬月重來了無詩興將行之夕風寒作雪撫時  
寫懷仍用前韵時甲申十一月十九日

回憶看花二月天狂唵都爲海棠顛布帆送盡蠻溪水繭  
足歸來瘴嶺煙自笑飛鴻無定跡真如野馬與塵緣寒窗  
坐聽風梢語明日重湖雪滿川

後亂亭集卷八

十一

前詩既就憶去年清明日壹齋師招同滇生季高園  
廬海棠花下飲酒賦詩伊可懷也再疊前韵

如意門東尺五天春風鈴索護花顛宴餘每  
賜真珠酒朝退頻移寶炬煙青草扁舟成過客綠雲高閣  
記前緣南遊豈少蘭荃佩未免歸心似百川

十一月二十一日舟發澧陽泛洞庭至岳陽水程八  
日得詩八首

九澧揚舸去孤亭送客開塔灣朝雪集津市夜鐙來塔灣津市

皆澧地名美酒金龜換澧產靈龜

平湖鐵笛催便思凌澗洞把釣范

公臺

客有琴書載人疑水竹居唐李羣玉澧人有水竹居日高帆影亂天遠

柳條疏笑語聞三老肥鮮得尺魚晨餐聊倚棹煙火識邨墟

羣川趨匯口東下勢蒼茫岸樹昏鴉滿山樓畫角長撥灰

寒擁絮跳白捕魚船名夜鳴榔輸爾漁家樂煙波是故鄉

雲夢連三楚荆襄控上游始知天地大不盡古今愁水落

沙痕長風斜帆力適夕陽無限意斑竹滿汀洲

木筏疑洲穩風檣共鳥閒日光穿凍霧槎路逼銀灣仰見

穹廬蓋真如巨海環兩山浮一葉浩蕩有無間安鄉百二里至明

山明山三十里至團山

風雨君山夜寒篷客未眠團山東北行七十里見君山水聲落天上人

語亂燈前誰遣蛟龍怒吾思砥柱堅不須搔首問險阻飽

經年

履齋亭集卷八

三

水宿兼星飯浴陽望岳陽接天青草湖名遠送客白鷗忙柳

井寒仍沸蛟宮夜有光分明樓上笛吹雨過帆檣

聞道湖田孰何愁輓粟難豐年人四舖高卧日三竿憂樂

心還繫離騷詠未闌遙思簪筆侶披腹獻琅玕

二十七日洞庭阻風夜次何迪齋韻

遠遊蹤跡託迷陽放櫂行歌意轉狂自笑周南漢太史人

言汾曲晉公行頻年舟楫重湖慣一任風濤萬頃茫賴有

黃柑好春色與君斟酌話宵長

澧州試院留別諸生

讀書以明理匪徒習其文明理以致用匪徒尊所聞古人

畊且養一藝二載勤豈不貴多識愛博心轉紛灃陽工誦  
讀童子而能軍開口若伏生琅琅見齒齟伸紙試之書淮  
別滋紛紛羊質蒙虎皮信美非其羣四十曰強仕吾聞曲  
禮云柰何總角卅心爲名利薰得毋父師教治絲使之焚  
安鄉有潘叟讀邱索典墳白首窮著書子孫誦清芬觀其  
手撰述嘉言意孔殷胡不近取法舍田爲人芸作詩告吾  
徒庶幾鼓大昕潘相號經峯安鄉宿學著書甚富

乙酉元日次高晴舫孝廉握韻

甍作長沙客遙辭白馬津湖山助行色風雨戀詩人仙洞  
花成綺芳原草似茵莫嗟川路隔猶是故鄉春

壯歲耽奇服頻年事遠遊燕臺幾留滯騷客慣離憂顧我  
官如寄逢君轄可投枚生工七發談笑使人瘳

漫仇亭集卷八

三

次韵邱梅臣

鼎元

初春感懷

悶來始覺酒腸寬況有華鐙照夜殘宦味蕭疏知我拙詩  
情豪爽似君難騷人自古憐香草博士當年是冷官十載  
春風曾共坐未妨仍作布衣看余與梅臣先後出申鏡汀先生門下

初春雪夜聞雷簡方冉亭苴

昨過衡山郡春雷臘已聞

客臘十七日立春衡州大雷雨

如何卑溼地又

見雪花紛冰雨文堪證霧易氣未分仲舒知古事荅問意

殷勤冉亭爲予徵小正春秋二條甚悉

連日官齋冷圍鑪坐撥灰有人門外立爲我雪中來

時將考試

長短褐春難禦鋤犁事已催幾回看匕箸不是怯鳴雷

雙江堂上見南山

寶慶試院

萬卷叢中半日閒  
戟門鼓吹晝常關  
雙江堂上新晴色  
畫出西南一角山

寶慶試院示諸生

昭陵迤楚西置郡始南宋名因改元錫地以潛藩重

郡為宋理

宗潛邸即位改元寶慶遂以名府

當時正學昌諸儒德邁種茲邦接春陵

比戶習絃誦濂溪導其原朱張後先從流澤在庠序遺言

媿雅頌

郡志多載先儒碑記文字

允矣山川光大哉斯文統使車循南

國采風逮興庶僉謂杞梓材賢書歲屢貢陽春召我來川

原勞日送濟濟諸生徒翺鵠若鸞鳳觀書喜卓犖馳筆閑

罄控惟名不虛立吾志期實用舍田而芸人受服終為訟

微徂亭集卷八

古

高才良足倚賢者固屢空陰陰召伯棠毋令尋斧縱

郡城有召

祠伯

道州周元公裔孫博士承宗貢生南誥生員岐昌繩

武大文承業手錄公遺書及濂溪志見示敬題簡末

去年沅水逢周侯示公遺像與夢侔濂溪志久苦漫漶眼

澀手疲艱校讎今年寓書黃學博

女福教諭名辨

許為整次重參

酌黃君亦是道州民搜輯網羅見必灼公德在世化在鄉

詎藉私家攷著作史官載筆職所宜景仰先民心有恪況

復名區近桑梓敢使遺編委風孳博士弟子公裔孫莪莪

翼翼來吾門手抄書志出相示首尾完備堪討論月巖光

霽在咫尺展卷放悲須眉存山川文物此邦萃金石刻畫

珍瑤現惟公道大炳宇宙扶桑再見秋陽暎至今微言式  
庠序豈惟手澤貽後昆瀟湘三載省風土政拙才疏媿無  
補立教方知師道難純心始獲賢才輔食公舊德讀公書  
願與諸生紹鄒魯

饒毓亭集卷八

五

願與諸生紹鄒魯

詩之卷八

武風豈測乎

武風豈測乎

